


MLCSA 90/02185

FT MEADE
ASIAN

ILM ILÁHÍ I BAIBAL,

MUALLIFAE

PADRI F. L. NEELD, B. D.



✓
ILM I ILÁHI' I BAIBAL.

✓
MUALLIFAE

✓
PADRI F. L. NEELD SAHIB, M. A., B. D.

LUCKNOW :
THE METHODIST PUBLISHING HOUSE

✓
—
1895.

MLCSA 90/02185

0127 E2
25 8 45

90-915099

PREFACE.

TEACHERS of the Bible find that without some system, the mass of materials will not take organic form in the minds of the pupils.

This little book gives an historical outline of Biblical teaching. It is so arranged that the progress of Divine Revelation becomes manifest ; God's plan and purpose to save man through Jesus the Messiah—His own Son—is clearly brought to view by a natural and historical method. Faith in Jesus is greatly strengthened in the minds of the pupils.

It forms an excellent syllabus for lectures on Biblical Theology.

BAREILLY THEOLOGICAL SEMINARY, }

September 12th, 1895.

F. L. NEELD.

DÍBÁCHA.

BAIBAL ke sikhlánewále jánte hain ki bagair kisé qáida i muqarrara ke Kalám i Iláhi kí báteḡ shágirdon ke dilon par achchhi tarah se nahin jam sakti hain.

Is mukhtasar kitáb se Baibal kí talim ka tarikhwar khulasa malum hota hai, aur is tarah tartib di gai hai ki Iláhi Ilham ka taraqqi-pizir hona is se saf zahir ho jata hai, aur Khuda ka intizam o matlab apne Bete Yisú Masih ke wasile najat dene ka, aql se aur zamane ke halat se logon ko roshan ho jata hai. Is kitáb ke mazamin par gaur karne se shágirdon ke dilon mein Yisú ka imán bahut mazbut ho jata hai.

Yih kitáb Baibal ke ilm i Iláhi par lecture dene ke liye bahut umda fihrist ya naqsha i mazmun ka kam deti hai.

BARELI KA MADRASA I ILM I ILÁHI,

September 12, 1895.

F. L. NEELD.

FIHRIST I MAZAMIN.

PAHLA HISSA.

Puráná Ahdnāma Insán ko Masíhí Kalisiyá ke liye taiyár kartá hai.

SAFHA.

PAHLA BĀB.

Iláhí mazhab insán ko baḡhshá gayá.

| | | | |
|------|----------------------------------|-----|---|
| I. | Baḡhshe jáne men pānch marátib | ... | 1 |
| II. | Khudá ká zuhúr | ... | 2 |
| III. | Qaum ke taiyár karne men (Ádmí) | ... | 2 |
| IV. | Qaum ke taiyár karne men (Qáide) | ... | 3 |

DUSRA BĀB.

Iláhí mazhab ká barháo, barguzida qaum kí Tawáríkh men.

| | | | |
|------|-------------------------------|-----|----|
| I. | Hukúmat i Iláhí men 1491-1095 | ... | 7 |
| II. | Hukúmat i Sháhí men 1095-606 | ... | 9 |
| III. | Parágandagí o bahálí men | ... | 11 |
| IV. | Díní aur Bátiní taraqqí | ... | 13 |
| V. | Ummédwár ke mizáj men taraqqí | ... | 15 |

DUSRA HISSA.

Puráná Ahdnāma Insán ko Masíh ke liye taiyár kartá hai.

PAHLA BĀB.

Qurbání aur Tashbíhát ke bayán men.

A. Qurbání.

| | | | | |
|-----|---------------------|-----|-----|----|
| I. | Qurbáníon ká shurú | ... | ... | 17 |
| II. | Qurbáníon ká Barháo | ... | ... | 18 |

B. Tashbihát.

SAFHA.

| | | | | | |
|------|-------------|-----|-----|-----|----|
| I. | Mañe, Lafzĩ | ... | ... | ... | 22 |
| II. | Matlab | ... | ... | ... | 22 |
| III. | Usúl | ... | ... | ... | 22 |

DUSRA BĀB.

*Bádsháhat aur Nubúwat ke bayán men.**C. Bádsháhat.*

| | | | | | |
|------|---------------|-----|-----|-----|----|
| I. | Wáqiát se | ... | ... | ... | 26 |
| II. | Wadon se | ... | ... | ... | 28 |
| III. | Tasawwurát se | ... | ... | ... | 28 |

D. Nubúwat.

| | | | | | |
|-----|-------------------------------|-----|-----|-----|-------|
| I. | Nabíon kí fihrist (Tartíbwár) | ... | ... | ... | 30 |
| II. | Nabíon kí peshíngoián | ... | ... | ... | 32-35 |

TISRA HISSA.

Nayá Ahdnāma Masíh ká zuhúr hai.

PAHLĀ BĀB.

A. Masíh kí zindagí ke wáqiát.

| | | | | | |
|------|--------------------------------------------------------------------------------|-----|-----|-----|----|
| I. | Masíh kí tís baras kí taiyárí ke zamáne ke wáqiát | ... | ... | ... | 36 |
| II. | Masíh kí khidmat ke aiyám | ... | ... | ... | 36 |
| | 1. Pahlá sál. | | | | |
| | 2. Dúsrá sál. | | | | |
| | 3. Tísrá sál. | | | | |
| III. | Masíh kí zindagí ke wáqiát jo ákhirí dinon men Baitaniya aur Yarúsalam men hús | ... | ... | ... | 38 |

B. Us silsile ká bayán jis tarah se wáqiát ko sikháná cháhiye.

| | | | | | |
|-----|---------|-----|-----|-----|----|
| I. | Karámát | ... | ... | ... | 39 |
| II. | Kalimát | ... | ... | ... | 39 |

| | | | |
|----------------------------------|-----|-----|----|
| III. Masīb khud ; Yihí Injíl hai | ... | ... | 40 |
| 1. Matí | ... | ... | 40 |
| 2. Marqus | ... | ... | 41 |
| 3. Lúqá | ... | ... | 42 |
| 4. Yúhanná | ... | ... | 43 |

DUSRA BĀB.

A. Masīh kī Talīmāt.

| | | | |
|------------------------------------|-----|-----|----|
| I. Khudá kī Bádsháhat | ... | ... | 43 |
| II. Naját kī Ráh | ... | ... | 44 |
| III. Naí Paidáish | ... | ... | 46 |
| IV. Mamsúh Bádsháh | ... | ... | 47 |
| V. Muhabbat kī Shariát | ... | .. | 49 |
| VI. Khudá kī Parwardigárá | . | ... | 51 |
| VII. Duá | ... | ... | 52 |
| VIII. Rúh ul Quds | ... | ... | 54 |
| IX. Jí Uṭhná | ... | ... | 56 |
| X. Akhíri Adálat | ... | ... | 57 |
| B. Wáqiát ká Talīmāt ke sáth iláqa | ... | ... | 61 |
| C. Masīh ek kámit Ustád | ... | .. | 64 |

CHAUTHA HISSA.

Nayá Ahdnáma Masīhí Kalisiyá ká zuhúr hai.

| | | | |
|------------------------------------------------|-----|-----|----|
| A. Masīhí Kalisiyá ke bunyádí usúl | ... | ... | 78 |
| Kalisiyá kī taríf | ... | ... | 78 |
| I. Yisú Masīh | ... | ... | 79 |
| II. Rúh i Pák | ... | ... | 79 |
| III. Ahd | ... | ... | 80 |
| B. Masīhí Kalisiyá kī Tawárikh Nae Ahdnáme men | | | 81 |
| I. Yahúdíon men | ... | ... | 81 |
| 1. Rúh i Pák | ... | ... | 81 |
| 2. Yisú Masīh | ... | ... | 82 |

| | | | | | |
|----|----------|-----|-----|-----|----|
| 3. | Baptisma | ... | ... | ... | 82 |
| 4. | Gharáná | ... | ... | ... | 82 |
| 5. | Muqábala | ... | ... | ... | 83 |

(a.) Sadúqí.

(b.) Farísí.

(c.) Faqíh.

II. Sab qaumog men

| | | | | | |
|------|--------------------------|-----|-----|-----|----|
| 1. | Sámariya | .. | .. | .. | 83 |
| 2. | Qornelius | .. | ... | ... | 84 |
| 3. | Ğair-qaumon men | | ... | ... | 84 |
| (a.) | Antákiyá | .. | ... | .. | 84 |
| (b.) | Asia i Kochak men | | ... | ... | 85 |
| (c.) | Yarúsalam kí Kaunsil men | | | ... | 85 |
| (d.) | Yúrap men | ... | .. | .. | 85 |
| (e.) | Yarúsalam ká aǵhír inkár | | | ... | 85 |

C. Nae Ahdnáme men Talímát kí taraqqí .. 87

I. Taraqqí tın darjon men ... 88

1. Injılog men.

2. Aqamál kí kitáb men.

3. K̄hutút men .. 89

II. Talímát kí taraqqí ke usúl ... 90

1. Yagánagat.

2. Haqıqat.

3. Zindagı.

4. Taraqqı batadrıj .. 91

(a.) Masıh kí Zát.

(b.) Kalısiyá.

(c.) Tamám wáqiát ká iǵhtitám.

D. Talímát Aqamál aur K̄hutút men .. 93

I. Yisı Masıh.

II. Naját kí Ráh.

- III. Rúh i Pák.
- IV. Naí Paidáish.
- V. Zindagí ká Kalám.
- VI. Masíh men hoke zindagí.
- VII. Masíhí Kalísiyá.
- VIII. Intizám i Iláhí.
- IX. Duá.
- X. Jí uṭhná.
- XI. Akhirí Adálat.
- XII. Khudá ká shahr.

TATIMMA.

Ustádon ke liye hidáyat.

BIBLE STUDIES,

(BY A. E. DUNNING, D. D.)

HISSA I AUWAL.

PURANE AHD-NAMEN MASIH KALISIYA KE LIYE
INSAN KI TAIYARI KA BAYAN HAI.

PAHLA BAB.

IS BAYAN MEN EL BANI ADAM KO MAZHAB I ILAHI
BAKHSHE GAYA.

B AIBAL ki pahlī pānch kitābon men mazhab i Ilāhi ke
bakhshe jāne kā hāl, jo Khudā ki taraf se insān ko najāt
hāsīl karne ke liye atā hūā hai, mundarj hai.

I.—Mazhab i Ilāhi ke bakhshe jāne men pānch marātib hain.

1. Daira i khilqat kā zuhūr jis men insān ki najāt muta-
sawwir hai. Paid. 1: 1.

2. Khāss Bani Adam ki paidaish jis ki najāt hogī.
Paid. 1: 27.

3. Khudā kā pahlā Zuhur jo najāt ki bunyad hai.

4. Insān aur Khudā ke darmiyān ek Ahd jis se najāt kā
intizam shurū hūā.

5. Zakhira i najāt ki ishāat ke liye ek barguzida
qaum kā taiyār honā.

II.—*Khudá ne apne taín insán par ba-tadrij záhír kiyá.*

Is men pánch darje hain.

1. Khudá ne áp ko **Khaliq** batláyá. **Paid. 1 : 27.**
2. Khudá ne áp ko **Parwardigár** kahá. **Paid. 1 : 29.**
3. Khudá ne áp ko **Shariat-denewala** thahráyé. **Paid. 2 : 16, 17.**
4. Khudá ne áp ko **Munsif** thahráyá. (Jazá aur sazá-denewálá.)
5. Khudá ne áp ko **Rahim Bap** kahá.

III.—*Barguzida qaum ke taiyár karne men pánch darje hain : jin ke zariq se Khudá ká iráda i azím ki insán se ek kháss iláqa rakhná cháhtá thá, záhír ho játá hai.*

Par jab ham sarsarí taur se un darját ko dekhte hain, to aisá malúm hotá hai, ki Khudá apne iráde ke anjám देने में कामyáb na húa; lekin jab ham unhín darjon par ziyáda gaur ke sáth khiyál karte hain, to ham unhín darját ko Iláhí intizám ke sáth aisá muwáfíq páte hain, ki jis se Khudá ká yih iráda, ki insán tarbiyat में aur Khudá kí pahchán में taraqqí karke naját ke intizám में tajribakár ban jáwen, aur darje ba darje kámiliyat tak pahuchchen, púrā húa.

1. **Adam** ko Khudá ne apní súrat par paidá kiyá, par wuh ázmáish ke sabab mujrim thahrá aur barbádí kí hálát में giriftár ho gayá.

Ilahi Rahmat zubúr में áí, aur ek rihái-denewále ká wáda húa, jo ázmáish karnewále ká sir kuchlegá. **Paid. 3 : 15.**

2. **Bad-azán Hábíl** Khudá kí taraf mutawajjih húa. Ue ne Khudá ke liye ek maqúl qurbání guzraní : is wáqia se sáf záhír hai, ki Khudá **Mel** karne se rází hai. Hábíl ek Muqaddas qaum ká báp ho jáne ke láiq thá, par wuh apne bare bhái Qáin se maqtúl húa.

3. **Set** kí paidáish aur us kí nasl bil-íwaz Hábíl kí pasan-áida muqarrar nasl hai, jinhon ne dándarí kí ráh ikhtiyár kí, aur Khudá ká nám apne úpar chaspán kiyá. **Paid. 4 : 26.**

We áp ko Khudá ke log kahne lage. Yih dua karnewale log zahir hue, jo Khuda se iláqa rakhte the, aur Muqaddas qaum ka shurú thá, par yih muqaddas qaum bhí badí kí taraf máil ho gaí, is wáste ki duniyédár logon में jo Qáin kí awlád thí, ba-zariq shadí wg., ke mel karne lage.

Yún Khudá ká yih iráda, ki wuh ek Muqaddas qaum ko taiyár kare, záhiran púra na huá.

We sab ke sab siwáe ek khandán Nuh ke halák hue.

4. Nuh Khudá kī nazar men imándār thá. Is sabab se wuh aur us ká khandán bhī bach gayá. Us waqt Khudá aur insán ke darmiyán ek nayá iláqa zahir huá, jo ba-zariá qurbáni ke ek ahd bándhá gayá. Paid. 8 : 20 ; 9 : 8-17.

Lekin us kī aulád bhī kharáb ho gai, aur but-parastī bnī karne lagi.—(*Stanley's Jewish Church* 1. 18.)

Dunyá kī sab qaumon ká ágāz Baibal men Khudá kī marzi se darj kiya gayá. Táki yih amr ba-khubī zahir ho jāwe, ki we naját ke kām se kyá iláqa rakhte hain, aur yih bhī mazkūr kiya gayá, ki Babul ke Burj kī taiyārī ke waqt sab log bagair Imdād i Ilāhī āpas men yagānagat o ittihad paidā karne chāhte the, par un ká iráda kāmýabī tak na pahunchá, aur phūt par jāne se titar-bitar ho gae.

Isī tarah we tamám koshishen jo bagair Imdad i Ilahi kī jātīn, be-fáida ho jātī hain.

5. Abiraham un kharáb logon men se chun liya gayá, ki wuh ek qaum ká banī t̄bahre aur Ilāhī mazhab us ko amánatan supurd kiya gayá. Paid. 12 : 2, 3.

Wuh buláya gayá, ki gair-mulk men jákar ek qaum kī bunyād dāle, us ne is buláhat ko qubūl kiya, aur (Ibrī laqab pāya, yane daryá ke pár jānewálá) us ke sáth bhī ahd bándhá gayá, aur us ahd men yih wada hai, ki us kī aulád barguzida qaum banegī.—(*Stanley's Jewish Church* 1. 3.)

IV.—Ab zail ke pāñch usūl jo barguzida qaum ke taiyār karne, aur Abirahám ke safar karne, aur us ká gair mulk men jákar basne se, zahir ho jāte hain.

1. Abirahám ham-shakl ek Baddú Arabī ke thá aur us kī aulád bhī misl Arabistán ke Baddúon ke thī, aur us iman ke wajh se jo Abirahám men sburū huá, aur us kī aulád men barhtá gayá, Europe ke bāshindagán ká mazhab aur t̄ahzīb un se paidá hūi. (*Stanley's Jewish Church* 1. 13.) (Isī sabab se Abirahám hone ká khitáb pāya.)

2. Khudá ke hukm ke mutábīq Abirahám dunya se alāhida ho gayá. Tab Khudá ne us ko ek khāss jagah aur ek gharāna, aur wada aur khāss anjām ke liye chun liya. Us ne apnī aulád ko but-parast logon se alāhida rahne ke liye, un

logon men shádí biyáb karne kí mumánaat kí, aur us ne yahán tak aláhidaǵí ikhtiyár kí ki un se qabristán ko bhí muft na liyá. **Paid. 23 : 5.**

Aur khusúsan us ne Khalíl Ulláh hone ká khitáb páyá (but-parast logon ke bieb men wuh ek Khudá samjhá játá) tau bhí Malik i Sidq ká bayán us ke sáth páyá játá hai, jis se malúm hotá hai, ki Khudá kí bádsháhat na sirf ek hí gharáne yá ek hí nasl men mahdúd hai, aur na ho saktí hai. **Paid. 14 : 18-24.**

Malik i Sidq ke hál se insán gahre matlab ke usúl kí báten aikhte hain, aur un usúlon se insán par bahut tásir bhí húi, aur aise wáqiát ke zariá se Rasúlon ne síkh liyá ki Khudá ne “Ek hí khún se sab insánon kí sab qaumon ko tamám zamín kí satah par basne ke liye paidá kiyá.” **Aamal, 17 : 26.**

“Balki har qaum men jo us se dartá aur rástbází kartá Khudá ko pasand átá hai.” **Aamal, 10 : 35.**

3. Khudá se Abirahám ke sath Ahd bándhá, aur bár bár us ahd ko yád dilákar mutawajjih kiyá, aur yih ahd qurbání ke zariá se qáim kiyá gayá, jis ke mane nabíon ke roya se ziyáda safái se khul játe hain.

4. Khudá ne Yaqub ke gharáne ke sáth us ahd ko qáim kiyá, ab wuh ahd na sirf ek insán ke liye balki kull khándán ke liye káfí thahá, jáne ab wuh ahd Yaqub ke khandan ke sáth bándhá játá hai, kyúнки yih khándán ab ek qaum hone-wálá thá. Paidáish kí kitáb bahut sí ibtidáí báton kí kitáb hai aur us men 2,500 baras ká zikr hai, is kull zamáne kí tawárikh ká kháss mazmún yih hai.-**Yaqub ka khandan.** Báqí mazmún usí mazmún par dalálat karte hain par us khándán men kull dunyá ke liye ek bhári wada hai, (*The Great Argument* safha 58, musannif W. H. Thompson) aur jo barguzída qaum Yaqub ke khándán se niklí; aur jis barguzída qaum ká shurú Paidáish kí kitáb se zahir ho játá hai. Wuh Yahúdí kalisiya ká sáya hai; wuh kalisiya jis ke wasíle se Iláhí mazhab ke usúl kull dunyá men phail jáwenge: wuh gharáná ek bíj hai jis se ek abadí bádsháhat bahrí jáwegí; aur yih bádsháhat ahd ke iráde ke báis gair-fání abadí bádsháhat hamesha tak qáim rahegi, (*The Great Argument* safha 96.)

5. **Kalisiya ka intizam** is tarah se húa, ki wuh har guroh ke log ek aláhida qaum ban gaí, aur ek kháss jagah us ke liye muqarrar kí gaí. Un ká aláhida hone ká zikr Khurúj o Ahbár men páyá játá hai. Is intizám ke karne men tén darje hain, jin ká zikr Khurúj kí kitáb men miltá hai.

(1) Músá logon ká hadi taiyár huá, buláya gayá, aur apne kám ko bhejá gayá.

(2) Ba-zarié rahnumá ke Misr se nikle. Yih Khuruj kahlátá hai.

(3) We ba-zarié rahnumá ke koh i Síná tak pahunché aur ahd kí shariat un ko dí gayá, jis men ahd ke usul kí báten pái játí hai.

Shariat ká matlab un ke aamálon se khultá gayá, aur is inki-sháf ká hál Ahbár o Gintí aur Istisná men páya jótá hai, lekin Khuruj kí kitáb men zail kí báten pái játí hai:—

(a) Das ahkám, jo rástbází aur gunáh ko zahir karte hai. Akhlaqi qawanin.

(b) Ibadat ke rasumat, jo gunáh se naját aur us ká natíja zahir karte hai.

(c) Mulki qawanin, jo díní muámalát men hifázat ká intizám karte hai, aur qaum kí yagánagat ke báis hue.

Mulki qawanin aise the, ki jin ke zarié se Iláhi mazhab ká matlab zahir hotá hai, aur ek khazána Iláhi mazhab ke liye qáim ho jáwe. Lekin Das ahkam qawanin ki bunyad hai. Un men ahd kí shariat pái játí hai, aur sab báten un se nisbat rakhtí hai. We takhtíán jin par shariat likhí thí, we “Ahd ki takhtian” thín, aur wuh sandúq jis men takhtíán rakhtí thín, wuh “Ahd ka sanduq” thá. Khur. 9: 4-8; 31: 18.

Ahbár kí kitáb meq kalisiyá ká intizám ke bartáo ká zikr hai.

Us men kahanat ke qawanin, o ibadat ke tariqe aur naját ke rusúm mundarj hai, kahanat árizí thí, is wáste ki wuh ánewáli bihtar chizon ká sáya, aur muallim thí. Is kitáb meq Khudá se mel karne ke kháss chár usúl dídaní chizon ke zarié se páe játe hai.

1. Qurbani ke qawanin mel karne ká wasila batláte hai.

2. Pakizagi ki shariat mel karne kí halat batlátí hai.

3. Kahanat ke qawanin us shakhs ko jis ke zarié se mel ho saktá hai, zahir karte hai.

4. Idon ki tartib mel hone ke waqt batlátí hai.

Gintí kí kitáb meq mulki intizám o qawanin ká bayán hai, jis se barguzída qaum Civil o Political jamáat ban gayá, jo Iláhi mazhab ká khazána thí, aur us men mulki intizám ke qawá-mín páe játe hai.

Pahli mardum-shumari jo koh i Síná par húi thí, un logon ke mulkí intizám ká shurú thí.

Dusri mardum-shumari us pusht ká intizám thí, jo arhtís baras bad húi aur Kanaán men dákhil honewálí thí. In tamám wáqiát ke bayán ká matlab yih hai, ki ham ko sáf malúm ho jáwe, ki Yahowáh ne apne kháss khazáne ke logon ko kis tarah se apne nek iráde ko púrā karne ke liye taiyár kiyá.

Istisná kí kitáb men pichhlí báton ke áhd ke qawánín **Khurúj**, kahanat ke qawánín **Ahbár**, mulkí qawánín **Gintí** mukhtasar taur par nazarsani kí gai hai, aur ba-wajah barháo us qaum ke, jo naí báton jo un ke tajribe men barh gai thín. Us ke bayán ke tarz o taríqe men farq hai, aur jo áhd koh i Síná par bándhá gayá thí, aur aur un qawánín ke sunne ká bayán hai, táki log mulk i Kanaán men bátaht hukm i Iláhi rahne ke liye taiyár ho jáwen.

Khurúj, **Ahbár**, **Gintí** o **Istisná** kí kitábon kí nazarsani karne ke wáste zail kí das báton ko hifz karo.

1. **Hadi** ká buláyá jáná aur taiyár honá.
2. **Misr** se **Khuruj** karná.
3. Koh i Síná tak pahunchná aur **shariat** dená.
4. **Kahanat** ká muqarrar hon'.
5. **Khaima** ká khará honá aur áhd ke sandúq ká qáim honá.
6. **Qurbani** ká intizám.
7. mulk i **Kanaan** ke nazdík pahunchná.
8. Un ká pichhe hat jana aur apni baras tak bayábán men áwára phirná.
9. **Yardan** nadí ke pás pahunchná.
10. **Kanaán** par qabza karna.

PAHLE BAB KE SUWALAT.

1. Insán ko khális Mazhab i Iláhi bakhshe jáne ká matlab batáo.
2. Mazhab i Iláhi bakhshe jáne ke pahle pánch darjon ko maā natáij ke batáo.
3. Khudá ke zahur ke pahle pánch darjon ko maā natáij ke batáo.
4. Barguzida qaum kí taiyari ke pánch darjon ko maā taraqqí ke batáo.
5. Pánch usúl jin par barguzida qaum qáim ho gai batáo.
6. Bayábani kalisiya ke intizám ke pahle tinn darjon ko batáo.

7. Kalísiya ke qánún kitne sígon men aur kis matlab ke liye taqsím kiye gae?

8. Rasúmát ke qawánín ká bayán aur un ká matlab batáo.

9. Mulki qawánín ká kyá matlab thá ?

10. Istisná kí kitáb ká matlab batáo.

DUSRA BAB.

ILÁHÍ MAZHAB KÁ BARHÁO BARGUZÍDA QAUM KI TAWARRÍKH MEN.

PAHLE sabaq ke ikhtitám men barguzída qaum ke, jo wáde kí zamín men dákhil honewálí thí, Yárdan ke nazdík pahunchne ká zikr húa.

Iláhí mazhab ká barháo barguzída logon kí qaumí zindagí ke barháo ke sáth húa.

Is men páñch darje hain, yáne Hukumat-i Ilahi, Hukumat-i shahí, Paragandagi o bahali, Dini o batini, aur Intizari ki ruh.

1. Qaumí hukúmat ká pahlá intizám, **Hakumat i Ilahi tha.** (Theocracy.) Is lafz ko pahle Yúsufí muwarrikh ne istismál kiyá, jis se yih murád hai kí Khudá khud apne logon par hukúmat kartá hai, aur káhinon aur bádsháhon kí hukúmat se murád nahín.—(*Stanley's Jewish Church* 1. 174.)

Theocracy ek pák jamáat hai jis men chune húe iog aur makhsús kiye húe log ek nádídaní házir o názir Khudáwand kí záhiri hukúmat baní; qadím kalísiyá yih hí hai.

Iláhí hukúmat men páñch wáqiát se Iláhí mazhab ká barháo záhir hai. Aur yih wáqiát tén kitábon men hain. Yashúa kí kitáb men barguzída qaum ká Kanaán meo dákhil hone o qáim hone ká zikr hai aur is kitáb ke kháss wáqiát yih hain:—

1. Baní Isráel ke **dushmanon** ká **maglub** honá; Báb x. men dakhiní bádsháhon ká Muqqaidán men; aur báb xi. men Shimálí bádsháhon ká Merúm men halák hone ká zikr hai.

2. Kanaán kí **zamin** ká bárah firqon men **taqsím** honá, aur un kí hadd-bandí.

Yih do wáqiát tísre wáqi se mutaalliq hain.

3. Ba maqám Sailá Yahowáh ká takht khaime men qair honá.

Jab yih sára intizám ho chuká Yashúa apne logon ko nasíbat o wasíyat karke faut ho gayá.

4. Qázíon kí Kitáb men barguzída qaum ki azmaish ká zikr hai.

Is zamáne men Ahd ke frishte se adálat kí aur un ko rihái bakbshne aur is Ahd ke frishte ke tén sau baras ke arse men chár zahúr ká zikr hai.

Pahle zabúr ká zikr Qázíon kí Kitáb Báb ii. men hai, ki yih frishta ba maqám Bokim men záhir húa. Is maqám par log apne gunáhon par roe aur qurbání guzrání.

Dúsrá zahúr ba maqám Ufráh men húa jis ká zikr Qázíon ke Báb vi. men hai, us waqt logon ne Khudá ko pukára tab Ahd ke frishte ne apne taín Jidáun ko dikhlayá.

Tísrá zahúr bá maqám Surah men húa, is ká zikr Qázíon ke Báb xiii. men hai, is maqam par Ahd ke frishte ne Samsún kí mán ko khabar deke kahá, ki “Tere betá paidá hogá.”

Chauthá zahúr ba maqám Jibiah men húa, jis ká zikr Qázíon ke Báb xx. men hai.

Is maqám par Binyamin kí qaum anqaríb Khudá ke hukm se halák ho gayá.

Yih tamám tawárikbí bayán gunáh, dhamkí, sazá, aur rihái kí nisbat hai. Akhirkár yih qaum Iláhi hukúmat ke qábil na thahrí, aur jab us ne Khudá ko tark kiyá, to Khudá ne us ko ebhor diyá, aur wuh Filistíon ke háth men parkar zalíl húi.

5. Rúť kí Kitáb men Khudá ká iráda záhir hai, ki us ká fazl tamám qaum ke liye hogá. Ek gair qaum aurat Ahd ke logon men ek shahána nasl kí taiyarí ke liye shámil húi.

Iláhi hukúmat ba záhir uth jánewálí thí, kyúñki log rúbání hukúmat men rahne ke qábil na the, logon ke jismání ho jáne se yih záhir ho gayá thá. Par tau bhí Iláhi hukúmat men kuchh Iláhi qánún o hukúmat ke usúl logon ke dilon par pukh-ta taur se is khiyál ko jamáyá thá ki Khudá insán ká rahnumá hai, aur ki but-parastí o shahwat-parastí aur sharárat ká natíja sazá hai, aur taubakár par rahm kiyá jatá hai, aur us ne Khudá kí pákízagí ko záhir kiyá, aur us ne kháss kar zail ke páñch usúl ko sikhláyá :—

(1.) Khudá un ke dushmanon ko maglub kar saktá hai.

(2.) Khudá apne wade ke muwafiq miras de sakta hai

(3.) **Khuda hazir o nazir** un ke darmiyán sháháná taur se takht nashin hai.

(4.) Khudá ke takht-nashín hone aur wadon ke báis un ke darmiyán yaganagat paidá húi, kyúнки un ká muámala ek thá to anjám ek hogá.

(5.) Khudá apne fazl o muhabbat ko sakht dil logon se, jo us ko nahín mánte, hata leta hai, aur un kí nafarmani ke báis we barakaten jo un ko hásil thín le leta hai.

II. “Jab hukúmat i Iláhí játí rahí, to hukumat i Shahí qáim húi. Is zamáne men Iláhí mazhab ke barháó men khássa párch báten zahir hain, jin ká zikr tén muqarrara kitábon men hai, yane 2 Samuel, 2 Salátín, aur 2 Tawáríkh men páyá játá hai, aur níz yih ki Khudá ne logon ko kis tarah chhor diya, ki Bádsháh un logon par hukúmat kare.

1. Saltanat i Sháhí ká bani Daud Bádsháh thá.

Sául pahlá Bádsháh to thá, lekin us kí dár us saltanat ká koí thikáná na thá, aur na us se koí sháhí khándán qáim húa, aur na Baibal ke nasab-námon men wuh bádsháh shumár kiyá játá hai, par Dáúd ek sháhána gharáne ká sardár thá; us ne Yarúsalam par hamla kiyá, aur us ko apná dár us saltanat qáim kiyá, aur wuh ek fathmand sháhansháh thá, aur wuh wada jo Abirahám se kiyá gayá thá, ki qaum kí hadd Misr se Ufrát kí nadí (Paid. 15: 18-21.) Dáúd Bádsháh men púra húa; us ne qaum ke intizám ko púra kiyá, aur pukhta kiyá. Aur ilm aur talím men taraqqí bakhsí, aur un wadon aur ummedon kí intizárí ki, jo nabíon kí marifat kí gai thín, rahnumái kí; aur logon ke dilon men us ke áhd men kalísiyá kí nisbat nae nae khibyálát paidá hue, aur ziyáda safái se kalísiyá ka rishta zahir húa. Jab ki us ne Áhd ke sandúq ko Sháhána shahr Yarúsalam ke markaz men qáim kiyá, wuh khaima jalál-wálí Haikal ká sáya thá.

Jalálí Haikal qaum kí qurbániyon aur ibádat ká markaz ban gai thí, aur is ibádat ke markaz men mulkí qawanín o Hákim ká ikhtiyár aur mulk ke bare wáqiat shámil hain. Khudá haqíqí Bádsháh aur raíyat Bádsháhat aur Dáúd us ká Khádim hai.

3. Nabíon ka intizam Dáúd Bádsháh ke Áhd i Hukúmat men saltanat ke intizám ke sáth barhtá gayá, aur wuh Bádsháhat kí zamir ban gayá; sarkár kí burái ke liye, rok aur nekí men taraqqí ká báis thahrá. Aur yún Bádsháhat kí súrat kisí qadr kalísiyá kí súrat ban gai. Sab se pallá nabí

Músa thá, aur nabíon ke madrasa ká intizám Samúel ne qáim kiyá thá. Par Dáúd nabí aur Bádsháh bhí thá.—(*Stanley's Jewish Church*. II. 106.)

4. Dáúd Bádsháh ke aiyám i saltanat men mulki intizam aur Kalisiya ka intizam ek dússe men shámil thá.

Bádsháh mahal men thá, aur kalisiyá khaime men. Us kí wafát ke bad kisi qadr har do intizam men tafraze pare. Par tau bhí donon zurúr the. Usúl i riyásat ke qawánín ke liye aur us ke barháo ke bayán ke liye do kitáben darkár hain; yih donon kitáben ham-zamáne hain. Pahlí aur दूसरी Salátín kí kitáb men Bádsháhat kí mulkí tawárikh pái játí hai, us men Khudá apne ahd ke mutábiq Salátín kí hifázat kartá hai. Aur khásskar us wade ko púra kartá hai, jo us ne Dáúd se wada kiyá thá. **2 Sam. 7 : 12-16.** Aur is wade ká púra honá bayánat i zail men páyá játá hai.

Sulaimán ke Ahd i saltanat kí hashmat se, Muqaddas shahr o Haikal aur us ke khándán kí hifázat se aur Yahúyaqím Bádsháh kí sarfarází se, jo Bábul ke dígar Bádshábon ke úpar húi, jis ká zikr kitáb ke akhír men hai.

Tawárikh kí pahlí o दूसरी kitáb men kalisiyá kí tawárikh pái játí hai. Khudá ne apne ahd ke mutábiq apne barguzída logon kí hifázat kí, khásskar in har do kitábon men un wáqiát ká bayán hai, jo Haikal kí ibádat aur Láwíon kí khidmat se iláqa rakhtí hai. Haikal ke intizam kí taivári i firqa i Yahúdáh kí tariikh o Khoras kí hukm i bahálí Haikal tak mundarij hai; aur dígar wáqiát ká bhí bayán hai, jis se logon ke dilon men Yahowáh kí ibádat ká shauq paida húa, jab we asíri se laut gae.

5. Agarchi Haikal o nabíon kí tásir bahut thí, tau bhí hákim aur log donon sarkashí karte the, aur Khudá kí shariát aur hukúmat kí mukhálifat kí; anjám yih húa, ki un men phút par gai, aur Badshahat do hisse ho gai, yih phút bar-badi ka shuru thí. Das firqon ne Sámariyá ko, aur Yahúdáh ne Yarúsalam ko dár us saltanat qáim kiyá, aur kahánat o Haikal firqe Yahúdáh ke sáth rabí. Uttar kí bádsháhat men un kí khidmat ke liye bare bare nabí zábir húe. Lekin doron bádsháhaton men log be-díní o burái meq barhte gae, yahau tak ki hukúmat i Sháhí bhí misl Iláhi hukúmat ke taulí gai aur kam niklí aur barbád húi.

Ab phir ba-záhir malúm hotá hai, ki Khudá ká iráda púra na húa, lekin aisá samajhná galat hai, kyunki bare bare iráde aur

taim kī bāteṁ jo kalīsiyá kī bunyád thīṁ, ziyáda safáí se bazaráí wāde o dhamkī o nubúwat ke zāhir hote jāte the. Liházá pāñch bāteṁ par mutawajjih honá chāhiye:—

1. Tajriba karne se **das ahkam qaim** ho gae, jo kalīsiyá kī riyásat ke aḥlāq kī bunyád the.

2. **Khuda** ke do ausáf yāne hukúmat karnewálá aur rihai denewala ziyáda safáí se malúm ho gae the. Khudá ne ap ko Músá par zāhir kiya, jis ká bayán **Khuruj. 34 : 6** men hai, “Khudáwand Khudá rahím o mihrbān qahr men dhímá, Rabb ul faiz o wafá hai.” Saltanat i Sháhí ká tajriba karne se insáf o rahmat o sacháí aur muhabbat kī bāteṁ men yahán tak taraqqí húi, ki we Yahúdí kalīsiyá ke iráde o aqíde kī bunyád ban gae, aur unhoṁ ne bihtar zahúr ke liye jo Masíh men húa, taiyári hásil kī, aur fazl o sacháí Masíh ke zariqa se húi. **Yuh. 1 : 17.**

3. Qaumí laráíeṁ aur fathmandí o maglúhí o halákat se un ke zihnoṁ men **gunah** o **rastbazi** o **adalat** aur **najat** ke kḥiyál ziyáda safáí se jam gae ki we bāteṁ insán ke chál o chalan se kyá nisbat rakhtí haiṁ.

4. Khádim ud dín ke ubdoṁ kī ek tartīb nikal áí, us waqt se **Ambiya** kalīsiyá ke intizám men shámíl the.

5. Un ke dilon men hubb ul watani ke kḥiyál ne do ‘sababo ke kasrat se jagah pakrí. Ek **shahana Masih** kī intizári se dúsre kalīsiyá ke pák kiye jāne aur bahál kiye jāne kī intizári se.

III.—Yahúdíeṁ kī asíri men parágandagi o baháli. Job we *gunáh karte karte saḥt dil ho gae, Khudá ne un logon ke darmiyán se apná takht uthá liya. Is zamáne ke pāñch wáqiát zikr karne ke lúiq haiṁ.*

1. Yahúdíeṁ ke báqí faríq, jo Yardan nadí ke púrah taraf ábád the, aur **das firqe** jo Yardan ke pachchhim taraf ábád the, Asúríeṁ se maglúb aur **asiri men** jiláwatan kiye gae. Un logon ká bayán phir kisí kitáb men nahán miltá, goyá ki we gum ho gae. **2 Sal. 17 : 21-23.**

2. **Yahudah** bhí **gunáh** men taraqqí kartá gayá. Yahán tak ki Nabúkadnazar bádsháh i Bábul ne ákar Yarúsalam ko tabáh kiya, aur logon ko **asir** karke Bábul ko le gayá. Asíri ke dinon kī kaifiyat kḥásskar tén kitáboṁ men páí játí hai, yāne Yaramiyáh, Hizqiel, aur Dániel, aur níz dunyáwí muarrikhoṁ kī kitáboṁ se bhí, jin saḥt tambíh kī tajribakári se log ek markaz qáim hone ke liye, jis se díní tásírat phaile taiyár ho

gae the; táki qaum i Yahúdáh aur insán Masíh kí ámad ke liye taiyár ho jáwe.

3. Azrá kí kitáb ke pable bábon men Yarúsalam kí pahli bahali ká bayán hai. Zarúbabul ke zariq se jo Khoras Bádsháh ke hukm se laut gayá thá, páyá játá hai. Haikal phir banáí gai, aur mazhabí intizám phir qáim húa, aur usí Haikal men se dunyá ká Naját-dihinda ke faiz ká chashma záhir húa.

4. Nahamiyáh kí Kitáb men dusri bahali ká zikr hai. Shahr kí díwár ká banáyá jáná aur sarkarí intizám ká bahál honá, táki mazhabí intizám yane kalisiyá kí hifázat ho.

Asírí ke zamáne ke ek waqia ká hál Ástar kí Kitáb men páyá játá hai, jo asírí ke dinon men barguzida logon par guzrá, jab ki wo jiláwataní men the, magar Khudá kí rahnumái men the, bayán hotá hai.

5. Bádsháh ke ek zamana aisá húa, jis men koí ilhamí kitáb tasnif nahin hui, is zamáne kí miqád 400 baras se kuchh ziyáda thí. Ham ko dunyáwí Tawárikh se is zamáne ke hálát o waqiát se ágahí ho játí hai. Sikandar i Aazam aur us kí maut ke bád us ke chár sipáhsáláron kí hukúmat Yahúdáh ke mulk men hui. Is zamáne men Misr ke bádsháhon Ptolmis wg., kí hukúmat záhir hotí hai.

(a) Sikandar i Aazam se Antiokas Epifanes tak. Q. M. 333-175.

(b) Antickas Epifanes kí hukúmat. Q. M. 175-165.

(c) Makabis ke Áhd i saltanat. Q. M. 165-162.

(d) Rúm kí Áhd i Saltanat ke zamáne men itáqat ba-zariq áhd. Q. M. 162-70.

(e) Rúmon kí áhd i hukúmat men farmánbaidarí ke sáth itáqat.

Yún ákhiri koshish bhí Khudá ke iráde ke muwáfiq Abiraham kí nasl se ek Muqaddas qaum taiyár ho jáe, ba-záhir ná-kámyáb húa. Lekin haqqat men Khudá ne us ráh ko, jis se insán ko naját mil jáe, taiyár kiyá, yih nahin ki Yahúdí qaum kí sarfarází ho, balki Khudá ká wuh iráda ki insan ko Ilahí mazhab diya jae, pura hua. Parágandagí ke bhári natíjon men se ham zail men páuch ká zikr karte hai:—

1. Yahudi log Khudá ká matlab aur Ilahí mazhab ko phailáne ke wáste dunyá men phail gae.

2. Wuh Haikal jo mazhabí ibadat o tásirát ká markaz thí, Yarusalam men qaim rahí.

3. Jin maqámát men jilá-watan Yahúdí gair-qaumon ke

dharmiyán rahte the, wabán bhí intizám qáim ho gayá thá, aur ibadat-khane ban gae the, aur har ek ibadat-khane ká iláqa Yarusalam kí haikal aur us kí ibadat se thá, aur un ibadat-khanon men subh o sham kí qurbání ke badle men dua bandagi hotí thí, aur ámm log shariat kí kitabon ká mutálqa kiyá karte the, kyúñki un kí kitáb ká tarjuma Yúnání zubán men Septuajint ho gayá thá. un ke zariá se gair-qaumon men Yahowáh kí pahchán kasrat se phail gai thí.—(Stanley's Jewish Church. III. 43. 167.)

4. Qaum i Yahúdáh ne ba-khubí malúm kar liyá thá ki dunyáwí aur qaumí iqbalmandí tasallí ká báis nahín, aur yún we ek bihtar mazhabí intizám ke liye, yane dukh uthane-wale aur najat-dihinda Masih kí ámad ke liye, misl us shakhs ke, jo sham kí taríki se dil barkhásta hokar roshan subh ká muntazir hota hai, taiyári ke sáth intizári karte the.

5. Yahúdion kí ibadat ká asar gair-qaumon men húa, ki un ke mabud Yahúdion ke zinda mabud ke samhne tanazzuli pakarne lage, aur yún dunyá Masíhí Kalisiyá ke liye taiyárhone lagi.

IV.—*Iláhi mazhab ká barkáo Khudá kí rahnumái se barguzida logon men ba-zariá wáqjât aur un kí bátini zindagi se zahir húa. Is bátini barkáo kí nisbat Puráne Ahd-náma kí chha nazm kí kitabon men parhte aur daryáft karte hain, ki shariat kí tásir un ke dilon men aur zamiron par kaisi thí. Muqaddas kitáb kí nazm kí kitabon men tén bare mazmán hain, jo sab ulúm se iláqa rakhte hain:—*

Insan kyá hai?

Khudá kyá hai?

Yih khilqat jis men ham rahte, aur amal karte hain kyá hai?

Tin nazm kí kitabon, bátini jazbat se taalluq rakhti hain, un ko mazámín us bátini josh ko, jo Khudá aur us ke kámon par aur insán par, jo Khudá kí nasl hai, dhyán karne se paidá hotá hai, ziyáda mutaharrik karte hain.

1. Zabur ká mazmún amúman khilqat kí paidáish, Khudá kí rahnumái, naját, Khudá, aur us kí kárigari o shariat, aur insán se, jo un sab báton ke bích men hai, mutábíq hai. Wuh insán ke dil ko árasta karnewálá, har zamáne ke liye gít kí kitáb hai.—(Stanley's Jewish Church. 2. 157.)

2. Gazal ul Gazalat ká mazmún shadí hai. Wuh ek Iláhi intizám, yane us rishte ke, jo Khudá aur us ke logon ke bích men hai, tashbíh hai, aur us ká bayán khásslar miyán bíbí kí

muhabbat hai jis se matlab yih hai ki kalisiyá men imándáron ke dilon ko Kḥudá kī muhabbat ke liye aisí targīb pahunchē, ki miyān bibí kī muhabbat ke zariā se Ilāhī muhabbat qáim ho jāwe.

3. Yaramiyáh ke **Nauha** men us talīm ká zikr hai, jo Kḥudá kī tambíh se kī gáí, jis kī tásír barguzída logon ke dilon par aisí hūí, ki un kī bātiní hálát bihtar ban gáí, aur is kitáb kī talīm se un ke dilon men hubb ul watání bahut barh gáí, aur bātiní josh bhí ziyáda barh gayá.

We gíten jo kḥilqat kī paidáish aur Kḥudá kī rahnumái o naját aur gharáne kī muhabbat aur qaum kī ummed aur gam-álúda wáqiát ke the, un ke dilon par ziyáda tásír karte the, aur un gíton ke zariā se Ilāhí Rūh ne un ke dilon par, jo asar o bhárá tásír paidá ki, ab tak insán ke dilon par asar paidá karte hai, aur un ko Kḥudá kī taraf khíchte hai.

Tín aur nazm kī kitáben hai, jo dhiyán o gaur karne kī qúwat se iláqa rakhtí hai, un ke mazmún ek qáim o maqúl bunyád paidá karte hai, jis se bātiní josh ko taraqqí hotí jātí hai. Un men rúhaní zindagí kī fílásafí ká bayán páyá jātá hai, aur we Kḥudá kī taraf se un tín suwálon mazkúra ká jawáb dete hai. Un ká kháss mazmún yih hai, ki sirf **danái hi ha-qiqi khush-halí**, aur **mubarak halat insán kī hai**.

1. **Amsal** ká mazmún "dánái hai." Wuh mukhtasar taur se ámm muháwarát men tajribekárá ke natáij batátí hai, aur yih bhí záhir kartí hai, ki insán kī aálá darje kī dánái is men hai, ki wuh Kḥudá kī shariát ko máne, aur un kī aálá darje kī be-waqúfí is men hai, agar wuh Kḥudá kī shariát kī báton ko radd karen. Wuh aisí ibárat aur chhóte chhóte fiqron men likhí hūí hai, ki jald zihn men á jāwe.

2. Is bare usúl i mazkúra men do amr mustasná malúm hote hai, auwál haz log ziyáda koshish karte hai, ki Kḥudá kī shariát ko máne, par un kī hálát kbush-hál nazar nahí áti. **Aiyub** kī kitáb ek shakhs kī zindagí ká ahwál hai, jo báhamí guftogú ke taur par likhí gáí hai. Yih shakhs apne zamáne meq sab logon se ziyáda nek chalan thá, lekin dukh o taklíf men sab se ziyáda giriftar thá. Is kitáb men kháss yih talīm hai, ki is dunyá men koí chíz nahín hai, jo khárijí taur se kisi bande Kḥudá ko, jo Kḥudá ká dost hai, kuchh nuqsán pahunchá sake. Aiyúb apne hál kī kull tajribekárá ke sáth dawá kartá hai, ki main sachchá ádmí hún, aur apní tajribakárá ke béis mál kī barakaton ko hásil karne ke liye taiyár húa. So

yih mustasna amr sirf zāhirī k̄hiyāl hai, aur danāī hi barakat hai.

3. Bāz log jo shari'at ko nahīn mānte, we bahut k̄hush-hāl nazar āte haiñ.

Waiz kī kitāb ek dūsre shakhs kā ahwāl hai, jis se ma'lūm hotā hai, ki wuh shakhs dunyādār thā, tau bhī us ke chāron taraf farhat-bak̄hsh chīzēñ bahutāyat se maujūd thiñ.

Sulaimān aālā darje ke shān o shaukat ke tak̄ht par bait̄hā hai, aur kull dunyāwī sāmān us kī marsī ke muwāfiq us ke has meq haiñ, jis ke wasīle har tarah kī dunyāwī āish o gunāh kī lazzat chakhtā hai. Lekin us ne pāyā ki "Sab kuchh butlān o hawā kī charān hai;" aur hāsīl i kalām us ne kahā, ki "Ab K̄hudā se dar aur us ke hukmōñ ko mān, ki yihī purā insān hai." **Waiz 12:13.** So yih mustasnā hai, siwāe zāhir kī bāton meñ koī chīz nahīn. Libāzā yih natīja qāim rahā, ki **danāī hi haqīqī niamat hai.**

V.—*Barguzīda logōñ kī andarūnī zindagī ke barhāo ke sāth ek k̄hāss muntazir mizāj un meñ paidā kiyā gayā thā, ki jis se we ummed ke sāth intizārī karte the, ki ānewālā hādī hamārī qaum kā Najāt-denewālā hogā, aur hamārī qaum fathmand hogī.*

Ab ham ne safāī se dekh liyā, ki K̄hudā ne barguzīda logōñ meñ Ilāhī mazhab ke usūlōñ ko un ke be-rūnī o andarūnī zindagī meñ qāim kiyā, aur jab we dunyā meñ p̄bail gae, yih usūl rūhānī zindagī kā chashma ban gae, aur tamām dunyā ke wāste barakatōñ kā bāis hūe. K̄hudā ne insān ko is tarah se ek nae bihtar rūhānī intizām ke liye tsayār kiyā, jo usūl kalīsiyā ke liye the. Jo usūl Purāne Ahd-nāme meñ kalīsiyā ke liye ban gae the, zail kī ibārat meñ pāo jāte haiñ :—

1. **Ek hi K̄huda** par imān rakhnā.
2. **Dunyā se alahidagi.**
3. **Ahd** jis kī muhr k̄hatna thā.
4. **Shariat** jis kā ikhtisār das ahkām haiñ.
5. **Qurbani** o ibadat ke rusūmāt.
6. **Theocracey**, yāne **Ilahi** hukumat.
7. **Manārki**, yāne **Shahi** hukumat.
8. **Haikal.**
9. **Ruhani** zindagi
10. **Ek** abadī badshahāt o bādshāhat ke liye muntazir mizāj.

DUSRE BAB KE SUWALAT.

1. Iláhí hukúmat ke kyá mane hain?
2. Qadím kalísiyá kí taríf karo.
3. Hakúmat i Iláhí kí taríf kin kitábon men páí játí hai?
Aur kháss wáqiát ká bayán karo.
4. Khudá ne Hukúmat i Iláhí ke zaríq se apne logon ko
kaun se páuch sabaq sikhláe?
5. Hukúmat i Sháhí kí taríf kaun sí kitábon men mundarj
hai?
6. Hukúmat i Sháhí ke bání hazrat Dáúd kyún kahláte
hain?
7. Kis mazhabí o raukí intizám se Sháhí Hukúmat kí khusúsiyat thí?
8. Hukúmat i Sháhí ke zaríq se barguzída qaum men Mazhab i Iláhí kí taraqqí kí kaun sí naí báten záhir hún?
9. Das firgon ke bayán men kaun sí akhíri bat yádgár hai?
10. Firqa Yahúdáb ko kaun asír karke le gaya? Aur kis
jagah ko le gayá?
11. Asírí ke zamáne kí tárikh kin nabíon kí kitábon men
mundarj hai?
12. Pakhí bahálí kis kháss wáqiá se mutaalliq hai? Aur
kis ne us ká bayán likhá?
13. Dúsrí bahálí ká kháss wáqiá kyá hai; aur kis ne bayán
kiyá?
14. Puráne áhd ke íkhtitám aur nae áhd ke ágáz ke dar-
miyán ke ásse men kyá kháss tawárikhí wáqiát mun-
darj hain?
15. Puráne áhd ke íkhtitám ke waqt barguzída qaum kí
hálat kya thí? Aur wuh tásír jo Mazhab i Iláhí se
mutaalliq thí kyá thí?
16. Furáne Áhd-náme men barguzída qaum kí rábání zin-
dagí kí taraqqí men kaun sí do báten mundarj hain?
17. Tén nazm kí kitábon kí khássiyyat jo dilí-josh se mutaalliq
haig, batláo.
18. Kaun sí tén nazm kí kitábon haig, jo mazhabí dhiyáu se
mutaalliq hain?
19. Amsál kí kitáb ká mazmún kyá hai?
20. Kin kitábon men do záhírí iqtirázon ká radđ hai?
21. Kalísiyá ke das bhárf bunyádí usul batláo.

HISSA I DOYUM.

IS BAYAN MEN KI PURANE AHD-NAMA MEN BANI ADAM
KO MASIH KE LIYE TAIYAR KARTA HAI.

PAHLA BAB.

QURBANI AUR TASHBIHAT KE BAYAN MEN.

Sonahli Ayat.—“Ki us ne apní marzí ke bhed ko apne nek
irade ke muwáfiq jo áge hí se apne men thahráyá thá, ham par
zábir kiyá, ki wuh waqton ke púrā hone ke intizām par sab
chizon ke sire khwáh we jo ásmānon par, khwáh we jo zamín
par hain, Masih men milāwe.” Afs. 1 : 9, 10.

Purāne Ahd-nāme men Al-Masih ká zahúr chār silsilon men
páyá jātá hai :—

- | | |
|---------------|---------------|
| 1. Qurbánion. | 3. Bádsháhat. |
| 2. Tashbíhāt. | 4. Nabúwat. |

QURBANION.

I. *Qurbánion ká shurú.*

1. Ham yaqínan yih nabín kah sakte, ki qurbánion ká
chashma kyá hai, baz khíyál karte hain, ki Khudá ne un ko
muqarrar kiyá, aur Ádam ko qurbánion ká taríqa síkhláyá, aur
baz log sochte hain, ki insán ne apní shukrguzárf aur Khudá se
mil karne kí khwáhish se yih taríq íkhtiyár kiyá, aur Khudá
ne us ko durust kiyá, aur pák thahráyá, táki log is ke zaríe se
Khudá ke maqbúl i nazar thahren, aur qurbat i Iláhí hásil
karen. Garaz ki jo is ká chashma ho, par yih sáf záhir hai, ki
Khudá ne us ko qubúl kiyá, aur us kí tartib ko durust kiyá,
aur yún yih ek zariá insán ke liye inkisháf marzí i Iláhí ká
ban gayá.

2. Sib se pahle qurbani ka zikr wah hai, jo Qáim e
Húbil ne guzrání. Paid. 4 : 3-5.

3. Sab se pahle qurbání ke zikr men un ke *asl manon* ká kuchh bayán nahín páyá játá hai, lekin picchhlí qurbáníon se, jin ko barguzída logon ne aur gair-qaumon ne guzráná hai, yih sáf natíja nikaltá hai, ki we qurbáníon ko is wáste guzránte the, ki Iláhí fazl kí shukrguzarí o Iláhí rahmat ke liye faryád karen, yane yih duá hai, ki burái un se dafá ho, aur áyanda musíbat aur áfat áne kí rok ho, is bát se yih iqrár safáí se záhir hotá hai, ki insán Kḥudá se mel nahín rakhtá, aur kisí na kisí tarah se is muḥálifat ko dūr karná zurúr hai.

II. *Qurbáníon ká barháo.*

1. Ham is ká bayán do usúl par karte hain. **Ilahi fazl ke liye shukurguzari aur Ilahi rahmat ke liye ek dua.**

2. Tufán ke bad jo ahd Núh kí qurbáníon ke zariá záhir húa, wuh ábid o mabúd ke darmiyán ek aqd thá. **Paid. 8: 20-22; 9: 17.**

Yih ahd Abirahám kí qurbáníon men ziyáda tasallí-bakhsh malúm hotá hai, aur yih ek nishán Kḥudá ke wadon par Abirahám keímán láne ká aur zamánat ká ki wuh apne gharáne men ibádat qáim karegá, thá. Muqábala karo. **Paid. 13: 18; 15: 17-21, 18: 19** áyat se.

3. Núh o Abirahám kí qurbání se **khud-nisari** ká kḥiyál záhir hotá hai.

Ek jánib Ahd Kḥudá ká wáda hai. Dúsrí jánib insán ke ímán ká iqrár aur zamánat hai, ki Kḥudá kí farmánbardarí o ibádat karenge. Kḥudá ne is tarah agle zamánon ke logon men khud-nisari kí tabíyat paidá kí, jo kámil taur se Al-Masíh men purí hui. Yih bayánát jaisá Masíh Kḥudáwand ne khud farmáyá, Al-Masíh men hokar isbára kartá hai.

We insán ko Masíh kí ámad ke liye taiyár karte the, agle zamáne men insán ke dilon men sirf Masíh ká kḥiyál paidá húa thá. **Ibr. 10: 5-10** ko Yúhanná páñch báb kí 46 áyat se muqábala karo.

Izháq kí qurbání se khud nisari ká kḥiyál ziyáda sáf ho játá hai, qurbáníon men yih dastúr thá, ki we apne deoton ke liye besh-qímat chízen nazr o niyáz karte the, aur us zamáne men yih bhí kḥiyál thá, ki larhá báp kí milkiyat hai, aur báp bil-iwaz larke ke zimmedár samjhá játá thá. Liházá jab Abirahám ne Izháq ko guzráná to goyá us ne bilkull apne ap ko Kḥudá ke buzúr guzráná aur bá-wujúde ki wuh ímán láyá thá, ki Izháq ke zarié se jo wáda Kḥudá ne mere sáth kiyá hai, purá hogá, táham us ke guzránne men dareg na kiyá. Is qurbání

men ziyáda safáí se bataur pesh-khabarí ke is amr kí mushá-bihat hai, ki Al-Masíh áp ko baní Ádam ke liye qurbán karegá.

4. Íd i Fasah ek tarah kí qurbání is bát kí yádgárí thí ki bazarie khun Misr ki gulámí se rihai hasil hui, aur is bát kí tashbíh thí, ki ham burí hálát o gunáh kí gulámí se bach jáwenge, is k̄hiyál se pahle, Baibal ká sab se bará yih k̄hiyál séf ho játá hai, ki “bagair khun bahae rihai nahin.” Íd i Fasah ke sál ba sál mánne se yih natíja nikaltá hai, ki wuh ek bará bhárí wasíla Masíh ke liye baní Ádam ko taiyár karne ká thá; wuh níz Masíh ko qubúl karne ká bhí. 1 Qur. 5 : 7; Yuh. 1 : 29.

5. Is ke thore arse ke bad jab we koh i Síná par pahunche yih Áhd tasdíq kiyá gayá, yane baháyá huá khún logon par gunáhon se pák karne ke liye chhirká gayá, is se malúm hotá hai, ki gunah ka kafara ba-zarie khun i qurbani ke zarur tha, táki insán Khudá ke sáth Áhd bándhe, yih k̄háss darja insán kí taiyárí karne ká thá. Yih Al-Masíh ko samajh-ne o qubúl karne ke liye zurúr thá. Khur. 24 : 3-8 ko Ibr. 9 : 18-28 se muqabala karo.

Is waqt tak zail ke darjât qurbánion ke manon ke barháo men zâhir hue.

1. Iláhí rahmat ke liye shukrguzárí o dar̄khwást.
2. Hifázat ke liye ek áhd o wáda, aur Iláhí rahmat ke liye dar̄khwást.
3. Khud-nisárí o Iláhí rahmat ke liye dar̄khwást.
4. Gulámí se rihái ba-zariá faiz i Iláhí, gunáh ká kafára ba-zariá rahmat i Iláhí.

Jo qurbání Músá ke zamáne men ba-zarie Íd i Fasah o rít o rasm k̄haimo ke zuhúr men áin, we zail ke tén tariq par ba-tartíb i waqt páí játí hain.

- | | | |
|------------------------|-------------------------------------------------------------------|------------------------------------------------------------|
| 1. Sokhtaní qurbání. | { Shukrguzárí o khud-nisárí. Ah- bár 1. | |
| 2. Salámatí ká zabíha. | { Nazr kí qurbání. Ahbár 2. Zabíha salámatí ká. Ahbár 3. | { Shukrguzárí o Khudá ke liye nazr o niyáz karná. |
| 3. Khatá kí qurbání. | { Khatá kí nazr Ah- bár 4. Gumráhí kí nazr. Ahbár 5. | { Muáfí ke liye ek duá. |

Aur in qurbánion ke aláwa ek aur qurbání khushbu jalane kí, jis ko Káhin duá ke sáth jalátá, yane guzrántá thá. Káhin

duá men logon ká madadgár thá. Yih qurbání Káhin o logon kí duá kí tashbíh thí.

Shariat se qurbání ke mané ziyáda safáí se záhír ho gae, aur har roz shariát kí tásír qurbáníon ke manon ke batáne men barhtí gai. **Akhlaqi qanun** yane das abkám se gunáh kí buráí ziyáda safáí se malúm ho gai thí. **Rit o rasm ke qanun** se qurbání guzránne kí khashsiyat aur tariqa aur hudúd malúm ho gae the, aur jab shariát ká matlab ziyáda safáí se samajh men áyá, yih khiyálát qurbáníon ke wasíle sáf záhír ho gae, kí gunáh ke iqtár o muáfí kí zurúrat hai; tab ek nae darje ke log muqarrar hue, yane **kahanat** ke liye Hárún aur us ke bete makhsús kiye gae. **Ahbar 8: 14.**

Pahle Músá Kḥudá kí nazdikí hásil karne ke liye khatá kí qurbání láyá, bad is ke sokhtaní qurbání, is bát ko záhír karne ke liye, kí kḥud-nisári Kḥudá kí kḥidmat ke liye hogí, aur phir salámatí ká zabíha, jis ke zaríe se apní shukrguzári záhír kare, Kḥudá ko nazr guzráne. Bad is ke isí tartíb se áyanda hafte men sab logon ne qurbáníag guzránín, tab mazbah par ág názil húi, yih qurbáníag maqbúliyat ká nisháu thín. **Ahbar 9: 15-24.**

Is waqt se qurbání zail kí tartíb se guzrání játí thín.

1. **Khata ki qurbani**:—Kḥudá kí qurbat ke liye.
2. **Sokhtani qurbani**:—Kḥudá ke liye **kḥud-nisari**.
3. **Salamati ka zabíha**:—Kḥudá ke sáth mel ke liye.

Sokhtaní qurbání ko guzrán nahín sakte the, táwaqte k khatá kí qurbání maqbúl na ho, jab salámatí ká zabíha sokhtaní qurbání ká ek hissa ho gayá thá. Yúq Kḥudá ne apne logon ko talím dí, to khatá kí qurbání ek kḥáss qurbání ho gai thí. Khatá kí qurbání Kḥudá o insán ke darmiyán ek ahd ká nishán thí, aur wuh jawáb detí thí, kí insán gunábgár hai, kyúñki insán ne ahd ko torá hai. To kḥún, jo zindagí kí tashbíh hai, baháyá játá thá, aur is bát ká nishán thá, kí gunáh ke sabab gunahgár **maut ka mustahaq** hai, aur kí Kḥudá rahmat ke sabab se gunahgár kí maut kí iwaz men **qurbani** ká zabíha **qubul** farmátá hai.

Is ibádat men pahle Kḥudá ap insán ke nazdik átá aur mel kí ráh muqarrar kartá hai, aur agarchi roz-marra khatá kí qurbání bamújib talím ke guzrání játí thí, tau bhí kull qánún ke liye sál men ek dafa kafára ke din par kḥáss taur se guzrání játí thí, yih qurbání banisbat sab qurbáníon ke ziyáda matlab kí thí. **Ahbar 19.**

Is ke manē jo Masīh se mutaalliq the, rafta rafta Yúhanná Baptisma-denewále tak ziyáda safáí se záhír hote gae, lekin Yúhanná ne Masīh ko dikhlákar apne shágirdon se goyá háth se háth milá diyá, aur sab se mashhúr nishán Masīh ká batlá diyá, aur kahá, ki “Dekho Kḥudá ká Barra jo jahán ke gunáñ uthá le játá hai.” **Yuh. 1 : 29.**

Jab khatá kí qurbání ke zaríe nae taur se gunabgár Kḥudá ke sáth ahd kartá thá, tab sokhtaní qurbání guzrántá thá, jis se murád kḥud-nisári thí, kí sokhtaní qurbání guzránnewálá apne jism aur rúh ko Kḥudá ke huzúr nisár kartá hai, aur yih bhí záhír kartá thá, kí jis ne áp ko Kḥudá ke huzúr kámil farmánbardári se guzráná hai, be-gunáh hai, yane Masīh. **Ibr. 10 : 8-10.** Tab salámatí ká zabíha guzráná játá thá, jis ká ek hissa guzránnewálá khátá thá, is ke yih manē the, kí guzránnewále ká mel Kḥudá ke sáth ho játá thá, aur Kḥudá ke das-tarkhwán ke pás pahunch játe haiñ. **Ibr. 13 : 15.**

Ab yih suwál lázim átá hai, kí qurbáníñ ne kis tarah se Masīh ke liye logon ko taiyár kiyá?

1. Un ke zaríe se we **gunah se waqif ho gae**, aur ján gae, kí ham ba-báís gunáh ke Kḥudá se aláhida haiñ, aur kí us ke liye muáfí páná zurúrí bát hai.

2. Unhon ne pákízagí ko sikhláyá, aur insán ke gunáh ko záhír kiyá, aur **Kḥuda ki pakizagi** kí fazílat ko ba-muqábale insán kí nápakí ke sábit kiyá.

3. Unhon ne sikhláyá, kí Kḥudá kí nazdíki sirf gunáh kí muáfí se ho saktí hai, aur **muafi** ek muqarrar **darmiyani** ke wasíle se ho saktí hai. Ibádat karnewálá kḥud mazbah par lahú nahín chhíraktá thá, lekin Káhin us ke liye chhíraktá thá.

4. Unhon ne sikhláyá, kí wuh jo muáfí ká kḥwástgár hai, zurúr hai, kí **khud hi qurbani ko lawe**, jis se yih kḥiyái thá, kí us ko ek farmánbardár zindagí Kḥudá ke sámhne basar karní paregí.

5. Unhon ne sikhláyá, kí we kḥud kámil nahín, balkí **anewali kamil qurbani** ká aks haiñ: kámil qurbání wuh hogí, jo “Aurat kí nasl sámp ke sir ko kuchlegí.” Is wáste kí bagair roshní salíb kí qurbáníñ ke manē samajh men nahín áwenge.

Kḥudá ne zamánon men tajribakárí se baní Adam ke dil men **kafara o kḥud-nisari** aur **mel** ke kḥiyálon ko jamáyá, jo kámil taur se Masīh ke zaríe se záhír hue; qurbáníñ ke

mane poshída the, aur un ká izhár púre taur se nahín ho saktá, jab tak Masíh ne ákar záhir na kiyá ; níz yih talím qurbáníon kí, Masíh aur us ke áne ká matlab bhí samajh men nahín á saktá thá, aur ab bhí hamárá samajh men nahín átá, agar qurbáníon kí talím Puráne Ahd-náme se ham ko na malúm hotí. Ibtidá se qurbáníon kí zurúrat aur us ke mane rafta rafta ziyáda safáí se khul gae, yahán tak ki Yahúdíon kí Íd i Fasah aur Khudáwand kí ziyáfat donon ne milkar us shakhs par gawáhi dí, jis ne donon ko muqarrar kiyá, aur jo dunyá ká Naját-dihinda thá. Ham ko díndár Yahúdíon ke muwáfiq qurbáníon kí bábat talím na dená cháhiye, par jaise nabíon ne talím dí, aur Nae Ahd-náme se us ke mane o talím batáe játe hai, usi taur par un par kھیال karná, aur talím dená zurúr hai. Purána ahd mit gaya, táki nayá ahd qáim howe. **Ibr. 8 : 13 10 : 11-14.**

TASHBIHAT.

I. **Mane.** Pák Nawishton men tashbíh kisé ánewálí chíz ke naqshe se murád hai. We kamtar darje kí shabíh hai, kisé usúl se murád hai, jo Masíh ke zamáne me ziyáda safáí se záhir ho játá hai, aur wuh bát jo ánewálí hai, Mushábeh hai. Maslan Íd i Fasah ká Barra Masíh ke Mushábeh hai, aur Masíh Mushábeh-bih hai.

II. Puráne Ahd-náme ke tashbíhát ká kháss matlab yih hai, ki barguzída logon ke dilon men ánewále Masíh ká sachchá kھیال jam jáwe, aur yún we Masíh kí ámad ke liye taiyár ho jáwen. Tashbíhát par ham gaur karte hai, táki daryáft karen, ki Masíh ká sachchá kھیال kis taur se insán ke dil men paidá húa.

III. Chand usul ká bayán, jin se ham tashbíhát ká matlab nikál sakte hai.

1. Jaisá kھیلاf kí paidáish aur intizám men yagánagat páí játí hai, waise hí sachái ke izhár men **Khuda ki tartib** men **yaganagat pai jati hai.** Khudá insán ke barháo ká naqsha rakhtá hai, jis ke mutábíq wuh apne irádon ko anjám degá, aur detá hai, aur wuh wáqiát ko aisá tartíb detá hai, ki us ke naqshe ke muwáfiq anjám ho, liházá tawáríkh kí báten áyanda zamanon kí báton ká sáya hai. Kyúnki ek hí naqsha mází o mustaqbil ke liye hai, “ Wáqiát hí wáqiát kí tashbíh hai.” Wáqiát par is liye gaur karte hai, táki áyanda Khudá

ke naqshe par ziyáda roshní howe, banisbat us naqshe ke, jo zamáne mází ke wáqiát par mabní hai.

Baibal meṛ mází wáqiát aise tarz o taríqe se mazkúr hain, kí istiqbál ke wáqiát kí mushábihat un se záhír howe. **Afsion 1 : 10.**

Yih yagánagat ek kḥássiyaṭ hai, jo ilhám i Baibal ke min-jánib i Alláh hone kí shahádat i kámila hai. Maslan koí shakhs rát meṇ shahr kí sarak par chaltá hai, aur roshní us ke áge hai, to sáya us ke pánw ke nazdík rahtá hai, aur jab wuh áge ko chaltá hai, aur roshní us ke píchhe hai, to sáya ziyáda lambá ho játá hai; tab dekhnewálá shakhs jántá hai, kí wuh sáya ánewále shakhs ká naqsha hai. Waise hí kḥaima bhí taiyár ho gayá thá, táki us meṇ Kḥudá kí huzúrí ká takht ho, aur yún us zamáne meṇ us ká matlab púrá húa, lekin wuh bhí Masíh kí tashbíh thá, aur Kḥudá insán kí shakl meṇ ákar rahne ká sáya thá. **Khur. 25 : 8-9 ko Ibr. 9 : 9-12 se muqábala karo.**

Kḥudá har waqt aur har shakhs meṇ wuh iláqa dekhtá, jo us ke bbárí natíje se mutaalliq hai. Ham un sab iláqon ko nahín dekh sakte hain, lekin ilhám baḥshá gayá, táki kisí qadr Ilábí naqshe ko insán ko samjhá dewe. Ilhám na sirf lafzon balki insán kí zindagí o aamál aur wáqiát meṇ hai. Puráne Ahd-náme meṇ Masíh ne un iláqon ko, jo us se mutaalliq the, dekhá, aur us ne apne shágirdon ko bhí us ká taalluq daryáft karná síkhláyá. **Luqa 24 : 27.**

2. **Purane Ahd-name meṇ wuhí usul páe játe hain, jo nae Ahd-name meṇ ziyada safai se bayan kar diye gae hain.** Puráne Ahd-náme ke bunyádí usúl zail meṇ mundarj hain.

(a.) **Khuda ek hai. Paid. 17 : 1 ; Khur. 6 : 3 ; 1 Qur. 8 : 5, 6.**

(b.) **Khuda pak hai, aur pákízagí kí tashbíhát jaltá húa búṭá aur pák-tarín jagah. Khur. 15 : 11 ko Muk. 15 : 3, 4 se muqábala karo.**

(c.) **Kḥudá chahta hai, kí insan pak bane. Is kí tashbíh Ahd ká sandúq aur us kí tawáriḳ hai. Ahbar 9 : 2 ; 20 : 7 ko 1 Patrus 1 : 16 se muqábala karo.**

(d.) **Insan gunahgar hai, aur Kḥudá se gunáh kí muafi kí zururat hai. Is kí tashbíh Haibal aur ibádat ke rusúm hain. Muqábala karo. Khur. 19 : 10-13 ko Ibr, 12 : 18-24 se.**

(e.) Auron ke dukh ki iwaz men Khuda insan ke gunah muaf karta hai. Is ki tashbih qurbaniyan aur khas-kar khatá ki qurbani hai. Yas. 53 : 10, 11 ko Mati 20 : 28 ; 26 : 28 ; Rum. 3 : 24 se muqabala karo.

Yih tashbihat aur ishara misal ke taur par likhe gae hain. Talib ilmon ko chahiye ki is mazmun par gaur karen, aur Purane Ahd-name ki digar ayaton se bhi, Nae Ahd-name ki ayaton se muqabala karen.

3. Yih mushabahat jo mushabehe aur mushabehe-bih ke darmiyan pae jate hain, yih sirf usulon men hi pae jate hain, na ki zahirí baton men, masalan {d i Fasah ka Barra Masih ki tashbih hai, kyunki us ne logon ko iman ke zariye muhlik khat-re ki halat se rihai dilwai.

Jan-nisari rihai ki ek shart hai, aur jo shakhs najat ka talib tha, us ko zurur tha ki apni iwaz wasile ko istimal men lawe, aur jo usul mushabehe men wahi mushabehe-bih men sikhlae gae, lihaza we ek dusre ke mane ko sikhlate hain, aur is mushabahat se jo pak nawishton men mushabehe o mushabehe-bih ke darmiyan pai jati hain, aisa malum hota hai ki kisi shakhs ne peshtar se apne irade ke muwafiq is mushabahat ko muqarrar kiyá tha, kyunki mushabehe wahi usul sikhlata tha jo mushabehe-bih hi men pae jate hain. Is sabab se saf zahir hota hai ki mushabehe ka matlab mushabehe-bih hi ke liye rasta durust karne ka tha, aur yih kuchh zururi bat na thi ki mushabehe o mushabehe-bih hi ke matlab ko un logon par zahir kare, jin ko mushabehe diya gaya tha. Mushabehe ne sirf un logon ke khiyal ko mushabehe-bih hi ke samajhne o qabul karne ke liye taiyar kiyá.

4. Waqiat ya ashkhas jin ka zikr Purane Ahd-name men hai, aur un ko Nayá Ahd-nama mushabehe batlata hai, ham sirf unhin ko istimal men la sakte hain, aur yih munasib nahin ki ustad us se ziyada mushabehe qaim kare, is men kuchh shakk nahin ki Purane Ahd-name men bahut se mushabehe hain, jaise bahut si pesh-khabriyan, jin ka saf bayan Nae Ahd-nama men nahin hai. Aksar mufasssirin ki kamzori is men hai ki we be-shumar mane apne khiyalon ke mutabiq nikalte hain, jab ki un ka kuchh thikaná nahin. Pas danishmand ustad is qaide ki hadd ke andar chalta hai.

5. Kai ek misalon se saf malum ho jata hai, ki mushabehe kis tarah barguzida logon ko Masih ki amad ke liye taiyar kartá tha.

1. **Khaima.**
2. **Qurbanian ;** In ká zikr húa hai.
3. **Mann. Khuruj 16 : 14-15 ko Yuhanna 6 : 31-35** aur 48-50 se muqábala karo.
4. **Chatan.** Jis se pání ká chashma niklá **Gin. 20 : 11** ko **1 Qur. 10 : 4** se muqábala karo. Yih donou tashbíhát logon ko sikhlátí hai, ki Masíh apne logon kí parwarish hai.
5. **Id i fasah ka barra. Khur. 12 : 5-14 ko Yuh. 1 : 29 ; 1 Qur. 5 : 7** se muqábala karo. Yih tashbíh Ahd ká nishán hai, jo insán kí makhlási ba zaríe Masíh záhir kartí hai, aur chúnki har ek gunáh Ahd ko tortá thá is liye
6. **Halwan** záhir kartá thá, ki Ahd ke logon ke gunáh ba-zaríe qurbání dúr ho játe hai, jab we gunáh ká iqrár aur tauba karte hai. **Ahb. 16 : 20-22 ká Ibr. 9 : 28 ; 1 Pat. 2 : 24** se muqábala karo.
7. **Sardar Kahin. Ahb. 16 : 3-19 ko Ibr. 9 : 7-12** se muqábala karo.

PAHLE BAB KE SUWALAT.

1. QURBANION KA SILSILA.

1. Puráne Ahd-náme ke kin chár silsilon se Masíh kí ámad záhir hotí hai ?
2. Qurbání guzránne ká shurú kyá thá ?
3. Pahlí qurbání jis ká zikr Baibal mein hai kyá thí ?
4. Wuh kis bát ká nishán thí ?
5. Núh aur Abirahám kí qurbáníon mein kyá bát páí gai jo pahlí qurbání mein na thí ?
6. Izháq kí qurbání mein khud nisári ká kbiyál kis tarah se záhir hotá hai ?
7. In wáqiát se kis tarah barguzída qaum Masíh ke samajhne ke liye taiyár ho gai ?
8. Id i Fasah kis bát ká nishán thá ?
9. Pahlí Ibádat kí rasm se jo Koh i Síná par húi kyá talím mili ?
10. Mutafarriq qurbáníon kí tartib jo shurú se guzráni gai batláo ?
11. Shariát qáim hone ke bad is tartib mein kyá tabdilí húi ?
12. Khatá kí qurbání ke mane aur matlab ko batláo ?
13. Masíh kí ámad ke liye qurbáníon se kis tarah taiyará húi ?

14. Qurbáníon ke manē kis tariq se sikhlánā chāhiye ?

II. Tashbihat ka silsila.

1. Pāk nawishton men tashbih se kyā murād hai ?
2. Tashbihāt kā khāss matlab batlāo.
3. Tashbihāt kā matlab samajhne ke liye pahle kis qāide ko mānnā chāhiye ?
4. Purāne Ahd-nāme ke bunyādī usūl kyā hain aur un ko Nae Ahd-nāme se kyā nisbat hai ?
5. Mushābeh aur mushābeh-bih ke darmiyān kyā ilāqa hai ?
6. Purāne Ahd-nāme se tashbihāt ke chunne men ustādon ke liye kyā qāida bihtar hai ?
7. Tashbihāt kī chand misālen maā un ke manon ke do.

DUSRA BAB.

BADSHAHAT O NUBUWAT KE BAYAN MEN.

GUZASHTA Sabaq men ham ne bayān kiyā hai, ki barguzida log kis tarah bazariā qurbānī o tashbihāt ke Masīh o us ke kām ke samajhne ke liye taiyār kiye gae.

Ab ham is par gaur karenge ki kis tarah Khudā ne bazariā bādshāhat logon ke khīyālon ko Masīh ke liye taiyār kiyā.

BADSHAHAT.

I. Bādshāhat ke wāqīāt se.

1. Bādshāhat ke **shuru** men.

Pahlī bāt yih hī thī logon ne Misr kī gulāmī se rihāī pāī, aur Bahr i Qulzum kī halākat se Khudā kī khāss muajizāna rah-numāī o hifāzat se bach gae. Jaisā log apne bāp dādon kī fath-yābī aur taklīfāt kā jo mulk kī khātir hūī bayān karte hain. Isī tarah Banī Isrāel gisse ke taur par us rihāī kā bayān, jo Firaūn ke hāth se sur Bahr i Qulzum se hūī thī zikr kiyā karte the. We is amr men bilkull lachar the, lekin un kī rihāī muajizāna taur se hūī, chūnki **Khuda un ka najat-dihinda tha.** Yih bāt ek barī najāt kī tashbih aur un kī qaum kī bunyādī patthar thī. Wuh barī najāt Masīh ke zariā se hone-wālī thī. In sab tajribakārion ne us najāt ke samajhne o qubūl karne ke liye un ko taiyār kiyā.

2. **Theocracy** se, Yane **Ilahi hukumat** ke zamáne men aise muháware un kí zubán men jarí búc, ki Masihána bádsháhat ke k̄hiyál usí maháware men adá ho sakte hai, aur har ek qaumí intizám is bádsháhat kí tashbíh thí, ki un ká bádsháh akelá Al-Qádir ná-dídaní K̄hudá hai; aur un ke hádí maurúsí hádí na the, balki wuh ba-taur gumáshte ke min-jánib Alláh muqarrar hote the, yihí ek sabab un kí yagánagat ká thá, aur un par K̄hudá kí shariát kí farmán-bardarí, aur ibádat karná, aur qaum kí har ek bhárí muámale men, K̄hudá hí se saláh lená farz thá. We zamín ko misl asámíon ke K̄hudá se lete aur us ká pahlá phal K̄hudá kí nazr karte the. Us kí hukumat bagair darmiyání ke thí; aur wuh nádídaní taur se har ek shakhs par hukumat kartá, aur har shakhs ke tamám muámale ká faisla-kuninda thá.

3. **Hukumat i shahi** kí bádsháhat ke zaríe se K̄hudá ne logon ko Masíh ke liye taiyár kiyá. Jab we dunyáwí bádsháhat cháhte the, K̄hudá ne is shart par un ko baḡhshá ki bádsháh kí shariát ko máneḡ. Wuh bádsháhon ke bádsháh kí tashbíh thahre. Dáúd o Sulaimán kí ahd i saltanat kí hashmat men jin tasawwurát ne riwáj páyá un hí ke zaríe abadí bádsháh Masíh kí peshkhabarí nabíon se áí.

Aḡhirkár shahí hukumat barbád ho gai, is wáste ki bádsháh aur log bhúl gae ki K̄hudá ne kis matlab ke liye un ko buláyá aur sarfaráz kiyá thá.

4. **Asiri men**, jis qadr záhiri hukumat játi rahí usí qadr logon ne samajh liyá ki K̄hudá kí bádsháhat rúhání hai, aur us kí hukumat logon ke dilon par hai. Agarchi log jiláwataní aur asiri men the tau bhí K̄hudá kí bádsháhat barbád honewálí na thí, kyunki abadí Yahowáh rihái-denewálá un ká bádsháh thá, aur asiri ke dinon kí taklífát men un kí intizári o unmed ziyáda qawí ho gai thí, ki Yahowáh khud Masíh men zahúr farmáwegá. Yún unhon ne sikhláyá ki tamám dunyáwí iḡhtiyar o qudrat o bádsháhat K̄hudá ke zer i hukumat hogí. **Dan. 2 : 34-35.**

5. **Bahali men**, agarchi bádsháhat kí peshkhabarí dí gai thí, ki wuh rúhání hogí, tau bhí kuchh záhiri intizám o qawá-nín un men ban gae. Yahowáh kí bádsháhat ká markaz yane Haikal; usí jagah qáim rahí jis men Masíh zábir hone ko thá, wuh kull jagahon se jabáḡ kabíḡ dunyá men K̄hudá kí ibádat hotí thí taḡlluq rakhtí thí.

II. Wadon se.**1. Abiraham se.**

Us meṃ tamām dunyá ke gharáne Masíh se barakat pánewále the. Jo kuchh Khudá ne Abirahám ke liye kiyá, aur us ke khándán ke taiyár karne ke liye thá ki Masíh ko dunyá meṃ láwe.

2. Musa se.

Wuh hádí, Nabí darmiyání o qánún banánewálá thá, aur us ká zahúr aur chál o chalan aur talím aisi thí ki log us ke zari'a se Masíh kí pahchán ke liye taiyár ho jáwen **Ist. 18:18, 19.**

Par Músá aur us ká kámi sirf ibtidá thá, aur wuh qaum jis ko us ne tarbiyat o mutrattib kiyá ánewále bádsháh ká ishára thá jis meṃ Masíh bádsháh ho gayá, aur jo kuchh Khudá ne us qaum ke durust karne meṃ kiyá, so sab kuchh Masíh ko dunyá meṃ láne ko kiyá.

3. Daud se.

II. Samuel ke 7wen báb ká mazmún yih hai ki un kí bádsháhat ek abadí bádsháhat hogí, aur wuh wáda jo kiyá gayá thá, ki main tumhárá Báp húngá, yih wáda kuchh to Sulaimán meṃ púra húa, lekin Masíh meṃ kámil taur se púra húa. **Ibr. 1:5.**

Aur asíri ke dinon ke Zabúron ká mazmún yih hai. **Zab. 89:34-37** o Nabíon ká git hai. **Amus 9:11** **Yar. 30:9-33; 17-18.** **Hizqiel 34:23-24.** **Hizqiel 37:24-25.**

In sab wadon ká mazmún yih hai ki Dáúd ká betá hukumat karegá, aur us bádsháhat meṃ sári qaumen shámil hongí, aur wuh bádsháhat insánon ke dilon aur un ke irádon par musallit hogí. Is wáste us ká bádsháh insán ká betá hogá, aur chúnki us kí hukumat kámil rástbází o muhabbat kí hogí, liházá us ká bádsháh Khudá ká betá hogá.

III. Us ke tasawwurát se.**1. Wuh hamesha tak rahegí.**

Us ke shurú meṃ ek muajizána riháí húi. Is bát se záhir húa ki us ká bádsháh Khudá hai, is wáste ki Khudá us par hukumat kartá thá, pahle khud aur bad us ke elchí ke zari'a se; wuh abadí bádsháhat honewálí thí, kyúnki Khudá us ká bádsháh thá. **Zab. 145:11-13.**

2. Wuh Masihana bádsháhat hogí, wuh ánewálá bádsháh Khudá kí taraf se bhejá hogá, aur wuh abad tak rahegá. Aur in sab wadon ká majmua Dániel nabí kí pesh-khabarí meṃ mukhtasar taur se zikr húa hai. **Daniel 7:13-14.**

3. Wuh ruhani bádsháhat hogí.

Pesh-khabrión kí báton se yih záhir hotá hai ki ánewálí bádsháhat ruhání hogí, aur Masíhána bádsháh par Kḥudá kí ruh thahregí. **Yasaiyah 11 : 1-9.** Aur wuh rástbází ke sáth hukumat karegá. **Yas. 32 : 1-16.**

Us kí bádsháhat men rahmat ek kḥusúsiyat hogí. **Yas. 43 : 25, 44 : 22 ;** Aur us Masíhána bádsháh ke dukṭon ke zariá se gunáh dūr ho jáwenge. **Yas. 52 : 13 se 53 : 1-13.** Yasaiyáh nabí kí kitáb men kasrat se aise kḥiyálat páe játe haiñ, dígar nabíon kí kitábon men bahut hair, maslan **Husia 14 : 4 Mikah 7 : 19. Yar. 31 : 34. Hizqiel 11 : 19. Daniel 9 : 24. Zakariyah 13 : 9. Malaki 3 : 1-2.**

Talib Imón ko cháhiye ki aur áyaton par bhí gaur karen, mukhtasar bayán se ham ko malúm hotá hai ki is bádsháhat men sab qaumen shámil howengí, aur yih bádsháhat ek nádí-daní bádsháh kí hukumat hogí, us ká sir rihái denewálá, aur Abirahám kí nasl, aur Dáúd ke gharáne kí hogí, us kí riáya dil men aur zindagí men pák hongé, aur is bádsháh aur bádsháhat ke zariá se badí maglúb ho jáegí. Aur Kḥudá o insán ke darmiyán kámil mel phir qáim ho jáegá. Aur yih bádsháhat agar-ehi ek dunyáwí bádsháhat barguzída logon ke kḥiyálon men malúm hói, tau bhí us kí nisbat asl kḥiyál yih thá, ki wuh bachái hói ruhon par ek ruhání hukumat hogí, jis ká Masíh hákim hai.

Aur jab Masíh ne apná kám shurú kiyá to us ne is bádsháhat kí manádí kí.

NUBUWAT.

Kḥudá ne barguzída logon ke sáth ek Ahd bándhá thá, táki un ko aur dunyá ko Masíh ke liye taiyár kare. Is wáste us ne apní marzí ba-zariá ilhám záhir kí. **Afs. 1 : 9, 10.**

Nabíon ká kám yih thá, ki us Ahd ke matlab aur ilhámí marzí ko is taur se sikháwen, ki Kḥudá ká iráda purá ho jáwe. Un kí tasnífát o talímát kí asl se intizari kí tabiat paidá hói thí. Jaisá Puráne Ahd-náme kí tawárikh se bhí záhir hai. Barguzída logon kí zindagí ká ahwál is wáste aur bhí qábil i gaur hai, ki un ke kḥiyálat ánewálí bádsháhat kí nisbat the.

Nabíon ne gunáh aur khatron kí báteñ aur ummed kí nisbat jo us zamáne se mutaalliq thín, un ko talím o talqín kí, aur sab báton kí banisbat unhon ne ziyáda safái se dunyá ke ánewále Núr kí bábat pesh-khabarí dí. Us ilhámí talímát se ham Kḥudá kí talím dene ke taríqe se wáqif ho játe haiñ.

I. Nabion kī fihrist. Ham ne un ke nāmōn ko us tartīb se nahīn likhā, jis tartīb se Baibal men mundarj hain, ham ne un ko ba-iqtibār tawārīkh ke tartīb dī hai.

1. **Hukumat i shahi ke Nabi** ba-tartīb zail munqasim hain.

(a) **Israel** ke Ambiyā; **Yūnah**; **Amūs**, **Hūsia**, **Mikah**. Unhon ne Isráelion ko Asúríon se bachāne ke liye koshish kī, aur kāmyāb na hue. An-qarīb 721 baras qabl Masīh ke Isráel asīr ho gae.

Ab ham ek ek nabī kā mukhtasar hāl, khāsskar un ke kām o jagah kī nisbat bayān karenge..

Yunah, gāliban sab nabion se qadīm hai, jis kī tasnífāt maujūd hain, wuh Khudā kī taraf se shahr i **Ninawah** kī manā-dī ko, jo Asúríon kā dār-ul-saltanat thā, bhejā gayā thā. Is kitāb men khāsskar yih talīm hai, ki halākat se bachne ke liye **tauba** zurūr hai.

Amus nabī ke zamāne men ek zalzala āyā, us ne us **zalzala** ko **adalat** kā nishān batlāyā, jo Isráelion ke gunāh ke baīs hogī. **Husīa**, is nabī ne 60 baras Isráelion ko talīm dī, aur āgāh kartā rahā, aur pesh-khabarī dī, ki we gunāh ke sabab Asúríon ke hāth se **halak** ho jāenge.

Mikah, is nabī ne bhī pesh-khabarī dī, ki Isráel Asúríon ke hāth se tabāh ho jāwenge, aur Yahūdāh Bābul ke hāth, lekin jo bach rahenge un **baqiya** logon ko **Masih** ke zarīe se **rihai** milegī.

(b) **Yahudah** ke nabī:—

Yūel, **Yasaiyāh**, **Nahūm** jinhon ne Yahūdāh ko Asúríon se bachāne kī koshish kī, aur kāmyāb hue.

Safaniyāh, **Habaquq**, **Yaramiyāh** jinhon ne Yahūdāh ko Bābulion se bachāne kī koshish kī, aur kāmyāb na hue. Ākhir ko Nabūkadnazar Bābul ke bādshāh ne Yarūsalam par charhāī kī, aur 606 baras qabl Masīh us par qabza kar liyā.

Yuel nabī ne **tiddion** kī wabā ke zarīe se Yahūdāh ko sikhāyā, ki Khudā Yahūdāh kī **adalat** karegā. Is nabī ke **Kalām** men **tauba**, **bahali**, **Rūh ul Quds** kā nazūl o kalisiyā ke dushmanon kī **adalat** aur ākhirī dinon men Masīhāna bādshāhat ke qāim hone ke mīzmūn pāe jāte hain.

Yasaiyah nabī ne us irāde ke naqshe kā mukhtasar hāl, jo Khudā dunyā ke liye rakhtā thā bataur pesh-khabarī bayān kiyā. Us ne **Masih** ke **jalāl** o **najāt** kī peshingoī kī, tāki Yahūdāh ke logon ke dilon ko, un aiyām men jab ki Isráelion

ki halákat Asúríon ke háth se 721 baras qabl Masíh húi, mazbút karen. Pichhle dinon men us ne yih peshíngoí kí, ki Yahúdáh Bábul se halák ho jáwegá. Magar ákhirí dinon men **kalisiya** bahál hogí. **Nahum** nabí ne **Ninawah** kí bábat jo Asúríon ká páe-takht thá, pesh-ķhabarí dí, ki wuh **barbad ho jaega**, táki Isráelíon kí barbadí ke bad Yahúdáh ke logon ká dil mazbút o diler howe. **Safaniyah** nabí. Yúsiyáh bádsháh ke dinon men nubúwat kartá thá. Us ne pahle Yahúdáh kí **islah** men kosbish karne kí targíb dí, aur Yarusalam kí barbadí o bahálí kí peshíngoí kí.

Habaquq nabí ne bhí Yahúdáh kí **islah** men kosbish karne men targíb dí, aur us ne Yahúdáh ke gunáh ko sáf zahir kiyá, aur jo **tambih** Kasdíon ke háth se Khudá kí taraf se hone ko thín, un se ágáh kiyá, aur us ne ba-zaríe peshíngoíon ke zahir kiyá ki Khudá Kasdíon se intiқám legá, aur Khudá ke jalál ká nayá zahúr hogá, aur yún un ko tauba kí taraf rujú kiyá.

Yaramiyah nabí ne peshíngoí kí, ki Yahúdáh Bábul se **halak ho jaega**, aur us waqt ke bad (qabl Masíh 606 baras) us ne áyanda bahál aur us jalál kí jo ba-zaríe **Masih** zahir hone-wálá thá, peshíngoí kí, aur yún logon ko tauba kí taraf buláyá.

2. Asiri ke zamane ke Nabi.

Hizqiel Nabí ká ķháss kám yih thá, ki logon ko **bahali** ke liye phir himmat diláwe, aur targíb de.

Abadiyah nabí ne **Adum** kí bábat peshíngoí kí, ki wuh apne faķhr ke sabab zalíl hogá, aur Yahowáh kí bádsháhat ká jalál zahir hogá.

Daniel nabí ne chár dunyáwí bádsháhaton ke barbáo kí peshíngoí kí, aur yih bhí zahir kiyá, ki sári báton ká anjám **Khuda ki badshahat** ká barbáo o fatbmandí hogá. Is kitáb ka mazmún tawáriķh kí filásafí kí bunyád hai.

Is qáum kí wasat kull dunyá hogí, yane sári qaumen is men shámil ho jáwengí, aur Yahúdáh kí bahál kí húi bádsháhat ek hí kull dunyá kí bádsháhat hogí.

Nabíon kí talímát se barguzída logon ke ķhiyálát ek hí mar-kaz ban gae the, yane Masíh kí ámad ke ķhiyálát.

Us bahálí ne jo 536 baras qabl Masíh Khoras bádsháh ke hukm se húi, rúhání barbáo ke liye ek bhári targíb dí, yih rúhání taraqqí shurú men bahálí ke nabíon kí talím ke mutábíq thá. Un kí talím se rúháníyat kí taraqqí bahut húi.

3. Bahali ke aiyam ke nabi.

Hajji nabí, jab Samariya logon ne **haikal** ke banáne ko

roka, us ne char machine ke andar char hi paigam ke zariya se logon ko us kam ke anjam dene ke liye targib di.

Zakariyah nabi, Zakariyah aur Hajji dono nabi us nai badshahat ke jalali anjam ki nisbat jo Masih ki amad ke waqt hogi, peshingo ki karte the.

Malaki nabi, jab bahali hui, aur mazhab ka intizam qaim ho gaya tha, Malaki ne qaumi aur mazhab ki zindagi ke barhao ke liye aisi targib di, jis ki tasir **Masih ki amad tak** qaim rahi.

Haikal ki taiyari mein in teen nabion ne rahnumai ki, aur logon ko dilari bakhshi; aur yun ek mazhab ki markaz us bare intizam ka ban gaya, jis intizam mein Haikal aur ibadat-ghane bich o bich the, qaim ho gaya, aur is intizam se Masih ki amad ki intizari dunya mein paida hui.

II. Nabion ki peshingon ke mazamin jo Masih se ilaqa rakhte hain.

1. Nabion ne **Masih ke chal o chalan** ki kaifiyat is taur se bayan ki hai, ki goya Masih ki taswir khinchkar dikhai hai.

(a.) **Masih ka kam.**

Wuh insaan ko gunah se mukhlasi bakhshiga **Paid. 3: 15.** Wuh tamam dunya ke gharanon ko barakat dega. **Paid. 22: 18.** Wuh insaan ki tasalli ka bais hogi. **Yas. 25: 8** aur **61 bab.** Wuh dunya ko nur bakhshiga. **Yas. 49: 6.**

(b.) **Masih ka Nabi ka uha.** **Ist. 18: 18, 19.**

(c.) **Masih ka uha i shahana.** Us ki badshahat, fathmandi, hamdardi o salamati ki aur alamgir hogi. **Hukumat ka asa us hi ka hai. Paid. 49: 8-10.**

Wuh "Ajib, Mushir, Khuda i Qadir, abadiyat ka Bap, salamati ka shahzada hogi. **Yas. 9: 6.**

Sab se bihtar peshingon jin se ziyada ummed paida hui. Daud ke gharane se ilaqa rakhti hain, goya ki wahi khandaan un ka markaz hai.

Daud ke khandaan ka jalal is bat mein hai, ki "Masih us ka Beta hogi."

Yar. 23: 5, 6. Muqabala karo: Luqa 1: 32-33.

Hizqiel nabi ne Daud ke bete ko deodar daraht ki surat mein dekhai. **Hiz. 17: 22-24.** Aur chaupan ki surat mein bhi dekhai. **Hiz. 34: 23-25.**

Daniel nabi ne us ko asman ke badalon par Ibn i Adam ki shakl mein ate dekhai.

Dan. 7: 13. Zak. 9: 10 mein is taur se peshingo hai, ki

wuh goyá jangí kamán ko tor dáltá hai, aur qaumon ko sulh ká muzhda detá hai.

Haj. 2 : 6, 7 men us ke jalál zahúr gair qaumon ke bích men dekhtá hai.

Malákí nabí peshingoí kartá hai, ki Aftáb ke tulú se us ko gurúb tak merá nám qaumon ke darmiyán buzurg hogá.

Mal. 1 : 11.

Yasaiyáh nabí **9 : 7** men kahtá hai, ki us kí hukúmat o salámatí ke barháó kí kuchh intihá na hogí.

(d.) **Masíh ká uhda i kahanat.**

Wuh dukh uthánewálá hogá. Wuh be-qusúr hokar mujrim ke badle dukh utháwegá. Us ke háth aur páñw chhede jáwen-ge. **Zab. 22 : 16.**

Wuh hamáre gamon ká bojh apne úpar uthátá, aur hamári badkáríon ke báis kuchlá játá hai, aur wuh hamára sháfí hai.

Yas. 53.

Wuh na sirf Yahúdion ká, balki gair-qaumon ká bhí rihái denewálá hogá. **Yas. 55 : 4, 5.**

Wuh sab logon ke liye rúbání chashma hai. **Yas. 60.**

Bádsháhat aur kahánat, yih donon uhda us men mil játe hain. **Zak. 6 : 13.**

Wuh nayá Ahd ká rasúl hogá. **Mal. 3 : 1.**

Tálib ul ilmon ko cháhiye, ki aur áyaton ko is mazmún par dekhen.

2. Ambiya zamána ba zamána Masíh ke ane ke waqiat ko ziyáda safái se bayán kiyá karte the.

(a.) Ilhám ke shurú men Masíh ke áne ká zikr is taur se húá ki wuh insan hogá. **Pai. 3 : 15.** " Aurat kí nasl."

(b.) Abirahám ke zamáne men ; jis qaum men se wuh niklegá batláyá, **Pai. 22 : 18.** " Terí nasl."

(c.) Yaqúb ke zamáne men : **Firqa** jis men se wuh hogá, batláyá gayá. " Yahúdáh se riyásat ká asá játá na rahegá." **Pai. 49 : 10.**

(d.) Yasaiyáh ke zamáne men : **khandan** batláyá gayá, **Yasaiyah 11 : 1.** " Yassí ke tane se ek konpal niklegí."

(e.) Mikáh ke zamáne men ; **Shahr** batláyá gayá. **Mik. 5 : 2.** " Baitlaham."

(f.) Dániel ke zamáne men ; **Waqt** batláyá gayá. **Dan. 9 : 25.**

(g.) Mariyam ko **shakhs** batláyá gayá ; **Luq. 1 : 30.** " Ai Mariyam mat dar."

(h.) Firishton ke zaríe se **din** batláyá gayá. **Luq. 2 : 11.** " Dáúd ke shahr men áj tumháre liye."

(i.) Sitára ke zaríe se ghar batláyá gayá. **Matí 2 : 9**
 “Jahán larká thá.”

Yún ham Puráne Ahd-náme ke parhne se daryáft karte hain, ki Masíhána k̄hiyál puráne Ahd ká usúl ul asl hai; us kí ibtidá is wāda men ki “Aurat kí nasl sámp ke sir ko kuchlegí” páí játí hai.

Puráná Ahd-náma is Masíhána k̄hiyál ke liház se thahar gayá; aur is k̄hiyál kí tásír ke mutábíq Baní Isráel ke rasúm muqarrar hūe; aur is ke liház se bāze shakhs aur wáqiāt tashbíh samjbe gae; aur is k̄hiyál se Yahúdí logon ke mulkí aur mazhabí muāmalát ne sūrat pakri; aur is liház se nabí apne paigám zamána ba zamána ziyáda safáí se aur qúwat ke sáth nayá karte the, us kí paidáish ke waqt tak:—“púre hone ke waqt tak.”

Masíh, jo “aurat kí nasl se” thá paidá húa; K̄hudá mujassam húa, ek hí achchhí kámil qurbání húi; qiyámat aur zindagí zāhir hūín, K̄hudá kí abadí bādsháhat ká bādsháh paidá húa.

Aur us ke parhne se ham daryáft karte hain ki jis qadr Masíh ke áne kí intizárí kí taraqqí un bís sau baras ke arse (men húi, usí qadr yih k̄hiyál bhi barhtá játá hai ki K̄hudá ká iráda hai ki kull insán ko barakat howe.

Yih ek ajíb bát bhí hai, ki Yahúdí log ziyáda k̄hud-garaz aur mutaassib hote játe the, par K̄hudá ká nek iráda ki kull insán ko barakat dewe zāhir hotá játá thá.

Yih Masíhána ummed aur k̄hiyál kisí dūsre qadím k̄hiyál ke mánind nahín hai. Jab ham is ke silsila par gaur karte hain ham us hí ghar aur us hí din tak pahunchte, jis men K̄hudá ká Betá paidá húa.

SUWALAT.

III. Bādsháhat ká silsila.

1. Yahúdíon kí bādsháhat ke shurú men kin wáqiāt se log Masíh ke kám o k̄hássiyat ke samajhne ke liye taiyár ho gae?

2. Masíhána bādsháhat ke kaun bhárí usúl Hukúmat i Iláhí men zāhir hai?

3. Hukúmat i Sháhí ne kis tarah is usúl ke matlab ko zāhir kiyá?

4. Zamáne asírí aur bahálí kí tajrubakárí se kis tarah is usúl ká matlab zāhir húa?

5. K̄hudá ke wāda se, jo k̄hándán Abirahám se thá, kis tarah Masíh ká kám samajhne ke liye madaḍ milí? aur kis tarah ba-zaríq wāda Músá aur Dáúd ke, Masíh ká kám aur k̄hususíyat zāhir hotí hai?

6. Bādsháhat ke tasawwurat se Masíh kí bādsháhat kí kyá k̄hususíyat zāhir hotí hai?

7. Bádsháhat ká asl usúl kyá thá?

IV. *Nubúwat ká silsila.*

1. Nabíon ká k̄háss kám kyá thá?

2. Hukúmat i sháhi ke zamáne ke nabíon ke nám, aur har ek kí k̄husúsiyat batláo? Asírí ke zamáne ke. Bahálí ke zamáne ke.

3. Is bát ká bayán karo ki nabíon ne kis tarah. Masíh K̄hudáwand kí k̄hássiyat kí peshíngoián kí?

4. Mutawátir wáqiát ká jin se nabíon ne Masíh kí ámad kí hálát záhir kí bayán karo?

5. Puráne Ahd-náma ká asl usúl kyá hai? Aur barguzída qaum kí zindagí par is usúl se kyá tásír húi?



HISSA SEYUM.

NAYÁ AHD-NÁMA MASÍH KHUDÁWAND KÁ IZHÁR HAI.

BAB AUWAL.

Masih ki zindagi ke waqiat aur us silsile ka bayan, jis tarah se waqiat ko sikhana chahiye.

Hissa doyum ham ko us waqt tak pahunchátá hai, jis waqt Masih ká zubúr dunyá men shurú húa. Masih kí zindagi ke mashhúr wáqiát zail kí tartíb se páe játe hain :—

Masih ke tís baras kí taiyári ke zamáne ke wáqiát.

1. Us kí **Ilahi zat**, tén báton men :

(a) Mariyam ko firishte ne khabar dí.

(b) Zakariyáh kí peshkhabarí.

(c) Mariyam ká Gít.

2. Us kí **paidaish** ke wáqiát ; aur

3. Us ká **haikal** men pahle dafa **pesh ana** ; jin har do wáqiát ke sáth **garariyon** ká zikr jo dekhne áe the ; aur **Majusion** ká zikr jo púrab kí taraf se nazr guzránne aur ibádat karne áe the ; aur **Shamaun** nabí o **Anna** nabiya ká zikr jinhon ne us áyanda hálát ko peshbíní se malúm kiyá ; aur **Herodis** khúní mizáj o hasad karnewále ká bayán páyá játa hai.

4. Us kí **tufuliyat** ká zamána ; aur

5. Us kí **bulugiyat** ká zamána, jin har do zamáne kí tajrubakári chár báton men pái játi hai yane :—

(a) Us ká gharana, (b) Us kí **Baibal**. (c) Us ká kam
(d) **Yarusalam** ko jana.

II. Masih kí k̄hidmat ke Aiyám.

1. K̄hidmat ká pahlá sál jis men Masih kí **shuhraat** kam thí ; is sál ke wáqiát kí tahrírat kam hain.

(1) **Baptisma** o **Azmaish** jis ke zaríe se Masih apní k̄hidmat men dákhil húa. Un wáqiát ke sáth tén amr zahir hue :—(a) Rúb ul Quds ká nazúl. (b) Shaitán se muqábala.
(c) Masih kí fathmandí.

(2) Qáná i Jalíl men Masíh ká **pahla muajiza**, jis se us kī khidmat ká tarz daryáit hotá hai, ki wuh dunyá chhoṛkar jangal men na rahegá, balki misl awám-un-nás wuh ba qaid zindagí basar karegá aur logon ke khushí aur dukh dardon men sharík hogá. (*Stalker's Life of Christ* p. 48.)

(3) Us ká **haikal ko pak karna**. Yih us ke isláh karne ke kám ká shurú thá, jis se Yahúdíon ká gussa us par bharká; aur ákhirkár us ke isláh karne ke kám ká anjám yih húa ki wuh maslúb húa.

(4) Us kī **guftogu Niqudemus ke sath**. Is guftogu men Masíh ne us bádsháhat kī haqíqat ko záhir kiyá, jis ko wuh qáim karne áyá thá, aur batáyá ki kīs taur par log us men dákhil ho sakte hain.

(5) **Samariya mulk men Masíh ká kám o khidmat**. Us ká ek kúen par ek **aurat ke sath guftogu** karná. Is jagah par us ne bádsháhat kī rúbání khássiyať aur sachchí parastish ko batáyá.

2. Masíh ke dúsre baras kī khidmat, jis men **ziyada log** us kī pairawi karne lage, aur us kī **shuhrať** ziyáda phail gai.

(1.) **Jalil men us ká kám o khidmat**. Is sál men us ke rahne kī jagah **Kafarnahum** thá, jahán us ne bahut muajize dikhláe.

(2.) **Us ká barah Rasulon ka chunna**. Yih kám us nae intizám, yane Masíhí kalísiyá ká shurú waplúm detá hai. We pahle Masíh ke shágird húe; tab barábar us ke sáth rahte the, aur ákhir men darja i risálat ko pahunche.

(3.) **Masíh ká pahari waz**.

Us waz men us ne Puráne Ahd-náma ke usúl ko bil-muqábil Naye Ahd-náme kī roshnī ko dikhláyá.

(4.) **Barah rasulon ka Mission**.

Yih Missionary kám kī ibtidá thí, goyá ki Masíhí kalísiyá kī ibtidá hí se yih khássiyať hai.

(5.) **Yuhanna Baptisma-denewale ki maut**.

Yih waqt Masíh kī zindagí men názuk o khatre ká waqt thá.

3. Masíh ke tísre baras ká kám bil-umúm **mukhalifat** ká zamána thá,—ziyáda dushmani.

(1) **Patrus ka iqrar. Mati 16 : 16.**

Is bare iqrár ke bad Masíh ke kám ká tariqa tabdíl ho gayá.

aur wuh usúl záhir húa, jo Masíhí kalísiyá kí bunyád thahrá.

(2) Pahár par **Masih ki surat ka tabdil hona.**

Is wáqi se us ke shágirdon ká ímán áyanda kí barí ázmáish ke liye barh gayá ; aur khásskar Masíh apní maut ke liye, jo Yarúsalam men honewáli thí, taiyár ho gayá. **Luqa 9 : 28-36.**

(3.) **Sattar shagirdon ka Mission.**

Yih us barhao ká zikr hai, jo Masíhí kalísiyá kí tawárikh kí khássiyaat hai.

(4.) **Laazar ka jilaya jana.** Baqá i Rúh kí talím jo is wáqiá ke sáth dí gai.

(5.) **Peria mulk men Masih ki khidmat.**

III. Masíh ki zindagi ke wáqiát jo ákhiri dinon men Baitania aur Yarúsalam men hue.

1. **Mariyam se us ká Masah pana,** jo us kí maut kí pesh-khabarí samjhi jati thí.

2. **Us ká Yarusalem men dakhil hona.** Us ne apne ko bá-qáida sháhána taur se dár-us-saltanat men pesh kiyá, ki Yahúdí log us ko apná bádsháh samajhkar qubúl karen.

3. **Haikal men us ká talim dena.** Is wáqiá se Yahúdí qaum ke sardáron aur Káhinon o Masíh ke darmiyán ákhiri phút par gai.

4. **Asha i Rabbani kí rasm.**

Is rasm se Purána Ahd-náma aur Nayá Ahd-náma kí muwáfiqat záhir hai. Aur Nae Ahd kí naját kí kámiliyat záhir hai.

5. **Gatsamani bag men Masíh kí jánkaní.** Yahán Masíh ne apní zindagi men sab se ziyáda musíbat o taklíf ká sámh-ná kiyá.

6. **Masíh ká giriftar hona.**

Yahúdíon o Rómíon ne báham milkar us ko giriftár kiyá.

7. **Masíh ká Muqaddama.**

(a.) Kalísiyá. (b.) Mulkí.

8. **Masíh ká maslub hona.**

9. **Masíh ká ji uthna.**

10. **Masíh ká uruj karna.**

Ab hamári samajh men, jo bhári wáqiát Masíh kí zamíni zindagi men pesh áe, hamáre zibn men naqsh hue. **Wo goyá Injil kí talím ke tháth hain.**

Agar koí shakhs pahlí dafa Masíh kí nisbat kuchh daryáft kartá hai, to zurúr is tarah se púchhtá hai, ki pahle us ne kyá kiyá ; aur phir us ne kyá kahá ; wuh zurúr in suwálát ke jawábat se samajh legá ki wuh kaun aur kyá hai.

Liházá ham in wáqiát ko zail kí tartíb par bayán karte hain :—

I. Us kí karámát o kám.

Jis se us ne Injíl ko íjád kiyá.

1. Us ká **Mujassam hona.** Yuh. 1 : 1.

2. Us kí **farmanbardari o khidmat**, jis se Puráne Ahd-náme ká intizám púra húa, aur nae Ahd-náme ke intizám ká zahúr húa.

3. Us ke **muajizat**, jo us ke Iláhí ikhtiyár kí alámat o Iláhí qudrat ke izhár aur rihái bakhshe ke kám kí tashbíhát the.

4. Us kí **maut**, jis se Yahúdión kí qurbánión ká matlab aur pesh-khabarí púrí húi.

5. Us ká **ji uthna**, jis par hamárá hamesha kí zindagí kí ummed ká dár o madár hai.

6. Us ká **uruj**.

7. Us ká **Shafi hona**, aur abad tak **sardar kahin** rahná. Ibr. 5 : 6.

Jab bachchon ko talím den, to sirf wáqiát ko, is taur se síkhána cháhiye, ki we hamesha un ke zihn men naqsh rahen ; aur jabán tak mumkin hai, bagair Filásafí ke síkhlána cháhiye sab se ziyáda talímyáfta tálib ul ilmon ko munásib hai, ki un wáqiát par aksar nazarsání kiyá karen, kyúnki aql kí khássiyyat yih hai, ki jab wuh kisí wáqia ko qubúl kar letí hai, to ap apne liye apní Filásafí ko paidá karegi.

Imán láne ke liye wáqiát ká honá cháhiye, ná wáqiát kí nisbat ek Filásafí yane imán ke liye kisí haqíqí wáqia ká honá zurúr hai, kyúnki mahz aqída Filásafí ká káfi nahín hai.

II. Us ke kalímát.

Jis ke zaríe se us ne Injíl kí manádí kí ; ham áge us kí talím par kuchh aur gaur karenge, par is waqt ke liye itná hí kahná káfi hai, ki us ne zail kí talím dí :—

1. **Tauret o nabion ki kitaben rastbazi** ke liye hidáyat o rahnumai karti hain.

2. Us ne **rastbazi ke usul** ko síkháyá.

3. Us ne ap ko imán ke wáste wajúd o insán ká Naját-dihinda aur Baní Ádam ká Khudáwand batáyá.

III. *Masíh hí k̄hud : yihí Injíl hai.*

Agar ham sirf Masíh kí karámát o kalimát par gaur karte hain, to hamáří aqlon o zihnon par Masíh ke chál o chalan se us kí súrat naqsh ho játí hai.

Aláwa is ke nabíon kí shahádat par gaur karne, aur daryáft karne kí pesh-k̄habarí aur us ke wáqiát ke darmiyán muwáfiqat o mushábihat hai yá nahín. Masíh ne apná hí kám o Kalám pesh kiyá, táki unhín se sábit kare, ki us ká zahúr un hí peshíngoíon ká púrā honá hai. **Luqa 7 : 22 ; Mati 5 : 17.**

Masíh kí nisbat talím dene ká yih matlab hai, ki ham Masíh ko is taur se dikháwen, ki har ek tálib ul ilm Masíh ko, jo un ká Naját-dihinda o Bádsháh hai, ziyáda safáí se pahchánen.

Ustád ko lázim hai, ki Masíh kí haisiyat o shak̄hsiyat se, jaisí Injíl men bayán hai, wáqif hon, aur apní waqfiyat ko sabaq ke sáth roz-marra taraqqí dete jáwen.

Goyá ek sabaq se Masíh ká ek nazára hásil karke us ke naqsh ko apne zihn men mahfúz rakhen ; agar ho sake, to us ko tahrír bhí karen, maslan :—Yisú kí tafúliyat Násarát men ; ab is bát par gaur karo, ki is nazáre men tín báten záhir hotí hain :—

1. Masíh kí farmánbardarí.
2. Fazílat.
3. Taraqqí.

Har chahár Injíl men salís bayánát mundarj hain, aur tafsír bahut kam hai, aur we na Masíh kí zindagí ke hálát hain, balki taswírát hain. In taswírát ká bhí na sirf ek manzar balki chár manázir hain, táki ziyáda safáí se hamáre zihn men naqsh ho jáwen, o chár martaba mutawátir hamáří nazar ke sámne guzarte hain.

Táki ziyáda safáí se Masíh kí zindagí o maut o jí úthne ke wáqiát malúm ho jáwen.

Yih Masíh kí nisbat sikhláne ká taríqa i Iláhí hai, jis se ham ko ishára miltá hai, ki ham kis tarah se sikhláwen.

Mati Al-Masíh ko ek shahana shariat denewala dikh-látá hai.

Malúm hotá hai, ki Masíh pesh-bíní se Iláhí marzí ke inki-sháf ko púrā karne ke liye muqarrar huá thá.

Yih Injíl Abirahám se shurú hotí, aur is bát ko záhir kartí hai, ki Nayá Ahd-náma Puráne Ahd-náme se misl kalí ke bíj se ugtá hai.

Marqus Al-Masíh ko **qudrat rakhnewala** dikhátá hai.

Wuh us kí ámm k̄hidmat se shurú kartá hai. Wuh Masíh ke aamál kí Injíl hai. Wuh gair-qaumon ke liye ímán ká darwáza kholtá hai. Us kí talím kí súrát **Aamal 10 : 38** ke mutábiq hai.

Luqa Al-Masíh ko **insan ka dost** záhir kartá hai, wuh Ádam se shurú karke us iláqe o muhabbat ko záhir kartá hai, jo Masíh sab insánon se rakhtá hai.

Yuhanna Al-Masíh ko **Khuda ka beta** batátá hai, wuh azal se shurú kartá hai, aur Masíh ko Khudá o Naját-dihinda záhir kartá hai.

Masíh kí taswír nazáron se, yane Injíl kí báton par gaur karne se khínchí játí hai. Maslan chand bhárá wáqiát, jin ká bayán sáde taur se Injilon men páyá játá hai, chunkar gaur karo :—

1. Wuh jo ibtidá men Khudá ke sáth thá hamáre darmi-yán rahá.

2. Jaise ham ázmáe gae, waise hí wuh ázmáyá gayá, par wuh be-gunáh rahá.

3. Us ne garíbon ko k̄husb-k̄habarí kí manádí sunáí.

4. Us ne chhóte larkon ko apne pás áne kí ijázat dí aur un ko barakat dí.

5. Wuh apne doston ke sáth un ke gharon men rahá.

6. Us ne gamzadon ko tasallí bak̄hshí.

7. Us ne bímáron ko changá kiyá.

8. Wuh **salib** par muá.

9. Us ke shágirdon ne us kí qabr k̄hálí páí.

10. Us ke shágirdon ne us ko maut ke bad zinda dekhá.

11. Us ke shágirdon ne us ko ásmán par saúð farmáte o barakat bak̄hshte dekhá.

Ab un kámon par aur k̄hidmaton par gaur karenge, jin ká zikr Aamál o k̄hutút men páyá játá hai, aur ham malúm karenge, ki chár Injilon ke bayánát un se kyá taalluq rakhte hain.

Maslan :—

1. Wuh Khudá o insán ke bích darmiyání hai.

2. Wuh rúhání haikal men sardár káhin hai.

3. Wuh bádsbáh hai jo ná-dídaní tak̄ht par masnad-nishín hai.

4. Wuh apní Rúh ke zaríe se ímándáron ke dilon men rahtá hai.

Ab ham taiyár hain, ki us kí talímát par gaur karen.

SUWALAT.

BAB AUWAL.

1. Khudáwand Masíh kī sawáníh i umrí ke tīn hisson ko jo kī bare hain, batláo.
2. Us ke pahle barason ke kháss wáqiát ká zikr karo.
3. Us kī tīn baras kī ámm khidmat kī khusúsiyat kyá thí?
4. Pable sál ke pánch wáqiát ko, aur talím jo Masíh ke kám se taalluq rakhtí hai bayán karo.
5. Dústre sál ke pánch wáqiát ko aur talím ko, jo Masíh ke kám se taalluq rakhtí hai bayán karo.
6. Tísre sál ke pánch wáqiát ká zikr karo.
7. Us ke sawáníh i umrí ke ákhirí hisso men kaun se das wáqiát hain?
8. Khudáwand Masíh ke kámon ke sāt sar-námon ko batláo?
9. Masíh kī talím bachchon ko kis tarah sikhláná cháhiye?
10. Khudáwand Masíh ke kalimát ká khulása batláo.
11. Us ke kámon aur kalámon se kaun sá wujúd hamáre ímán ke liye pesh kiya jātá hai?
12. Ham ap ko kis tarah se taiyár kar sakte hain, kī us wujúd ko talib ilmon ke sámhne pesh karen?
13. Khudáwand Masíh ke kaun se chār nazáre Injilon men pesh kiye gae hain?

BAB DOYUM.**MASÍH KÍ TALÍMÁT KE BAYÁN MEN.**

Masíh kī zindagí kī nazar i sání ho chukí, wuh ásmán se utrá, insán ke bích men rabá, muqjize dikhláe nekí kartá phirá; puráne áhd kī sachái kī talím dí.

Aur naí khush-khabarí ke bhed ko záhir kiya, salíb par muá, qabr men dafn huá.

Murdon men se jí uthá, aur ásmán par urúj kiya.

In wáqiát se niháyat bhárá suwálát paidá hote hain :—Maslan us kī zindagí o maut o jí uthná, aur us ke urúj ká kyá an-jám huá? aur zamáne hál men hamára rishta us se kyá hai? Hamáre iláqon ko, jo Khudá ke sáth hain, Masíh kī zamíní zindagí se kyá tásir hai? Wuh naját jis kī nisbat us ne talím o talqín kī, aur jo us ke zaríe se hogí, kyá hai? Wuh zindagí

jo us men hai, jis kí nisbat us ne apne shágirdon ko hukm kiyá, ki basar karen, wuh kyá hai? aur wuh bádsháhat, jis ko us ne sab ímándáron ke wáste kholá, kyá hai?

Mazkúra suwálon ke jawáb Masíh kí talímát haiñ.

Is mauqe par ham sirf un jawábat par gaur karenge, jin ko Masíh ne khud pesh kiyá; bad is ke ek dústre sabaq men ham Masíh ke shágirdon ke bayánát par sochege.

Masíh kí bhárí talím das sarnámon meñ páí játí hai:—

1. Khudá kí bádsháhat.
2. Naját kí ráh.
3. Naí paidáish.
4. Mamsúh bádsháh.
5. Muhabbat kí shariát.
6. Khudá kí Parwardigárí.
7. Duá.
8. Rúh ul Quds.
9. Jí uṭhná.
10. Akhíré adálat, jis ká anjám abadí zindagí yá abadí azáb hai.

I. **KHUDÁ KÍ BÁDASHÁHAT.**—Masíh ne apní ámm khidmat is bát kí manádí ke sáth shurú kí, ki “**Khuda ki badshahat nazdik hai,**” aur jab us ne apne shágirdon ko pahle manádí karne ko bhejá, yih hidáyat kí, ki wo “**Khuda ki badshahat**” kí manádí karen, aur yih Kalám i Muqaddas ká khulása hai, aur wuh bádsháhat jo barguzída logon ke darmiyán Khudá kí abadí bádsháhat ká sáya thí. Zail ke usúl ke sáth qáim húi thí:—

1. Ek badshah, jo Khudá khud thá.
2. Ek ahd, jis kí shart ímán aur farmánbardári thí.
3. Shariat, jo das ahkám the.
4. Ibadat ke rasum.
5. Mulki intizam ká sáz o sámán.

Us bádsháhat se logon ko zail kí báton kí talím dí gai:—

1. Khuda un ká Bádsháh un ke darmiyán maujud hai.
2. Khuda un ko un ke dushmanon se bachanewala hai.
3. Masih jo anewala hai, Badshah hogá.
4. Masih jo anewala hai, Najat-dihinda hogá.
5. Anewalí badshahat ruhani aur shakhsi hogí.

Yún Khudá kí bádsháhat ká asl khiyál qabl áne Masíh ke dindár Yahúdíon ke dílon meñ qáim húa, aur un ke dílon meñ yaqínan Khudá Naját-dihinda o Bádsháh kí huzúrí malúm húi.

Yihí wuh bádsháhat hai, jis ke áne kí intizárí Zakariyáh kartá thá, aur jis ke áne ká nishán us ne Yúhanná men páyá. **Luqa 1 : 68, 79.** Aur Shamaún ne us kí intizárí kí, aur us ke áne ká nishán Masíh kí tufúliyat men dekhá. **Luqa 2 : 29-32.** Bádsháhat kí manadí Masíh ne apní ámm k̄hidmat ke shurú men kí, ki wuh nazdík hai. Us ne thík thík nahín batláyá, ki us ká zábírí intizám kyá hogá. Is liye ki ámm log ek naí hukúmat i Iláhí kí intizárí men the, jo záhírí intizám ke sáth ho, us ne ap ko Masíh bhí nahín batláyá, jab tak naí Rúhání bádsháhat ke usúl ko un ke dilon men qáim hone na diyá.

Is bádsháhat ká asl usul jis ki manadi Masih ne ki yih thá ; ki insán kí rúh Masíh kí itáat kare. Yih usúl Masíh kí kull talímát kí kalíd hai.

Jab koí shakhs K̄hudá kí marzí par chaltá aur kamál kosbish aur farmánbardárí ke sáth us kí marzí bajá láná cháhtá hai, tab samajhná cháhiye, ki K̄hudá kí bádsháhat kí ibtidá us ke dil men húi.

Jab wuh is martabe tak pahunchá, ki kamál muhabbat se wuh K̄hudá kí marzí jaise ki Firishte ásmán par bajá láte hai, púrā kartá hai, tab samjho ki K̄hudá kí bádsháhat kamál ke sáth us men maujúd hai. Jab K̄hudá kí riáyá ká iláqa us se aisá hai, to jáno, ki ab hazár sál ká zamána á gayá, aur jaise Masíh ab muqaddason ká bádsháh hai, qaumon ká bádsháh hogá, aur Masíh kí bádsháhat ká áná yihí hai. **Mati 6 : 10.**

Is bádsháhat kí riáyá men se har ek ke sáth K̄hudá hai. **Yuh. 14 : 23.**

Jab kisí kí rúh men yih bádsháhat átí hai, to Shaitán kí bádsháhat nest ho játí hai. **Luqa 11 : 20, 21.**

Is bádsháhat ká izhár Masíh ke Pabárí Waz men hai.

II. NAJÁT KÍ RÁH. Yane K̄hudá kí bádsháhat men dákhil hone kí ráh.

1. Najat ki tarif. Gunáh o gunáh ke zor aur gunáh ke natáij se riháí páná naját hai, aur us kí zurúrat Baibál kí ámm talím men hai.

2. Us ka izhar Purane Ahd-name men hai. Naját kí ráh puráne ahd-náme ke intizám men zail kí báton men páí játí hai :—

(a.) **Tauba,** K̄hudá kí nazdíkí kí ek sbart hai.

(b.) **Qurbani,** K̄hudá ke pás pahunchne ká ek wasíla hai.

(c.) **Farmanbardari,** jis ke bagair qurbání ábas hai.

1 Sam. 15 : 22 ; Amos 5 : 22-24. Yas. 1 : 11, 16-18.

3. **Naya Ahd-nama us ka izhar hai; Yisú is dunyá men áyá, táki Naját-dihinda ho; us kí pesh-khabarí us kí paidáish se peshtar húi. Mati 1 : 21.**

Naját hasil karne ka taríq zail kí baton men batlayá gayá :—

(a.) **Yisu hi par iman lana.** Un logon se jo us ke pas áte the, Masíh ne kahá, “Mujh par ímán láo,” “Merí baton ko máno, merí pairawí karo, hanoz shágird us naját ke púre matlab ko nahín samajhte the; kyúñki wuh matlab, us kí musibat o maut o jí úthne ke zaríe se záhir húa thá, táham we us ko pahchánte aur piyár karte the, agarchi we kámil taur se us ko nahín samajhte the, tau bhí we maqbúl shágird the, kyúñki we us par ímán láe the.

(b.) Is ímán ke sáth **gunah se tauba** bhí zurúr hai. Jab Khudá ap ko insán par záhir kartá thá, to tauba us ke sáth zurúr záhir hotí thí, aur Nae Ahd-náme ke zamáne men bhí jab Khudá Masíh men záhir húa, tauba ka ízhár bhí húa, yih gair-mumkin hai, ki koi gunahgár muhabbat ke sáth Masíh ko dekhe aur gunáh se ranjída khátir na ho. **Luqa 5 : 8.** Yisú ne sikhláyá, ki sachchí tauba ke sáth aamál bhí zurúr hai.

(1.) Dunyáwí mizáj ko tark karná. **Marq. 10 : 24.**

(2.) Khudí ko tark karná. **Marq. 10 : 15.**

(3.) Khud-inkarí tauba kí shahádat hai. **Mati 10 : 38.**

(4.) Ap ko bilkull Masíh ke hawále karná. **Luqa 9 : 62.**

(c.) **Masih ke kafare ko qubul karna.**

Puráne intizám men qurbáníon se insán ko yih talím dí gai:—

(1.) Gunáh kí pahchán.

(2.) Khudá kí Quddúsí.

(3.) Bá-wasíle darmiyání, muáfí o mel kí zurúrat.

(4.) Gunahgár bil-íwaz apní qurbání láwe.

(5.) Kámil qurbání áyanda honewálí hai.

Pahle shágirdon ke sámhne Masíh pesh kiyá gayá aur kámil qurbání batlayá gayá, jis ne ákar puráne ahd kí qurbáníon ka matlab purá kiyá. **Yuh. 1 : 29.**

Masíh ne apní khidmat ke sburú men záhir kiyá, ki insán kí naját us kí maut ke wasíle hasil hogí. **Yuh. 3 : 14 Yuh. 12 : 32, 33.** Phir Yúbanná Rasúl ne bhí batlayá, ki Yisú ne yún kahá táki un ko malúm ho jáe, ki us kí maut kis tarah aur is liye hogí.

Masíh apní maut kí pesh-khabarí ziyáda safái se diyá kartá thá. **Mati 10 : 21** aur apní maut ko naját ke intizám men shámil batlayá. **Yuh. 12 : 27, 32, 33.** Us ne kahá main

áyá hún, táki apní ján bahuton ke liye kafáre men dún. **Marq. 10 : 45.** Naját ke liye tauba karná aur Ibn i Ádam par jo Naját-dihinda hone ke liye uṭháyá gayá, imán láná zurúr hai, is se rúhání aur abadí maüt se riháí hogí, aur abadí zindagí rúh men hogí.

III. Naí Paidáish. Kḥudá kí bádsháhat men dákhil hone kí shart hai.

1. Masíh ne us kí **zarurat batlai** hai. Us ne apní kḥidmat ke shurú men sikhlayá ki Kḥudá kí bádsháhat dilon kí hukúmat hai, aur sirf wuhí log Kḥudá kí bádsháhat men dákhil ho sakte hain jo apne dilon ko bilkull Kḥudá ke supurd kar dete hain, aur is bádsháhat men dákhil hone ke yih mane hain, ki Kḥudá kí rúh insán ke dil men dákhil hoke sukúnat o hukúmat kare. **Yuhanna 14 : 23.**

2. Naí paidáish kí **zarurat ke asbab.**

(a.) Sab log gunahgár hain, un ke gunahgár hone ká sabab yih hai, ki we Kḥudá ko sab se ziyáda piyár nahín karte.

Masíh ne kabá, ki main aison hí ke liye áyá hún. **Marqus 2 : 17. Mati 18 : 11.**

(b.) Wuh dil jo hanoz tabdíl nahín huá hai har ek burái ká chashma hai. **Mati 12 : 33.**

3. Naí paidáish kí **tarif** ek pák-shuda dil men muqaddas bádsháhat ká qáim honá.

(a.) Wuh jo naí paidáish hásil karní cháhtá hai, us ke liye zarúr hai ki apne gunáh se **tauba kare** aur gunáh ko **tark kare**, aur Iláhí **rahmat ko dhundhe**, aur sab chizon se ziyáda Kḥudá ko dil se **pasand kare**, aur us kí **ibadat o farmanbardari** kare, yane aisí muhabbat Kḥudá ke liye rakhná cháhiye jo us ko chun lene men záhir hotí hai.

(b.) Jis ke wasíle dil tabdíl hotá hai, wuh Kḥudá Rúh ul Quds hai, jo har ek dhúndhnewále ko úpar se qúwat bakhshtá hai. **Yuh. 6 : 37.** Ham Rúh ul Quds ke kám ko ki kis tarah se dilon ko tabdíl kartá hai bayán nahín kar sakte. **Yuhanna 3 : 8.**

Par natáij se yih jánte hain ki hamáre dilon par tásír húi. **Yuhanna 1 : 12, 13 ; 1 Yuhanna 4 : 7, 8 ; 1 Yuhanna 5 : 1-4.**

Wuh jo sar i nau paidá hotá hai naí maḥlúq kahlátá hai, naí paidáish ek naí tajrubakári hai jis se ham Kḥudá ko Masíh meq ek házir o názir naját-dibinda musháhida karté hain, aur us ko apní zamír o marzí o dil ká Kḥudáwánd qabúl karte hain.

Sikhláne men yád rakhná cháhiye ki wuh jo sar i nau paidá hotá hai us naí zindagi ke shurú men hai wuh Masíh men ek kámil ádmí nahín hai, wuh bachcha hai, aur agar ímán láne ke bad us se sahwan gunáh huá hai to be dil hokar máyús na boná cháhiye **Filippion 3 : 13, 14, 1 Yuh 2 : 1, 2.**

IV. Mamsúh Bádsháh. Khudá ap apní bádsháhat men hukúmat karnewálá hai, aur Khudá khud Masíh men hai.

Masíh apne báp ke sáth ek hai, ham is bát se is sabab se wáqif hain ki Masíh ne khud farmáyá hai ki :

1. Main **ruhani zindagi ka chashma** hún, wuh zinda rotí hai. **Yuh. 6 : 51.** Wuh sachche angúr ká darakht hai, aur us kí bádsháhat kí riáyá dáliyá hain. **Yuhanna 15 : 5.** Wuh darmiyání hai, jis ke zariá se us kí riáyá apne bádsháh se haqíqí iláqa rakhtí hai. **Yuhanna 14 : 6 aur 10 : 28.**

2. Wuh **mukhtar i kull** hai. Us ne kahá ki main ap ko apní maut ke bad zinda karúngá. **Yuh. 10 : 18.** Aur wuh auron ko bhí murdon men se jiláwegá. **Yuh. 11 : 25.** Wuh sab ádmíon par ikhtiyár rakhtá hai. **Mati 28 : 18.**

3. Wuh **Khuda i Qadir** hai, wuh bukm kartá hai ki mujh ko sabhon se ziyáda piyár karo. **Mati 22 : 37 ; aur 10. 37 ; Yuh. 5 : 23.**

4. Us ne ap ko **Khudá ka Beta** batláyá, aur sabhon ko ijázat dí, ki mujh ko Khudá ká Betá kahen, aur wuh khud aur us ke sab dost aur dushman pahchánte the, ki us laqab ká matlab yih hai, ki wuh us bádsháhat ká málik hai, cháron Injílón men yih laqab pachís jagah áyá hai. (*Thompson's Theology of Christ pp. 138.*)

(a) *Shaitán* aur bad rúhon ne jo shaitán ke zer i hukúmat thin us ko yih laqab diyá. **Luqa 4 : 41,** unhon ne pah chána ki wuh Masíh hai aur wuh Yahúdión ká bádsháh hai-aur wuh un ke úpar ikhtiyár rakhtá hai. **Mati 8 : 29.**

(b.) *Dushmanon se,* **Mati 27 : 43,** unhon ne us ke laqab se jo us ne qabúl kiyá thá, yih samjhá ki us ká dawá yih hai, ki wuh maut par ikhtiyár rakhtá hai, yane wuh ap ko maut se bachá saktá hai, aur us ne haqíqat men aisá dawá kiyá. **Yuh. 10 : 18.**

(c.) *Rúmi súbédár se,* **Mati 27 : 54,** us ne yaqínan Masíh ko Iláhí wajúd samjhá.

(d.) *Sardár káhin se* **Mati 26 : 63,** jiske mane yih hain, ki Masíh ne dawá kiyá, ki main Iláhí hukúmat ká bádsháh hún.

(e.) *Shágirdon* se. Unhon ne iqrár kiyá, ki wuh *Khudá* ká *Beṭá* hai ; unhon ne samjhá, ki us men *Iláhí* qudrat maujúd hai. *Yúhanná* baptismá denewále ne kahá, ki *Masíh* kí zát qadím hai. **Yuh. 1 : 14-16.** Bahr i *Jalíl* par us ke shágirdon ne iqrár kiyá, ki wuh *khilqat* (yá nature) par *ikhtiyár* rakhtá hai, **Mati 14 : 33.** *Marthá* ne iqrár kiyá, ki wuh zindagí aur maut par *ikhtiyár* rakhtá hai. **Yuhanna 11 : 27.** *Patrus* ne shágirdon ke wáste apne *ímán* ká iqrár kiyá, ki wuh abadí zindagí dene ká *ikhtiyár* rakhtá hai, **Yuhanna 6 : 68, 69.**

(f.) *Masíh* ne *khud* áp ko *Khudá* ká *Beṭá* kahá aur is kah-ne se us ne iqrár kiyá, ki main usí qudrat ko rakhtá hún, jo sirf *Khudá* men hai, us ne kahá ki main, jo *Khudá* ká *Beṭá* hún sabb par *ikhtiyár* rakhtá hún, us ká *kháss* haqq thá ki sabb ke din, jis ko *Khudá* hí ne ibtidá men muqarrar kiyá thá, mukhtár bane ; us ke sunnewálon ne us ke bayán se samjhá ki wuh is iqrár se áp ko *Khudá* ke barábar *ṭhahrátá* hai, aur *Masíh* ne un ke bayán par *iṭiráz* na kiyá, aur raḍḍ na kiyá balki us ko qabúl kiyá, aur us ne *ḍawá* kiyá ki mere *khiyál* o *kalám* o *aamál* bil-jumla báp ke *khiyál* o *aamál* hain, aur jaise báp áp men zindagí rakhtá hai main bhí áp men zindagí rakhtá hún, aur dúson ko murdon men se jilá saktá hún, aur us ne *ḍawá* kiyá ki sab insán jaise báp kí *izzat* karte hain meri bhí *izzat* karen. **Yuhanna 5 : 17-23.** Muqaddame ke waqt *Yahúdíon* ne *ḍawá* kiyá, ki wuh *kufr* baknewálá hai kyúnki us ne áp ko *Khudá* ká *Beṭá* kahá, aur *Masíh* ne un ke *ḍawe* ko tasdíq kiyá. **Mati 26 : 63-66,** aur us ne kahá ki main aur báp ek hain, aur sunnewálon ne samjhá ki wuh insán hokar áp ko *Khudá* ke barábar *ṭhahrátá* hai. **Yuh. 10 : 30-33;** us ne kahá ki main dunyá kí paidáish se peshtar *jalál* men thá **Yuhanna 17 : 5,** phir kahá ki jis ne mujh ko dekhá us ne báp ko dekhá aur ki Báp *Beṭe* men hai aur Báp *Beṭe* ke wasíle kám kartá hai ; aur *Beṭe* kí zát *Khudá* ke sáth ek hai, **Yuhanna 14 : 9-14.** Wuh abadí bádsháhat ká bádsháh i abadí hai. Par us ne apne kám ke shurú men áp ko *Khudá* na kahá, wuh cháhtá thá, ki pable insání ham-dardí ke wasíle se insán ko apní taraf *khínch* láwe. *Talím* dene men *Masíh* ko is taur se pesh karná *chábiye* ki *tálib-ul-ilm* malúm karen ki wuh insán hai jaise ki we insán hai. *Masíh* ne *Khudá* báp ko apní zát men is taur se záhir na kiyá ki insán *taajjub* kare aur *hairat-zada* hokar *taẓím* kare, lekin us ne muhabbat aur

ham-dardí aur har ek tajrubekáarí insáaní men shámil hone aur apne kám o kalám se Khudá Báp ko apní zát men dikhláya.

V. MUHABBAT KÍ SHARÍAT:—Khudá kí bádsháhat kí shariát.

1. **Us ká dilon men qaim hona.** Khudáwand Masíh ne sachehe mazhab ká markaz insán ká dil batláya. Pák kitáb men jab dil ká zikr hai, samjho, ki us ke shámil-hál istiádád i aqlí o josh aur marzí ká bhí zikr hai, aur dil hí insán ke aḡbláqí wujud ká markaz hai. **Yas. 10: 7; aur 32: 4; 1 Samuel 1: 74; Aiyub 15: 12.**

2. **Us ki marifat dil se hoti hai.** Khudáwand Masíh ne dil ko gunáh kí jae sukúnat batláya. Maslan be-sabab bhái par gussa honá, yihí ḡhún karná hai.

Mati 5: 22, aur shahwat kí nigáh yihí ziná karná hai. **Mati 5: 28**; aur qasam kháná Khudá kí be-izzatí karná hai. **Mati 5: 36, 37.** Sachehí parastish dil se taalluq rakhtí hai. Maslan duḡ karná, Khudá aur dīl ke darmiyán muwáfiqat ho jánā hai. **Mati 6: 6.** Ḳhairát dená Khudá kí muhabbat ká zuhúr hai. **Mati 6: 1-4.** Aur dīdár Iláhí ke wáste Pák honá zurúr hai. **Mati 5: 8.**

3. **Us ka zahur dil se hota hai.** Dil men na sirf josh hai, balki iráda aur aql bhí shámil hain. Muhabbat kí shariát kí farmánbardáarí men aqli taslim bhi shamil hai.

We jo muhabbat kí shariát kí farmánbardáarí karte hain, Khudá ko apne khiyalat o khwahishon o afal ká hakim jánte hain. Farmánbardár logon ke dil ke josh Khudá kí taraf ruḡḡ bote hain, aur we sochte hain, ki Khudá sab chizon se pasandída hai. Aur we jánte hain, ki Khudá ne apní riáyá ko farzandiyat ke darje men rakhá hai. Aisí pasandídagí aur aisá josh tamám zindagí ke irádon kí rahnumái karte hain.

Aise log Khudá ko pasand hain, aur un ká mizáj aur un ke chál o chalan gawábi dete hain, ki we Khudá kí bádsháhat kí riáyá hain. **Mati 7: 16.**

4. **Tarif.** Yún ham dekhte hain, ki Masíhí ímán na sirf mazhabí josh balki pák zindagí kí batiní asl hai. Aur ap ko Quddús Khudá ke dast i mubáarak men supurd kar dená hai, aur is usúl men Khudá aur insán se dil ká haqíqí iláqa bhí shámil hai. Masíh ne kabá, ki us ká fazl ham sab par ho, aur is muhabbat kí shariát ko do salís qawánín men sikháya, aur un hí ko rástbází ke qawánín ká chashma batláya. **Mati 22: 37-40.** Yih bunyádí qawánín hain, aur puráne aur Nae Ahd-náme men faráiz batlāe gae hain. **Ist. 6: 5;**

Ahbar 19 : 18. Aise salís aur amalí qawánín ko bachche qubúl kar sakte hain, aur we bhí jo aalá darje ke dānishmand, aqíl aur mazhab kí bábat gaur karnewále aur rúhání khiyál karnewále is se bihtar kuchh nahín soch sakte hain.

Aur wuh muhabbat jo pasandídagí aur josh se hotí hai, bādsháhat kí riáyá ke dilon men aise musammam aur mustahkam irádon ko qáim kartí hai, ki we apne bādsháh kí izzat karte, aur us kí marzí ko apní roz-marra kí zindagí men púra karte hain, aur isí shariát ke mutábíq sab aamál o irádon aur qawánín kí adálat hogí.

(*Hopkin's Law of Love, and Love as a Law. Pt. II.*)

SUWALAT.

BAB DOYUM.

1. Baibal ke síkhne-wále kis tarah apní talím kí tartíb karte hain?
2. Masíh Khudáwand ki aalá talím kyá hai?
3. Yahúdí bādsháhat kis tarah se qáim húi?
4. Yahúdion kí bādsháhat se Khudá kí bādsháhat ke áne kí nisbat kyá talím milí?
5. Masíh ke áne se pahle Yahúdion kí bādsháhat ke khiyál kí kyá asl thí?
6. Khudáwand Masíh kí talím ke mutábíq Khudá kí bādsháhat ká asl usúl kyá hai?
7. Yih bādsháhat har shakhs ke dil men kis tarah se qáim hotí hai?
8. Wuh bādsháhat zamín par kyúnkar kámil ho jáegi?
9. Ham kis tarah malúm kar sakte hain, ki Khudá kí bādsháhat hamáre darmiyán áí?
10. Naját kyá shai hai?
11. Puráne Ahd-náme ke mutábíq naját kí ráh ke kaun se martabe hain?
- Naját ke marátib jaisá Nae Ahd-náme men Yisú Masíh ke zaríe zuhúr húe kyá hain?
12. Naját kí ráh kí taríf karo?
13. Naf Paidáish kí zurúrat kyún hai?
14. Us shakhs ko kyá karná zurúr hai, jo sar i nau paidá honá cháhtá hai?

15. Naí Paidáish men Rúh ul Quds ká kyá kám hai?
16. Naí Paidáish kí taríf karo?
17. Kin chár taríqon se Masíh khud dāwá kartá hai, kí Khudá aur main bādsháhat kí hukúmat karne men ek hí hain?
18. Shaitán aur Masíh ke mukhálifon, aur Rómí Subedár aur Sardár Káhin aur Masíh ke shágird, aur khud Masíh ká, Khudá ká betá kahne men kyá kھیál thá?
19. Masíh ne apní khidmat ke shurú men ulúhiyat ká dāwá kyún nahín kiyá?
20. Masíh kí talím ke mutábíq mazhab ká markaz o chashma kyá hai?
21. Baibal ke muháware men dil se kyá murád hai?
22. Baibal ke muháware ke mutábíq lafz muhabbat se kyá murád hai?
23. Kin do qawánín men Masíhí zindagí ke usúl páe játe hain?

BAB SEYUM.

VI.—KHUDÁ KÍ RAHNUMÁÍ AUR PARWARDIGÁRÍ.

1. **Us ki tarif.** Wuh dáimí kھیál hai jo Khudá i zul-jalál apní tamám maḡhlúq ke sambhálne aur hifázat ke liye kám men látá hai, aur har waqt aur har ek maḡhlúq ke liye achchhá intizám kartá hai aur har'qism kí barakaten be-hadd dánái aur qudrat se muhaiya kartá hai.

2. **Us ka bayan.** Khudáwand Masíh ne zail kí páñch báton meḡ sikhláyá ki:—

(a.) Khudá maḡhlúq ká hákim hai aur apne iráde ke muwáfiq us par hukúmat kartá hai, aur wuh un qawánín ke mutábíq jin ko us ne muqarrar kiyá hai, hukúmat kartá hai. **Mati 5 : 45.** Us kí marzí aur us ke iráde ke mutábíq áftáb tulú hotá hai aur menh barastá hai; aur un qawánín ke mutábíq jo us kí be-hadd dánish aur hikmat ká izhár hai, rez-marra súraj ká tulú o gurúb honá thík thík hotá hai. Yih qawánín i muqarrara Khudá kí marzí ká zahúr hain, aur Khudá sab qawánín ká málík hai.

(b.) Khudá apne farzandon ko piyár kartá hai aur un ká kھیál rakhtá hai, aur is kھیál men na sirf nek balki bad

bhí shámil hain, **Mati 5 : 45. Luqa 6 : 35.** K̄hudáwand hamáří tamám hájatraváí ká intizám kartá hai, aur jab ki Masíh ne talím dí, ki is taur se duá karo ki rozíne kí rotí hamen de, us ne k̄hiyál kiyá ki K̄hudá hamára parwardigár hai.

(c.) Ki wuh hamáří kull zindagí ke wáqiát ká muntazim hai, aur un ke liye bhí jo farzandon se kam rutba rakhte hain, yá kam qadr hain wuh fikr kartá hai, un ko nahín bhúltá, aur na un kí hájat aur na un kí muháfizat men gaffat kartá hai. Wuh chiriyon ko khilátá aur ghás ko sanwártá hai aur so-sanon ko k̄húbsúratí bakhshtá hai, to kyá wuh apne farzandon ko árásta aur un kí parwarish na karegá? **Mati 6 : 26-30.**

(d.) Ki wuh baz auqát kisi k̄háss maqsad ke wáste kisi k̄háss afál se hukúmat kartá hai, jab K̄hudáwand Masíh giriftár huá thá agar K̄hudá se darkhwást kartá to frishte us kí ribái ke wáste áte **Mati 26 : 53.**

Us ne apne shágirdon ko batláyá, ki k̄háss natíje ke zahúr ke liye tum K̄hudá se duá mángo ki wuh ádmíon ko aur wasílon ko muqarrar kare. **Mati 9 : 37-48.**

Us ne wada kiyá ki shágirdon ke wáste K̄hudá k̄háss inti-zám karegá, jaisá ki Yarúsalam kí barbadí ke dinon men musíbat o k̄hatarnák aiyám kam kiye jáenge. **Mati 24 : 22.**

K̄hudá ne tamám qawánin apní peshbíní se hamáří bihtarí ke liye muqarrar kiye hain, jin se ham ko kámil yaqín hai ki wuh hamáří duá ko sunegá aur hamáří sáří hájaton ko rawá karegá.

(e.) Us ke log us par bharosá karen, jaise larke apní má aur báp par takiya karte hain. Wuh un tamám chizon ko, jo un ke liye bihtar hain, bakhshegá.

K̄hudá hamára báp hai wuh jántá hai, ki ham kin chizon ke muhtáj hain, liházá ham ko cháhiye, ki koshish karke us kí marzí ko púre taur se bajá láwen aur bagair taammul usí par bharosá rakhen. **Mati 6 : 31-34.**

VII. Duá.

1. Dua kya shai hai?

(a.) K̄hudáwand Masíh ne sikhláyá ki duá karnewále K̄hudá se arz karte hain, goyá ki apne báp se iltijá karte hain, Masíh ne K̄hudá se duá kí aur us ko apná Báp batláyá, **Mati 11 : 25 aur 26 : 39.**

Yuhanna 12 : 27, 28. Us ne apne shágirdon ko sikhláyá ki yih duá karne ká taríqa hai, aur duá men zail kí báten mundarj hai, Kḥudá kí taríf, iqrár, darkḥwást, sitáish, **Mati 6 : 9-13.**

Us ne talím dí, ki jaise aulád apne báp ke pás játí hai Kḥudá ke pás jáo, aur muntazir raho ki wuh ziyáda kḥiyál karegá, banisbat duniyawí báp ke. **Mati 7 : 9-11.**

(b.) Us ne sikhláyá, ki Kḥudá hamáří duá ká jawáb ham ko achchhí chizon ke dene se degá. **Mati 7 : 7, 8.**

Asmání báp apne farzandon kí kḥushí cháhtá hai. **Mati 6 : 32.**

(c.) Apas men mel kí duá kḥáss barakaton ká báis hai, **Mati 18 : 19.**

(d.) Istiqlál aur sargarmí ke sáth duá ; aksar barakaton ke hásil karne ká sabab hai, kyúñki gair-mustaqil o gair qáim mizájí kí duá se barakat hásil nahín hotí hai. **Luqa 18 : 1-9 aur 11 : 8-10.**

We jo barakaton kí ziyáda qadr karte hain, barakaton ke bahut árzúmand hoḡe. Masíh sikhlátá hai, ki sargarm duá jo ímán ke sáth kí játí hai barí mushkilát ke hal karne ká wasíla hai. **Mati 17 : 20, 21.**

(e.) Tásír un logon kí duá kí jo ba-wasíla Masíh ke pesh karte hain ; wuh tásír Kḥudá tak pahunchtí hai. **Yuh. 16 : 23, 24.**

Hamáre ímán qawí karne ke wáste us ke wáde pesh kiye játe hain. **Yuhanna 15 : 7.**

2. Dua ki sharait.

(a.) Iman ke sath duá máḡná zurúr hai. Ham ko cháhiye, ki ham ímán láwen, ki Kḥudá maujúd hai, aur hamáří duá ke jawáb dene men Qádir aur rázÍ hai, aur jo kuchh ham máḡen, yaqínan ham ko degá, agar hamáre liye bihtar hai. **Mati 21 : 22.**

(b.) Kḥudá kí márzi ke tabi honá. **Mati 6 : 10.** Agar hamáří kḥwáhish ke mutábíq jawáb na mile, to ham ko zurúr hai, ki ham us kí Iláhí dánáí par bharosá rakhen, kyúñki Kḥudá dekhtá hai, aur wuh ham ko piyár kartá hai, aur wuh un chizon ko hamáre wáste chun letá hai, jo hamáre liye mufíd hain. **Mati 26 : 39.**

(c.) Aise wasile ko istiamál karná zurúr hai, jis ko Kḥudá ne hamáre ikhtiyár meḡ diyá hai, táki ham kḥwáhish

kí chízeṇ ḥásil karen, warna hamárí duá dil se aur haqíqí nahín. **Yuh. 4 : 23, 24.**

(d.) **Insan ki taraf hamáre dil ki halat durust honá cháhiye**, is ke bagair ham Kḥudá ke pás nahín pahunch sakte. **Marq. 11 : 25, 26 ; Mati 6 : 14, 15, aur 5 : 23, 24.**

(e.) **Ruhani-mizaj** ke sáth duá karná zurúr hai, us duá par liház karná, jis kí tálím Masíh ne apne shágirdon ko dí, us men sirf ek bát yá garaz badan kí hájaton ke liye hai, báqí kull báten rúhání niámaton ke liye hain. **Mati 6 : 9, 13.** Jab ham dunyáwí chizon ke liye darḵhwást karen, cháhiye ki ham is liház se un par kḥiyál karen, ki we hamárí rúhání taraqqí ke liye mufíd hon. **Mati 6 : 33.**

(f.) **Masih ke wasile se darḵhwást** karná zurúrí amr hai. **Yuh. 14 : 13, 14 aur 16 : 24.**

VIII. RÚH UL QUDS.

Rúh ul Quds ne Masíh ko pesh kiyá, aur us ke kám ko qúwat dí, aur us ke kám ko hamesha anjám diyá kartá hai. Yisú Masíh Rúh ul Quds kí qudrat se paidá húá. **Mati 1 : 18-20 ; Luqa 1 : 35.** Aur baptisma ke waqt Rúh ul Quds kabútar kí súrat men Masíh par názil húá. **Luqa 3 : 21, 22** aur ba-wasíle Masíh Rúh ul Quds insán ko miltá hai. **Marq. 1 : 8** aur Masíh ne Rúh ul Quds kí qudrat se tálím dí, aur muájize dikhláe. **Luqa 4 : 14, 15 ; Mati 12 : 18.** Jí uṭhne ke bad Masíh ne Rúh ul Quds apne shágirdon par phúnká aur wuh Rúh ul Quds atá karne ká ek nishán thá. **Yuh. 20 : 22.** Úrúj farmáte waqt us ne hukm kiyá, ki Rúh ul Quds ke baptisme ke liye ṭhahro, aur us ne farmáyá, ki mere jáne ke bad Rúh ul Quds hamesha mere shágirdon ke sáth rahegá. **Yuh. 14 : 16.**

Kḥudáwand Masíh ne Rúh ul Quds kí nisbat zail kí chha báton ko sikháyá.

1. Rúh ul Quds ek **shakhs** hai. Masíh ne is taur se Rúh ul Quds kí nisbat farmáyá, ki wuh sikhlátá hai. Wuh rah-numái kartá hai, wuh gawáhí detá hai, aur suntá hai, aur batlátá hai. Yih aise aamál hain, jo nahín ho sakte, agar wuh shakhs nahín hai.

2. Rúh ul Quds pahle shágirdon ko muájize karne kí **qudrat bakhshnewala** thá. Masíh ne wada kiyá, ki yih qudraten tum ko milengí. **Marq. 16 : 17, 18.** Ab Masíh ne kahá, ki main bhí Rúh ul Quds ke zaríe se karámát dikhlátá hún.

Mati 12 : 28 aur yih qudrat shágirdon ke zaríe se zuhúr men áwegí, jab Rúh ul Quds un par názil hogá. **Aamal 1 : 5.** Yih qudraten Rúh ul Quds kí taraf se, na sirf changá karne kí aur “na” un kí hifázat ke liye thín, balki kháss hájaton ke waqt un kí aqlon ko ágáhi bakhshne ke liye bhí thío. **Marq. 13 : 11.**

3. Rúh ul Quds insán par Kḥudá kí sachai zahir karnewala hai. Yane mazhab kí sachái jo khásskar Pák Na-wishton mer mundarj hai. Kḥudáwand Masíh aksar Puráne ahd-náme se iqtibás kartá thá, aur us ne talím dí, ki wuh Kḥudá ka Kalám hai, jise admion ne Kḥudá kí hidáyat aur madad se likhá hai. **Yuh. 10 : 35.** Us ne kahá, ki Dáúd ne ap hí Rúh ul Quds ke batláne se Kḥudá ke bēte ke áne kí khabar dí. **Mar. 12 : 36.** Us ne apne shágirdon ko batláyá, ki mere sikhláne kí iwaz men Rúh ul Quds tum ko sári sachái kí ráh sikhláwegá, aur bahut sí báten jo we us waqt samajh nahín sakte the, wuh batláwegá, aur wuh khásskar Masíh kí nisbat sári sachái sikhláwegá. **Yuh. 16 : 13.** Us ne un ko batláyá, ki Rúh ul Quds sachái ko istiamál karegá, na sirf insán kí aql men bataur ek qúwat tásir karegá, balki un kí marzí aur josh men bhí asar karegá, aur wuh gunahgáron ko mulzim thahráwegá, aur wuh un kí sharárat ko un par zahir karegá, kyúunki we Masíh par imán nahín láe; aur ba-zaríe sarfarází Masíh ke aur Kḥudá ke dahne háth par baiṭhne se un ke liye ek rástbází thahrái hai; aur un ke liye jo imán láne se inkár karte hain, adálat aur sazá hai. **Yuh. 16 : 8-11.** Wuh Kḥudá ke Kalám ke zaríe imándáron ke dilon ko, jo un kí aqlon aur dilon par tásir kartá hai, pák karegá. **Yuh. 17 : 17.**

4. Rúh ul Quds insán kí rúhon ko **Al-Masih** ko dikhla-ta hai, jab ki Al-Masih un ke hawás ke sámhne maujúd nahín; aur yihí khusúsiyat nae intizám kí hai.

Masih ne batláyá, ki main phir áungá, táki we jo mujh par imán láe, mujh ko dekhen, aur jo mujh par imán nahín láe, mujh se ná-wáqif rahenge.

Aur yihí Rúhání mel hai, jo ba-zaríe Rúh ul Quds insán kí rúh aur Masíh ke darmiyán hotá hai aur wuh mel bhí jo ham báp se ba-wasíle Masíh rakhte hain. **Yuh. 14 : 17-20, 23.**

Dua ke jawab men Rúh ul Quds diya jata hai.

Masíh kī duʿá ke jawáb men wuh Kḥudá kī baḵshish hai.
Yuh. 14 : 16.

Kḥális duʿá ke jawáb men yih baḵshish har ek ko miltí hai.
Luqa 11 : 13.

6. Imandaron ke sath Rūh ul Quds hamesha rahega, aur kalísiyá bhí us se munawwar rahegí, aur sab iláqon men jin ká we báp aur insán ke sáth rakhte hain, wuh árám o ḵhushí aur rahnumáí o tasallí detá rahegá. Yuh. 14 : 16, 17.

IX. MURDON KÁ JÍ UṬHNÁ.

1. Us ki tarif.

Jí uṭhne ke mané Baibal men yih hain, ki sab log jo mar gae hain, phir zinda ho jáenge, aur apní hastí se wáqif hongé, aur hamesha tak ḵhushí kī hálát men yá azáb men zinda rahenge. Aamal 24 : 15.

2. Us ka barhao.

Is aqíde ká shurú jo ham puráne Ahd-náme men páte hain, sirf muḥáware men miltá hai, jis se maḷúm hotá hai, ki log ek abadí Kḥudá ke sáth ek **haqiqi akhlaqi ilaqa** rakhte hain. Wuh aqíde ke taur par záhir nahín hain, balki un kī árzu aur ḵhiyál men wuh páyá játá hai.

“Ai Kḥudá ham ko apne dinon ke darmiyán mat le já, kyúuki tere baras abadí hain.” Is ibárat kī manshá yih hai, kitú abad tak hai, aur ham terí súrat par paidá kiye gae hain, aur ham tere hain, ham ko apní abadiyat men sharákat de. Aur jis qadr Kḥudá kī pahchán men taraqqí húi, usí qadr yih árzu ziyáda qawí hotí gaí.

Pichhle nabí is ḵhiyál ko pesh karte the, goyá ki we us ko yaqín karte the (Lange sáhib kī tafsír Aiyúb safhe 1-22). Masíh ke zamáne men Farísí log is ko aqíde ke taur par mánte the. Aamal 23 : 8 aur ham Márthá ke Kalám se jánte hain, ki wuh apne bhái kī nisbat yaqín kartí thí, aur wuh is bát ko mántí thí, ki wuh jí uṭhegá.

Yahúdíon men murdon ke jí uṭhne ká aqída ráij thá, Yuh. 11 : 24. Ba-qaul Púlus ke is bát kī tasdíq hotí hai. Aamal 23 : 6-8.

3. Masih ki talimat.

(a.) Sab jo mar játe hain; ḵhwáh nek hon, yá bad ji uṭhenge, aur apne wujúd se wáqif hongé. Yuh. 5 : 29, aur

maut ke waqt faná nahín ho játe, balki apní hastí se wáqif rahte hain. **Luqa 23 : 43, aur 16 : 23, 24.**

(b.) Ki wuh apne ko murdon men se uthawega. **Yuh. 10 : 18.**

Aur wuhí khud jiláne kí qúwat hai. **Yuh. 11 : 25.**

(c.) Imandar log ímán ke wasíle se **Ruhani** zindagi hasil karte hain, jis ko maut barbád o záye nahín kar saktí hai. **Yuh. 5 : 24 aur 11 : 26.**

(d.) Ab we jo **ruhani taur se murde** hain, jo us kí sunenge, Rúhání zindagí hásil karenge, aur wuh waqt jald ánewálá hai, jis men sab us kí áwáz sunenge, aur kisé naí hálát men dákhil hongé, jis men we zinda rahenge, aur apní hastí se wáqif hongé. **Yuh. 5 : 25-28.**

(e.) Murdon ke jí uthne men ímándáron kí jismání hálát kí aisí tabdílíán mundarj hain, jis se we jo jí uthenge, us hálát ke láiq hongé, jis men pák firishte zindagí basar karte hain. Aur we hamesha **apni shakhsiyat** aur wujúd se **waqif** rahenge.

Ásmán kí bádsháhat men Abirahám, Izháq aur Yaqúb kí pahchán hogí, jaisá jab we zamín par the, húi. **Marq. 12 : 24-27.**

Jab Músá aur Eliyáh pahár par záhir hue, shágirdon ne fauran un ko pahchán liyá.

Sháyad un Muqaddas logon kí zindagí kí hálát ke parhne se un kí taswírí súrát un ke zihnon men naqsh ho gai thíg. **Mati 17 : 3.**

(Hodge's Systematic Theology Vol. III Page 781.)

X. AKHIRÍ ADÁLAT ká anjám yih hogá, ki gunahgáron ko abadí sazá aur rástbázon ko abadí árám milegá, jaisá Masíh ne sikhláyá.

1. **Zamane maujuda** men **adalat** ho rahí hai. Yih fatwa Masíh ke zaríe se insán par nahín hai, is wáste ki us ká kám zamín par insán kí **adalat** karne ká na thá, magar un ke bacháne ká jaisá us ne apne mujassam hone ke dinon men farmáyá, ki agar merí báton par ímán nahín látá, main kuchh hukm nahín kartá. **Yuh. 12 : 47 aur 8 : 15.** Maujúda zamáne kí **adalat** yihí hai, ki insán sachái kí **khushúsiyat** par, jo Masíh ke zaríe záhir húi, ázmáyá játá hai. Chál o chalan kí tabdílí ká názuk muámalá hai, jo Masíh kí us roshní kí tásír

ká natíja hai, jo wuh insán ke dílog aur aamálon par asar kartí hai. **Yuh. 3 : 18-21.**

Wuh jo sacháí ko qubúl kartá hai, aur us ko mántá hai, ek aisá mizáj dikhlátá hai, jo K̄hudá kí marzí ke muwáfiq taraqqí-pizír hotá hai, par sacháí kí roshní jab wuh ek bad chál o chalan par chamaktí hai, sazá ká hukm detí hai, aur wuh shakhs jo sacháí ká mukhálif hai, sazá ke hukm ko qáim kartá hai. Yún Masíh kí zindagí k̄hud un ke gunáhon ko záhir kartí hai. **Yuh. 15 : 22-24.** Masíh ká izhár is taur se Masíh ko munsif banátá hai. **Yuh. 9 : 39.** Us ke mujassam hone ká yih matlab to na thá, kí adálat kare, par ek natíja zurúrí hai, jo us kí zindagí ke wáqiát se sádir hotá hai.

2. Zamáne ayanda men adalat hogí.

(a.) Wuh ek muqarrara waqt men hogí. K̄hudáwand Masíh us ko “Us DIN” se laqab detá hai. **Mati 24 : 36 ; Luqa 10 : 12 aur 21 : 34.** Phir us ne us ko ákhirí din bhí kahá. **Yuh. 12 : 48.** Wuh ek chuná húá o mashhúr o muqarrara din hai, jo misl k̄hilqat kí paidáish ke pahle din ke aur maslúb hone ke din ke, aur jí uṭhne ke din kí yádgárí ká din rahegá, jab sab aur din yád se játe rahenge, wuh insán kí yáddásht men ek k̄háss din rahegá, kyúñki wuh zamána i hál aur abadiyat ke darmiyán ek hadd hogá. Wuh ek aisá azím o chamkílá aur jalálí aur k̄haufnák jo tamám zamáne men jo us ke bad hongé, “WUH DIN” kahláwegá. (*Thompson's Theology of Christ page 206.*)

(b.) Masíh k̄hud munsif hoga, agarchi K̄hudáwand Masíh apne mujassam hone ke dinon men sazá ká hukm nahín detá thá, táham wuh us ko karne ke liye iṭhtiyár rakhtá thá. **Yuh. 5 : 22-27.** Us ne dawá kiyá, kí is garaz se phir áúngá. **Mati 25 : 31** aur kí us kí ámad-shakhsí hogí, wuh ajíb azmat o jalál ke sáth dídaní taur par misl us zát ke jaise wuh mujassam hone ke dinon men rakhtá thá hogí. **Marq. 3 : 38** aur is ámad par wuh dídaní hogá. Firishton ne bhí gawáhi dí. **Aamal 1 : 11** us waqt bar shakhs par maqbúliyat yá gair maqbúliyat ká ákhirí fatwa degá. **Yuh. 12 : 48.** Aur wuh kull baní Ádam kí adálat karegá **Mati 25 : 32 ; Yuh. 5 : 28.** Wuh K̄hudá ke beṭe kí súrat men jáh o jalál ke sáth áwegá. **Yuh. 5 : 25** par wuh adálat karne ká iṭhtiyár rakhtá thá, kyúñki wuh Ibn i Ádam hai. **Yuh. 5 : 27.** Wuh insání taklífát aur ázmáish se wáqif hai, kyúñki us ne dukh uṭháya,

aur ázmáyá gayá, wuh insán ke gam aur kamzoríon se wáqif thá, wuh jáhilon aur gumráhon par rahm kartá hai.

Yih bakut munásib hai, ki we jo us se waqif the, ákhirí waqt insáf ke liye us ke sámbe buláe jáwen, táki un par fatwa diyá jáwe, un ke k̄hiyál aur aamál ke mutábíq jo Masíh se k̄hud taalluq rakhte hain, kyúñki K̄hudáwand Masíh kí sacháí chál o chalan kí kámil kasautí, aur zindagí ke wáqíat insán ke kámil namúna, aur us kí maut muhabbat ke aalá darje ká izhár hai.

(*Thompson's Theology of Christ* page 234-236.)

3. **Akhiri adalat** men zail kí báton páí játí hain.

(1) Gunahgáron kí **ayanda saza**; chúnki unhon ne burái kí hai, un par sazá ká hukm hogá. **Mati 7 : 19, 23** aur **Yuh. 5 : 2**. Un ke aamálon ke mutábíq un par adálat hogí. **Mati 16 : 27** aur sab báton ke aláwa ek sab se bhárá un ká yih gunáh hai, jis ke sabab un par sazá ká hukm hogá, ki unhon ne apne Al-Munjí ká inkár kiyá hai. **Yuh. 3 : 18 ; 16 : 9 ; Marq. 12 : 1-9**.

(a.) Sbaríon ko qáide i fitrat ke torne se qudratí natíje kí sazá hogí. **Yuh. 3 : 20**.

Unhon ne apní liyáqat ko aisá barbád kiyá, ki we k̄hushí ko aur un barakaton ko, jo K̄hudá kí taraf se insán ko dí játí hain, hásil nahín kar sakte hain. Is wáste ki unhon ne apní qúwat jis ke zaríe se az-hadd daulat hásil kar sakte the, misl bíj ke jalá diyá, ki wuh phir phaldár nahíq hotá. **Marq. 8 : 36**.

(b.) Par is ke aláwa badkáron ko muqarrara sazá ká fatwá bhí Masíh kí taraf se, jab wuh dunyá kí adálat ákhirí din karegá, diyá jáegá. **Mati 11 : 22, 24** aur **13 : 40-42 ; 49 : 50**.

Us musíbat yá mátam ká Masíh ne majází taur se apne muháware men báhar kí taríki, roná aur dánt písná, aur wuh ág, jo bujhtí nahín, aur wuh kírá jo martá nahín wg., bayán kiyá hai. (*Thompson's Theology of Christ* 234-236.)

(2.) **Muqaddason** kí **ayanda khushi** o salámatí, Masíh ne talím dí, ki adálat ke waqt rástbázon aur sharíron men qáide ke sáth judái hogí. **Mati 25 : 32, 33** aur un kí judái ká sabab un ke qaul o fiál honge. **Yuh. 5 : 29 ; Mati 13 : 38** aur **24 : 46, 25 : 20 ; 23-40, aur 12 : 36, 37** aur usí

waqt we kámil taur se us abadí mírás ko, jis ko Khudá ne un ke liye jalálí Bádsháhat men taiyár kiyá hai lenge. **Mati 25 : 34** aur **13 : 43**, aur waháq we zail kí khusúsiyat ke sáth rahenge.

(a.) Khudáwand Masíh kí huzúrí meo nit házir rahenge, jo un ká Khudá aur Naját-dihinda hai. **Yuh. 14 : 30, 17 : 24.**

(b.) Aur un kí sarfarází Masíh men shámil hone ke sabab hogí. **Luqa 22 : 29, 30 ; Yuh. 17 : 24, 26.**

(c.) Khudá Báp kí qubúliyat kí barakat un par abadí hogí. **Mati 25 : 34.**

(d.) We Masíh kí muhabbat se wáqif hongé, jis kí zindagí kí qurbání ke zaríe se un ko ásmání zindagí o khushí o salámatí milí.

Masih ne Asháe i Rabbání men apní qurbání ká aur ek wáde ká, jo un ke liye zamáne áyanda men mufíd hogá, zikr kiyá, aur un donoñ báton ko Asháe Rabbání kí rasm men milá diyá ; us ne ek ko yádgárí, aur dúsrí ko peshíngói thahráyá, aur is taur se us ne ek hí rasm men apne jáne aur phir áne ke kھیál ko aur apne salíb par máre jáne aur shágirdon ko hamesha tak ásmání bádsháhat men zinda rahne ke kھیál ko jamáyá. Yádgárí yihí hai, ki “Yih merí yádgárí ke liye kiyá karo.” Pesh-khabarí yih hai, ki “Main tum se kahtá hūñ, ki angúr ká ras phir na píúngá, jab tak Khudá kí bádsháhat na áwe.” **Luqa 22 : 18.**

Us ne ek ráz ko wahán band kiyá, jis ko wuh apne shágirdon ke sáth apne Báp kí bádsháhat men záhir karegá.

Us ne yih bhí talím dí, ki naját-yáfta hamesha ásmán men iqrár karenge, ki hamáří khushí usí naját ká sabab húi, jo salíb ke zaríe se húi, aur us qurbání kí yádgárí jo zamín par húi, aur wuh mel o rifáqat aur mubárákbádí jo ásmán men hai, donoñ báton ek hí kھیál men “**Piyale,**” se jam játe hain.

Rasúlon ne ásmání zindagí kí aur khusúsiyat bhí batláí hain, par Masíh ká kháss izhár yihí hai, ki naját-yáfta bazaríe merí qurbání ásmán men dákhil hogá, aur abad tak Masíh ke sáth wahán rahégá. Masíh un donoñ hálaton ká, jo adálat ke bad hongí, zikr kartá hai, aur ek ko “Zindagí” aur dúsre ko “Sazá” aur donoñ ko “Abadí” batlátá hai. **Mati 25 : 46.**

In ákhirí tén sabaqon men ham ne mukhtasar taur se Masíh kí zindagí ke waqiat aur Masíh kí talimat ká zikr kiyá hai.

Yád rakhná cháhiye, ki yihí wáqiát aur talímát Masíhí kalísiyá kí bunyád hain, so peshtar is se ki ham kalísiyá kí nisbat gaur karen, cháhiye ki pahle ham daryáft karen, ki in wáqiát aur talímát men kyá iláqa hai.

WAQIAT KA TALIMAT KE SATH ILAQA.

1. Waqiat Masíh kí talimat ke chashme hain :—

Puráná áhd-náma ek Yáddásht hai, ki Kḥudá ne kis taur se dunyá ko Masíh Yisú ke qubúl karne aur us kí marifat hásil karne ke liye taiyár kiyá.

Aur Puráná áhd-náma Masíh ke dukh aur maut aur jalál kí pesh-khabaríon ká izhár hai, aur us ká dukh aur jalál samajhne ke liye dunyá ko taiyár kartá hai. 1 Pat. 1 : 11; Muk. 19 : 10. Pas Puráne áhd-náme ke matlab ko samajh lene ke liye Masíh kí zindagí ke wáqiát se wáqif honá zurúrfi amr hai. Kyúnki nayá áhd-náma un wáqiát ko, jin kí peshíngoíán Kḥudá ke Beṭe kí nisbat kí gai thín, pesh kartá hai. Yih wáqiát kalísiyá ke barháo kí aur Masíhí talímát kí bunyád hain.

Agarchi wáqiát mukhtalíf taur par záhir hue táham ba-tarz i ikhtiláf sab kí dalálat ek hí taraf hai, yane Masíh kí taraf; táki wuh ziyáda safái se samajh liyá jae.

Matí kí Injíl ká pahlá wáqia yih hai, ki Yisú Masíh Rúh Pák kí qudrat se Baitlaham men paidá huá. Aur Marqus kí Injíl ká pahlá wáqia “Kḥudá ke Beṭe Yisú Masíh kí Injíl ká shurú,” Lúqá kí Injíl ká pahlá wáqia Yisú Masíh ke peshrau kí paidáish; aur Yúhanná kí Injíl ká pahlá wáqia yih hai, ki “Kalám mujassam huá” aur hamáre darmiyán rahá. Sab se buzurg amr kḥud Masíh hai, aur us kí zindagí aur talímát par tamám Masíhí talímát mauqúf hai.

2. Waqiat se talimat akhaz hoti hain. Masíh kí paidáish o farmánbardári Quddúsiyat muhabbat, fazl o sachái, musíbat o maut aur jí uṭhná o urúj karná in báton se ham ko us kí muhabbat paidá hotí hai, aur ham apná bharosá us par rakhte hain.

Yihí ímán hai, naját-bakḥsh ímán hai, agarchi naját ká taríqa kámil safái se samajh men nahín átá hai, táham naját

ká chashma yihí hai, ki Yisú Masíh ke sáth haqíqí iláqa ho. Ibtidá men shágirdon ká aqída bá-qáida na thá, kyúnci Ilm i Iláhí ba-tartíb na thá. Pas we talímát yá wáqiát par bharosá nahí rakhte the, par Yisú Masíh par jis ká zuhúr dunyá men húa, bharosá rakhte the, aur usí meq sukúnat karte the. Jab Masíh ká zuhúr insán kí zamír aur rúh par hotá hai, to us zuhúr ke asr se imán paidá hotá hai. Masíh ke wáqiát aur talímát ko achchhí tarah samajhkar ham áge síkh sakte hain, aur ziyáda safái se us ke natáij aur haqíqat ko malúm kar sakte hain, aur us kí maut aur jí uthne ko malúm karke naját kí talímát ko, jo us kí maut aur jí uthne ke zaríe se hotí hai, síkhla sakte hain, aur we Aamál kí kitáb aur khutút men páí játí hain. Lekin yih gair-mumkin thá, ki qabl wáqiát ke un ká matlab aur natáij síkhlae jáwen.

Jab tak we khud anjám ko na pahunchte the, hanoz samajh men nahín á sakte the; pas batláyá gayá hai, ki Injíl un báton kí tahrírát hai, jin ko “Yisú shurú se kartá, aur síkhlatá rahá.” **Aamal 1 : 1.** Aamál o khutút se ham ko talím miltí hai, ki wáqiát kis taur par kalisiyá kí bunyád hain. Aur Masíh ásmán men insán ke liye kya kám kartá hai; aur we un iláqon ko bhí jo Masíh Rúh Pák ke wasíle insán se rakhtá hai, batláte hain, aur us ke jalál ke ajáibát jo ákhirí waqt men zahir hongé, us men páe játe hain. Pas ham dekhte hain; ki

3. Jo talímát char Injilon ke wáqiát se miltí hain, zail kí báton se malúm hotá hai, ki we ná-tamám hain.

(a.) **Tarz i Kalam na-tamam hai.**

Jin usúl kí báton Injilon men síkhlaí gai hain, ziyáda safái se un ká matlab zahir hotá hai, jaise pahári waz.

Tab ek nayá intizam, jis men ziyáda bhed kí báton hain, shurú hotá hai, jaise Nigúdemus se hai, paidáish kí nisbat báhamí guftogú aur bádsháhat kí bábat tamsílon aur Asháe i Rabbání ká taqarrur wg.

(b.) **Tariqe men na-tamam.**

Aisá malúm hotá hai, kí kalimát aur dars mauqe ke mutábíq bayán kiye gae hain. Pas ham muntazir rahte hain, kí in bayánát ke bad us kí aisí tartíb hogí, jis se ham us iláqe ko, jo we ek dústre se báham rakhte hain, pahchánen aur un ke matlab imándáron kí rahnumái karte hain, zahir hongé.

(c.) **Us ki mahiyat na-tamam.**

Injilon meq báhamí guftogú o talímát tamsílon aur amsál

men batlaí gai haiñ, jin men khiyálát o chál o chalan ke usúl ká sirf ishára páyá játá hai, aur jab ham Injílou ke bayánát pargaur karte haiñ, to ham ko małúm hotá hai, ki aur bahut sí báton ká zikr ho saktá hai, jin ke zikr ká ab tak mauqa nahín áyá, liházá ham us wađe ke muntazir rahte haiñ, jis ko Masih ne kiyá, ki jab sachái kí Rúh áwegí, to shágirdon ko sachái pahuncháegí. (*Bernard Progress of Doctrine, page 81.*)

Ab ham dekhte haiñ, ki pahle tulaba ko Masih kí pahchán Injílou ke bayán ke muwáfiq sikháná cháhiye, aur kámil tazím ke sáth Masih ko, ba-zaríe wáqiát ke, un kí nazaron ke sámhne pesh karná cháhiye, táki we us ko qubúl karen. Aur tab Masih kí báton ko is taur se un ko sikhláwen, ki we un ko baḡhúbí samajh lewen, aur Masih ke shágird hoke is bát ko baḡhúbí samajh lewen, ki we ek dúsre ke sáth kyá iláqa rakhte haiñ, aur Ḳhudá kí bádsháhat se un ko kyá taalluq hai.

BAB SEYUM.

SUWALAT.

1. Ḳhudá kí Parwardigárí se kyá murád hai ?
2. Ḳhudá kin taríqon se khiłqat aur apne farzandon kí muháfizát kartá hai, aur is muháfizát par liház karne se hamará khiyál Ḳhudá kí nisbat kaisá honá cháhiye ?
3. Duá kyá chíz hai ?
4. Duá karne se kyá fáida hotá hai ?
5. Kis taríqe se ek shaḡhs kí duá ziyáda muassir ho játí hai ?
6. Kin sharáit se Ḳhudá duá ko suntá aur qubúl kartá hai ?
7. Rúh ul Quds ká kyá kám hai ?
8. Jab Ḳhudáwand Masih zamín par thá, us ke kám se Rúh ul Quds kyá iláqa rakhtá thá ?
9. Rúh ul Quds ne pahle shágirdon ke liye kyá kám kiyá ?
10. Wuh kalísiyá ke liye kyá kartá hai ?
11. Ham us kí huzúrí kis tarah se hásil kar sakte haiñ ?
12. Jí uṭhne se kyá murád hai ?

13. Yahúdíon ke dílon men Masíh ke jí uṭhne ká yaqín kis tarah paidá huá ?
14. Yisú kí ṭalím ke mutábíq kaun log jí uṭhenge ?
15. Kis qudrat se jí uṭhenge ?
16. Jí uṭhne ke waqt ímándáron ko kyá milegá ?
17. Jí uṭhne ke waqt kyá tabdíliyán záhir hongí ?
18. Adálat men kyá báten páí játí hain ?
19. Maujúda zamáne men insán kí adálat kis tarah hotí hai ?
20. Akhíri adálat kab hogí ?
21. Kaun munsif hogá ?
22. Masíh kyún munsif hogá ?
23. Kis bunyád par badon ko sazá ká hukm díyá jáegá ?
24. Un ko kyá sazá milegí ?
25. Kis bunyád par Muqaddas log chun líye jáenge ?
26. Un kí ásmání zindagí kí kyá khusúsiyat hogí ?
27. Masíh un donon hál kí nisbat, jin ká zuhúr adálat ke bad hogá, kyá bayán kartá hai ?
28. Kis máhiyat se yih ṭalím níkalí hai ?
29. Thík taur se Puráne ahd-náme ke samajhne ke líye Masíh kí zindagí ke wáqíat se kyún wáqíf honá zurúr hai ?
30. Kalísiyá kí taraqqí kí bunyád kin wáqíat se hotí hai ?
31. Wáqíat se ṭalímát kis tarah se banái játí hai ?
32. Naját-bakhs ímán kí bunyád kyá hai ?
33. Jo log aisá ímán rakhte hain, kis haqíqí taríqe se apne aqíde ko tartíb dete hain ?
34. Khudáwand Masíh ne apne urúj ke waqt kin báton men ṭalímát ko ná-tamám ohhorá ?

MASIH EK KAMIL USTAD THA.

SANDE Iskúl ká khash matlab yihí hai, kí Yisú Masíh ká mazhab us men síkhláyá jáwe.

Khudáwand Masíh ne apne shágirdon ko us mazhab ko síkhláne ká hukm kíyá, so ham na sírf sachcháí ke líye balki us ke síkhláne ke taríq ke wáste bhí us kí taraf rují hote haig. Aur jab ham Masíh ko ek ustád tasawwur karke

us kí taraf gaur karte haiñ to ham ko zail ke tñ suwáloñ se sáf malúm ho játá hai, kí Yisú Masíh kaisá ustád thá.

I. Yih bat kyun lazim hai, kí sab ustad Khuda-wand Masih par gaur karen ? (is wáste)

1. Kí Yisú Masíh, jo Ísáí Mazhab ká bání hai, ustad ke taur par pesh ata hai, kyúñki wuh apne sikhlánewáloñ aur pairawí karnewáloñ ko shágird ká laqab detá hai, aur us kí zindagí ke ahwál bhí us ke Muallim hone par dalálat karte haiñ ; jaise likhá hai, kí “Yisú shurú se kartá aur sikhlátá rahá,” **Aamal 1 : 1.** Aur us ne apne shágirdoñ ko talím dene ke liye bhejá, **Mati 28 : 19.**

Is wáste ham muntazir rahte haiñ kí us kí zindagí aur us ká kám sab se bhárí hidáyat ustádoñ ke liye hai.

2. Us ne ba-nisbat aur sab ustádoñ ke **sachchai kí ziyada talim di.** Us ke kalimát, jo tahrír haiñ, anqaríb chha waz ke barábar honge, par us ká har ek kalima ek zinda bíj hai. Dunyá ke bare bare Kutubkháne us kí talím, kí tafsír se mamúr haiñ, aur sab se besh-bahá mazmún jo insán jántá hai usí ke kalimát haiñ jin ko wuh apní mirás men pátá hai.

3. Ba-nisbat aur ustádoñ ke us ne aisi sachchái ke usúl sikhláe jo **sab ustadon ke usul se bhari** haiñ.

Us kí talímát insán kí rahnumái ke wáste hai kí kis tarah gunáh se ázád ho sakte haiñ, aur kis tarah Khudá kí manind ho sakte haiñ, aur kyúñkar ásmán men dákhil ho sakte haiñ, aur abadí zindagí pá sakte haiñ ?

4. Aur tamám ustádoñ kí nisbat us kí talímát ke **nataij** bahut **afzal** haiñ. Usí kí talím se ba nisbat aur ustádoñ ke ziyáda logon ke dil tabdíl ho gae ; aur gam ke bhárí bojھ halke ho gae, aur muhabbat ziyáda paidá húi, aur khushi aur sulh aur salámatí insán ko hásil húi.

5. Aur sab ustádoñ ko, jo Iláhí sachchái sikhláte haiñ yá sikhlána cháhte haiñ, us ko **zurur Masih se sikhna parega.** Kyúñki wuh us sachchái ko záhir kar saktá thá, jis ke sikhláne ká us ne hukm diyá thá. **Luqa 10 : 22.**

We jánte the kí koí aur ustád na thá jis se we un bátoñ ko hásil kar sake. **Yuhanna 6 : 68.**

6. Iláhí sachái ke sikhláne ká **sirf Masih hí ikhtiyar de saktá hai.**

Ham ko munásib hai, ki ham un hí báton ko, jin ká us ne hukm diyá, sikhláwen, kyúñki us ne ham ko talím dene ko bhejá. **Mati 28 : 19, 20.**

II. Us ka ilm kahan se jari hua ?

1. Us ká ilm zati thá.

(a.) Wuhí Khuda ko janta tha jaisá Khudá hí us ko jántá thá.

Mati 11 : 27. Yuh. 10 : 15. Us ne apne shágirdon ko Khudá kí pahchán sikhláí, aur unhon ne Khudá ká írfán hásil kiyá, aur us kí muhabbat kí bharpúrí ká kámil tajruba un ko usí kí marifat hásil húa. **Yuh. 17 : 25, 26.**

(b.) Wuh insani zat se waqif tha. **Yuh. 2 : 24, 25.**

Masíb ká ilm us kí talím se zábir hotá hai.

Us ne Niqudemus ke gurúr ko malúm kiyá. **Yuh. 3 : 1-21,** us ne jawán sardár ke lálach ko pahcháná. **Luqa 18 : 18-25.** Aur Yaqúb ke kúe par us ne Sámari gunahgár aurat ke poshí-da ráz ko záhir kiye. **Yuh. 4 : 7-25.** Us ká ilm tén báton men Khudá ke ilm ke muwáfiq thá, wuh har ek amr kí haqíqat se wáqif thá us ke ilm kí wasát kí intihá na thí aur us ká ilm galatí se mubarra thá. I **Tawarikh 28 : 9 ; I Sam 16 : 7.**

(c.) Wuh un sab ilaqaon se, jo wuh insán aur Khudá se rakhtá thá, waqif tha. Wuh jántá thá, ki “Main Khudá ká Betá hún” aur Báp se niklá hún. **Yuh. 16 : 28.** Aur ki wuh Báp kí god men hai. **Yuh. 1 : 18.** Aur wuh dunyá kí paidáish se peshtar Khudá Báp ke sáth jalál rakhtá thá. **Yuh. 17 : 5.** Aur phir Báp ke pás wápas jáegá. **Yuh. 28.** Aur wuh aur Báp ek hí hai. **Yuhanna 10 : 30.**

Wuh jántá thá, ki main Ibn i Ádam hún, aur khoe húa in-sánon ká naját-dihinda. **Luqa 19 : 10.**

Aur wuh ikhtiyár rakhtá hai, kyúñki wuh Ibn i Ádam hai. **Yuh. 5 : 27.** Aur main gunahgaron ke liye fidya hún. **Mati 20 : 28.**

2. Us ne Ilm hasil kiya. **Luqa 2 : 52.**

(a.) Us ne Baibal par aisá gaur kiyá thá, ki goyá us ke tamám mazámín par qábiz thá, jaisá ki us ke kalám ne sábit kiyá, ki Main Khudá ká Rasúl hún. **Yuhanna 5 : 39.** Aur jaisá ki us ne apní dánái se Baibal ke manon ko bayán karke Yabúdí Rabbion ko hairat men qálá, **Yuhanna 7 : 15.**

(b.) Wuh tarbiyat i alam se khabardár thá, kyúñki us ne chiríon kí ádat, daraḡhton ke barháó aur phúlon ke rang aur mausam ke tabádúle ko khúb gaur kiyá thá, **Mati 6 : 26, 29** aur **16 : 23** agarchi us ká kam yih na thá ki wuh aisí báton kí talím de, tau bhí us ne apní waqfiyat ke sabab khilqat kí chizon ke zaríe se apne matlab ko ba-khúbí záhir kiyá, aur talím dí.

(c.) Wuh jin logon men rahtá thá, un kí adat se waqif thá, aur us ne na sirf un kí ádat aur zindagí ke rasm o riwáj par gaur kiyá ; balki sarkári muámalát ká bhí liház kiyá. **Marqus 12 : 13-17.** **Mati 17 : 24-26** aur logon ke dastúr **Luqa 6 : 44-47,** **Mati 25 : 1-12,** aur len den ke muámalát. **Mati 25 : 14-18** aur apne mulk kí tawáriḡh **Yuh. 3 : 14,** aur zamáne maujúda ke wáqiát **Luqa 13 : 1-5,** aur logon ke mazhabí khiyál se bhí wáqif thá, **Yuh. 4 : 22.** Záhir ho, ki wuh jis kí Iláhi qudrat aisí barí hai is taur kí ján-fishání se tamám chizon aur wasílon se yún mihnát ke sáth gaur kartá thá, ki apní talím ko quwat baḡhshe to kitná ziyáda un logon ko cháhiye, jo us ke nám se sikhláte hain, ki Baibal aur khilqat par gaur karen ?

III. Us ki talimat ki khususiyat kya thin ?

1. Khusúsiyat jin ko ham naql nahin kar sakte.

(1.) Us kí quwat i mujida us ne sachcháí ko na sirf kasab se hásil kiyá, balki wuh khud us ká mújid thá.

Newton sáhib qawánín i kashish ke aur Harvey sáhib daurán i khún ke mújid na the, balki un ke maḡlúm karnewále the, agar we un ko daryáft na karte to dústre shaḡhs maḡlúm kar sakte the. Agar Yisú zamín par na átá aur na mar játá aur na jí uḡhtá to Injíl ke bhárá usúl kí báten kisí ko maḡlúm na hotín, wuhí sachcháí hai.

Jaisá us ne kahá, ki “ Ráh, haqq aur zindagí main hún.”

(2.) Us kí muajizana taqat.

Us ne logon ko muajize dikhláe, ki log us par ímán láwen. **Yuhanna 5 : 36,** aur **10 : 25,** aur us ne is bát ke subút men muajize dikhláe, ki wuh Khudá kí taraf se logon ko talím देने ke liye bhejá gayá hai. **Yuhanna 3 : 2.** Ham muajize to nahin dikhlá sakte hain, par zinda Khudá kí ruh hamárá talím ke zaríe se zurúr insán ke dilon par tásir kartí hai, aur yih tásir jo hamáre zaríe záhir hai qudrat ke hone kí subút hai aur ba-nisbat Yisú Masíh ke muajizát wuh ziyáda puḡhta subút hai. **Yuh, 14 : 12.**

2. We khususiyat hain jo hamare liye namuna nahin hain.

1. Us ká ikhtiyar. Us ne bagair daláil bahut báton kí talím dí, aur aksar us ká mamúl yih thá, ki bagair bahs apní báton ko chhor detá thá, aur us ne nae usúlon ko záhir kiyá, Us ne auroḡ kí ráe ko pesh nahín kiyá táki wuh apní talím ká mukhtár sábit ho.

Aur us ne ba-nisbat auron ke jin par us ke shágird ímán láe the ap ko buzurg thahráyá, **Mati 12 : 41, 42.**

Aur un qawánín ká bhí jin ko we mánthe the málík qarár diyá, **Marqus 2 : 28 ; Yuhanna 5 : 16, 17.** Aur us ne un tamám chizon se bhí jin kí we tazim karte the buzurg batláyá, **Mati 12 : 6.**

Us ne Puráne Ahd-náme se akhaz kiyá aur us ke púre mane sáf taur par batláe goyá wuh us hí ká kalám hai, **Mati 5 : 31, 38, 39.**

(2.) Us ká bharosa khud us hi ki zat par thá. Us ká kháss mazmún wuh ap hí thá. Us ne sáf talím dí, ki mere shágirdon kí najat, yá halákat unke sulúk par, us ke sáth mauqúf hai. **Mati 10 : 32, 33** aur phir us ne yih bhí apne shágirdon se kahá ki mujh ko sab se ziyáda piyár karo, **Luqa 14 : 26.**

3. We khususiyat jo hamare waste namuna hain.

(1.) **Sadagi.** Awám-un-nás Masíh ke tamám alfáz samajh sakte the aur us ne fasáhat aur balágat kí taraf khiyál na kiyá ki jin se logon ko dang kare yá logon ke dilon meṡ us ke zariá se kuchh asar paidá kare.

Us kí sab se daqíq báten mahaz sádagí aur safáí se bayán húi hain.

2. Us kí talím us ke shágirdon kí samajh se munasibat rakhtí thí.

Us ne aise usúl kí talím dí, jin kí zurúrat thí, Pas sabhon kí samajh se munásibat rakhtí thí, aur us ne is tarz se talím dí, ki har shakhs yih sochtá thá ki yih mere hí liye hai.

Wuh Khudá jis ko us ne záhir kiyá us ká báp hai aur **hamara** bhí hai.

Aur we rúhen jin ko wuh bacháná cháhtá hai we hamari hí rúhen hain, aur wuh muhabbat kí shariát jis kí us ne talím dí wuh **hamari** zindagí ká qánún hai, aur Khudá kí bádsháhat **hamare** dilon meṡ hai.

Us kí talím ke tariqe se ham ko málúm hotá hai ki jin báton kí us ne talím dí **hamare** hí liye mufíd hai. Us ne un logon

kí liyáqat ke mutábíq jo sunte the talím dí. Ek qism ke logon ko tamsíl ke zariése talím dí táki un meq daryáft karne ke shauq ko paidá kare, **Mati 13 : 13.** Aur दूसरे qism ke logon ko us ne safáí se sacháí ko sikhláya, kyúñki we us ke samjháne ke liye taiyár the, **Mati 13 : 11.** Aur us ne har ek shágird ke haqíqí hál par bhí gaur kiyá, aur har taur par un ko itmínán ke waste ásmán kí bádsháhat ká bayán kiyá. Jab ek shaḡhs **Khudá** kí bádsháhat meñ dáḡbil honá chahtá thá, Us ne kahá, az sar i nau paidá honá zurúr hai. Aur दूसरे se us ne kahá, sab kuchh jo tere pás hai bech dál, aur tísre se kahá, apní salíb uṡhá, aur kisé se us ne kahá, ki tú ásmán ko khulá huá dekhegá. (*Ecce Deus sajha* 203.)

Us ne shágirdon ke ihtiyáj ke muwáfíq talím dí aur us ne un báton ko na sikhláya jo us ke kám ke mutábíq na thín, aur un galatíon ke durust karne kí saí na kí jo us ke kám se taalluq na rakhtí thín. Aur bhi us ne apne khiyálát ko ámm muháware meñ pesh kiyá, aur us galatí par bhí khiyál na kiyá jo ámm muháware meñ ráij thí, aur jo mazhab aur aḡhláq se taalluq na rakhtí thí. **Mati 5 : 45.**

(3.) **Jila dene ya munawwar karne ki adat.** Wuh aksar ámm usúl ko kisé kháss wáqiá kí tashbíh ke sáth bayán kartá thá. Maslan jab us ne sidq dil se duá kí talím dí to us ne ba-muqábale Farísí ke ek mahsúl lenewálá jo chhátí píṡṡe húe aur nadámat se áñkheñ níche kiye húe ká tasawwur karke bayán kiyá.

Us ne apne kalám ko ḡhilqat aur logon aur un ke aamálon se, jin ke darmiyán wuh zindagí basar kartá thá, roshan kiyá ki sosan jo kheton ko ḡhushnumá kartí hai aur garariyá jo apne galle kí nigahbání kartá hai, aur chaurí o tang sarak ká zikr aur parinde jo hawá meñ urte hain, yih tamám tashbíhát **Masíh** ke kalám ki jila-baḡhsh hain.

Us ne ḡhilqat ko **Khudá** ke wáste gawáh ṡhahráya, us ne apne khiyálát ko ba-zariése ámm wáqiát ke safáí se záhir kiyá.

Jhonpre ká túfán se girná, ek bewá ká apne khoe húe dinár ká ḡhúḡḡhná, purání mashk ká phaṡ jáná aur kisan ká bíj boná, aur ḡhardal ke dáne ká gehún ke sáth ugná, aisí chhoṡí chhoṡí misálon se jo ámm logon ko dil-chasp maḡlúm hotí thín, us ne niháyat ázím aur besh bahá usúl kí talím dí.

Anḡaríb ek tiháí ke us ke kalimát meñ tamsílen hain, aur us ke kalimát meñ koí álamát aisí nabín páí játí hai, jis se maḡlúm ho ki us ne fasáhat o balágat meñ koshish kí.

Jab koí amr darpesh hotá thá us ke k̄hiyálát jo ki wuh daf-
 átan zâhir kartá thá, aise zinda aur qawí the ki ba-nisbat aur
 ádmíon ke us ká tarz i bayán aur tamsílát insán ke dil meñ
 ziyáda asar paidá karte the.

(4.) **Pur-mani ishare ki talim.**

Us kí talím dilon meñ nae k̄hiyálát paidá kartí thí.

Us ne apne shágirdon ko sab se umda sífát kí taraqqí bak̄hsh
 aur na sirf un ke kalimát ká balki aksar ádmíon ke k̄hiyálát
 ká bhí jawáb detá thá, **Yuhanna 3 : 1-3.**

Us ne logon ko aksar un kí guftogú meñ aur un ke poshída
 k̄hiyálát meñ mulzim kiyá, **Yuhanna 4 : 16-18.**

Us ne logon ke dilon meñ zinda bíj kí tarah k̄hiyálát qáim
 kiye, aur jis qadr we un ke maní o matlab ziyáda gaur karte
 the un meñ ziyáda taraqqí páte the. Jahán tak inkisháf huá
 hai, us se yih malúm huá ki hamárisári khúbí o taraqqí is bát
 pur mauqúf hai ki ham Masíh ko pahcháne, aur us ke kalimát
 ko ziyáda safái se samajh lewen, aur kámil taur se un ko apne
 wáste qabúl karen.

Us ne apne shágirdon ko malúm chizon ke zaríe se ná-ma-
 lúm tak pahuncháyá, jaise ki Puráne Ahd-náme ke zaríe se jis
 se we khúb wáqif the, nae Ahd ke intizám ke gahre bhed kí
 báton tak un kí rahnúmái kí (*Neander's life of Christ sajhá*
 101, 103). Us ne ámm muhawarát ko is tartíb se istiqmál
 kiyá, jis se nae mane o k̄hiyál paidá hote the, aur jo us ke
 kalám ko shauq se sunte the, un kí talím o wáqifiyat ke liye us
 ne ziyáda k̄hiyál kiyá aur apní qurbat meñ un ko jagah dí,
 aur jo bhed se wáqif honá cháhte the, un ke liye ziyáda bhed
 kí báten kholín, **Marq. 4 : 11.** Aur un shágirdon kí galatí
 par jo haqíqí talib ul ilm the wuh sabr kartá thá. **Luqa 9 : 55**

Lekin us ne un ko ágáh kiyá ki merí talím se mustafíd honá
 tumhári wafádári par mauqúf hai. **Luqa 8 : 18.** Us kí ta-
 lím kí aslíyat o haqíqat wuhí thí jo talím-yáfta log malúm
 karne kí khwáhish rakhte the ; yane Khudá kí bídsháhbat ke
 áne aur us kí khássiyaat aur us kí áyanda jaláli hálát aur kháss-
 kar us meñ Masíh aur us ke shágirdon ká martaba kyá hogá ?
 Us ne is taur se in báton ko pesh kiyá ki we jlanewále haqíqí
 wáqiát the, **Yuhanna 6 : 63.**

(5.) **Us ki talim men Ilahi muhabbat.**

Yihí us kí muhabbat logon kí taraf rujú kartí thí. **Yuhanna**
15 : 13 ; 10 : 11. us kí muhabbat kisi kháss shakhs par na
 thí, is wáste ki wuh wáqif thá ki har ek rúh besh-qímat hai.
Mati 18 : 14.

Yahúdí ustád Jalílión ko haqír samajhte the, lekin Masíh haqír nahíq samajhtá thá. **Yuh. 7 : 4-9.** Isí muhabbat ke báis us ke kalám men ziyáda shíríní thí, aur muláimiyat se pur thá, aur muhabbat kí ág se bharaktá thá aisé ki ajnabí sunnewále shírín kalám par taajjub karte the, **Luqa 4 : 22.** Isí insániyat ke sabab us ke shágirdon men kasrat se shauq paidá húa.

Wuh un ko na khitáb karke balki un ke sáth báhamí guftogú men talím detá thá. We us ke sunne se nahín thakte the kyúnci abadí zindagí ká kalám us ke pás thá. Yih tarz i guftogú Injíl men aksar páyá játá hai. Us ne maflúj gunahgár ko “ Beṭá ” kahá, aur Jairas kí beṭí ko “ Beṭí ” kahá, aur us gunahgár aurat kí gam-gusárí kí muhabbat se mulzim thahráyá.

Us ne dukhon ko chhúne se dafa kiyá, aur shahr ke báshindagán par, jo us ko salíb dene par taiyár the royá, aur us qasam khánewále buz-dil shágird yane Patrus ko rahm kí nigáh se malámat kí.

(6.) Us kí talim men Ilahi qudrat, Yuhanna 17 : 8.

Sunnewálon ne samjhá ki us ká kalám Kḥudá kí taraf se hai, **Yuh. 7 : 46.**

Us ke faiz o tásír-bakhsh taríqe se taajjub karte the, **Luqa 4 : 32.** Aur wuh shágirdon ko yaqín dilátá thá, **Yuh. 6 : 68, 69.** aur jo munkir the us kí talím se maglúb húa, **Matí 22 : 33-46.**

Wuh yaqín kartá thá, ki main Kḥudá kí taraf se bbejá gayá hún, aur wuh sachái se jis kí talím o talqín kartá thá kámil wáqif thá. Pas dil-jamaí aur yaqín ke sáth us barí rúhání o abadí haqíqí wáqíac ko jis ká musbáhida kartá thá us par mustaqíl rahá. (Stalkeis life of Christ page. 65.)

Us ne Rúh ul Quds be-andáza páí. Sachái Rúh ke wasíle zinda hokar Masíh ke zaríe jo us se labrez thá, sunnewálon ke dil par bahkar un ko tar o táza kartí thí, jis sachái kí tásír se un kí aqlon aur dilon men sargarmí paidá húa.

Wuhí sachchái hai, is wáste ki us kí talím hamesha táza o naí hai. Jab wuh ádmíon ko sikhlátá thá, ki ek dúsre ko piyár karo, we jánte the ki wuh kḥud hí muhabbat hai, aur jab un se Kḥudá kí nisbat báteq kartá thá we jánte the ki wuh Kḥudá kí god men hai **Yuhanna 1 : 18.** Us ke kalimat logon kí aqlon men jo un ko qabúl karte hain barhte hain, is wáste ki Ilábí

ʾaql o qudrat un men hai. **Yuh. 14 : aur 14 : 10.**

(7.) **Ilahi sabr** us kí talím men.

Baz waqt us kí talím us ke shágirdon ko nágawár húi aur we phir gae. **Yuhanna 6 : 66.** Aur baz us ke sáth raho aur us ke kalám par íman na láe. Wuh jántá thá ki baz un men aise hain jo us ko dushman ke hawáale kar denge. **Yuh. 6 : 64.** Phir wuh apne kám ke k̄hiyál men jis ke liye **Khudá** ne us ko bhejá thá aisá garq thá ki jis se us ke kalám men aur súrat meṃ aur barakat men sanjídagi pái játí thí, **Yuhanna 18 : 37.**

Wuh insán kí naját ke wáste aisá fíkrmand o k̄hwábishmand thá, ki aksar rotá aur ánsú bahátá rahtá thá. **Mati 23 : 37.** Magar us ko kámil yaqín thá ki main **Khudá** kí taraf se muqarrar hún. Pas itmínán ke sáth apná kám kiyá kartá thá. Wuh kisí bát se be-dil hoke apne kám ko na chhertá thá aur apne shágirdon ko nasíhat kí ki sabr ko mujb se síkho. **Mati 11 : 29.**

(8.) **Pak zindagi ki qudrat.**

Ek aṣíb akhláqí qudrat us men thí, aur wuh zindagi aisí pákíza aur k̄hush akhláq thí ki is se us ká kalám pur tásír thá aur usí qudrat o zor ke báis shágird ká púrā bharosá us par thá, **Yuhanna 11 : 22-27 ; Mati 16 : 16 ; Yuh. 4 : 42, aur 6 : 69.**

Wuh aisá ustád thá, ki apní talím se bará o buzurg thá. Us kí safái aur muláimiat aur buzurgí us ke kalám ko kámil taur se tasdíq kartí thín, aur yih qudrat hamáří wáqifiyat se báhar hai.

(9.) **Us kí talím se shágirdon ke zihn men quwat paida hoti thí.**

Us ne logon kí gaur-talab quwat ko apne qabze men kiyá, **Luqa 4 : 20.**

Us ne sabhon ko kuchh na kuchh diyá aur jin men qubúl karne kí liyáqat thí un ko ziyáda áta kiyá, **Marqus 4 : 33.**

Koí shaḳhs aisá k̄hám ʾaql na thá jo us ke kalám ko qubúl na kar saktá. Ámm logon ke dastúr kí nisbat us kí ásan kahánián bachchon ko dil-chasp malúm hotí thíq.

Maṣlan, Musrif beṭe kí, aur bīj bonewále kí, nek Sámarí o táib mahsúl lenewále kí ; yih aisí misálen hain jo jáhilon ko aur sab se ʾaqlmand logon ko bhí apní taraf k̄hínchtí hain. Un

misálon men aísí gahrí báton ko páte hain jo un kí aqlon se bálá hain.

Wuh aísí tamsílen istiámál men láyá, kí shágirdon kí aql, un kí asl o haqíqat daryáft karne men, mashgúl ho gaí.

Us kí talím i tahrík se jo ki us ne apne shágirdon ke dilon men paidá kí darpai táhquqát ke húi.

Us ne báton men hamesha kuchh bát chhor dí jis par gaur karná püregá. Us ne Khudá kí bádsháhat kí nisbat aísí tamsílon se talím dí jin se shágird wáqíf the, aur jis qadr we us kí nisbat tamsílon ke zaríe se talím páte the usí qadr un ká shauq barhtá játá thá, jis qadr we ziyáda khoj o justojú karte the usí qadr un ko ziyáda gahrí báton malúm hotí thín. Us ká matlab yih na thá, ki wuh dúson ke wáste gaur kare balki yih thá ki un ko aísí targíb de ke wuh khud gaur karne kí liyáqat hásil karen. Us ne aísí mukhtasar ibárat o amsál aur kaháwat men talím dí jo quwat o háfiza men jar pakartí játí hain.

Yún us ne sachcháí ke bíjon ko jo rúhání roshní ke báis the un kí aqlon men qáim kiyá. Us waqt we kámil taur se samajh na sakte the magar jis qadr Ilahí zindagí súrat pakartí thí usí qadr un báton ká nishán un men zahir hotá thá.

Yuh. 13 : 7.

10. Masíh kí talím shágirdon kí akhláqí o rúhání liyáqat ko taraqqí bakhshtí thí.

Us ne logon ko aísí izzat se tarbiyat kí, ki un ke dilon men yih bát jam gaí, ki ham men rúhání taraqqí kí gunjáish hai.

Us ne insán kí rúh kí be-hadd qadr o manzalat kí.

Aur har fard i bashar ko sargarmí se sikhlayá, aur jis sargarmí se wuh jamáaton ko talím detá thá, us tarah har ek fard i bashar ko sikhlátá thá.

Unnís shakhsan ke sáth Khudá kí bádsháhat ke bhedon kí nisbat us ne guftogú kí, ki jin ká zikr Injíl men marqom hai.

Jo guftogú us ne Sámari aurat ke sáth Yaqúb ke kúe par kí, us ke tarz i kalám kí ek misál hai.

Us ne ba-wajh faiyází us aurat ke ek ajnabí aur mutanaflir aurat se guftogú karne ká mauqa páyá, jab us ne ek bát se inkár kiyá, tab Khudáwand Masíh ne ek aísá ishára kiyá, jis se us ko púchhne kí khwáhish paidá húi. Wuh aurat kí guftogú kí pairawí kartá thá, táham apná matlab madd i nazar rakhkar us kí hidáyat kí, yahán tak ki us kí zamír ne kámil tásir kí aur us ko mulzim kiyá. Is taríqe se us ne us aurat ko taiyár kiyá,

ki wuh mujh ko aur mere kám ko khúb samajh lewe. (Abbott's Jesus of Nazareth page 134.)

Us talím ke jinne se jo wuh un ko detá, us se un ke iráde ko taqwiyat bakhsí.

Aur is amr ká bhí un ko yaqín diláyá, ki vñh ek aqlí qánún hai, ki ham jab tak hamáří aql Khudá ko pasand na kare, ham Iláhí báton ko samajh nahín sakte hain. Aur un ko aisí targíb dí, ki un men Khudá ke pasand karne ká iráda paidá ho gayá. **Yuh. 7 : 17.** Us ne Yáhúdion se sáf farmáyá, ki tum merí báton ko is sabab se nahín samajh sakte ho, kyónki tumhare dil sachcháí qubúl karne ke liye taiyár nahín hain. **Yuh. 8 : 43.** Us ne sikhláyá, ki jo ap ko Khudá kí kashish ke supurd kar dete hain, Iláhí báton ke bhed o daqíqe samajhne ke qabil ho játe hain. **Mati 13 : 12.** Wuh ádmion kí andarúní liyáqaton par qabza karke apní talím ke zor se un ke dilon kí naí shakl baná detá thá, aur aksar us kí talím aise afál ke sáth thí, jis meo wuhí matálib shámil the, jo us kí talím men the. **Luqa 5 : 1-11.** Us ne shagirdon ko bagaur targíb dí, ki tum merí mánind ho sakte ho, aur hamesha mere sáth rah sakte ho, basharte ki merí talím ko máno. **Yuh. 15 : 14 ; 17 : 22 ; 14 : 3.**

Pas Khudáwand Yisú Masíh ek kámil ustád thá na to koí us kí misl búá, aur na koí us ká jáe-nishín búá, aur na kabhí kisí se aisí báton zubúr men aín, aur na aise tásír-bakhsish ustád, aur na aise natáij zubúr men áe.

Us ne apní zindagí aur kám men aisá kámil namúna dikhláyá, ki jo Iláhí sachháí ko sikhláne men kámyab honá cháhtá hai, us ke liye aisí khusúsiyat kí istiadád paida karná zurúrí amr hai.

Is sabaq meo Yisú Masíh ke khusúsiyat pesh kiye gae hain. Ham ne kuchh koshish is bát meo na kí, ki kis tarah se ustád us kí pairawí karen, aur na yih isrár kiyá, ki un kí pairawí karná cháhiye.

Táham har ek ko lázim hai, ki aise ustád par gaur karen, aur apní kámyabí ke wáste un báton ko síkhen, jis ke liye un ko aise kámil ustád ne buláyá hai.

SUWALAT.

1. SANDE Iskúl ke ustádon par kyún lázim hai ki we Masíh par gaur karen ?

2. Masíh apní Iláhí zát ke sabab kin báton se wáqif thá ?
3. Us kí wáqifiyat Biabal kí talím meñ kyá thí ; aur kis tarah us ne us ilm ko hásil kiyá thá ?
4. Us ne kis tarah se khilqat aur insán kí khaslat ká ilm hásil kiyá thá ?
5. Masíh ká ilm hásil karne ke toríqe se kyá ishára páyá játá hai ki ustádon ko wáísá hí karne kí zurúrat hai ?
6. Masíh meñ kaun kaun sí khusúsiyát hain, jo hamáre liye namúna nahín ho saktí hain ?
7. Kaunsí khusúsiyát Masíh meñ hain jiu kí pairawí ham ko na karní cháhiye ?
8. Kaun sí khusúsiyát hamáre wáste namúna hain ?
9. Masíh kyúnkar apní talím logon ko liyáqat ke mutábíq detá thá ?
10. Talím dene meñ kin chízon se tamsíl detá thá ?
11. Kis tarah us ne aur shakhsion meñ ilm ká shauq paidá kiyá ?
12. Kis tarah us kí muhabbat ne us kí talím ke zarífe se ádmíon par tásir kí ?
13. Iláhí ikhtiyár us kí talím meñ kabán se húá ?
14. Kis tarah us ne apne shágirdon kí aqloñ ko taraqqí bakhsí ?
15. Kis tarah us ne un kí akhláqí aur rúhání liyáqat ko taraqqí bakhsí ?

Zail ke suwalát un shágirdon ke liye hain jo ki apne hí dilon meñ us kí tásir paidá kiyá cháhte hain ?

1. Ham kyúnkar Kḥudá ká mansúba aur insán ke iráde o kḥiyálát ko malúm kar sakte hain ?
2. Masíh meñ kyá ustádána khusúsiyát thin jin ko ham hásil nahín kar sakte hain aur kyún hásil nahín kar sakte ?
3. Awám un nás kí aql ke liye ham kin ásán taríqon se usúl sikhlá sakte hain ?
4. Tálib ul ilm ke liye sachcháí kí talím dene ká bihtar taríqa kyá hai ?
5. Ham kis taríq se ustádána kám ke liye munásib tamsíla, hasil kar sakte hain ?
6. Ham tulaba ke dilon meñ kyúnkar shauq paidá karen aur taraqqí den ?

7. Ham tálib ul ilm̃ ke liye kis taur apnī muhabbat ko barháweñ ?

8. Ham apnī talīm dene kī liyáqat kis taur se barháweñ ?

9. Masih kī talīm se ham kyunkar sabr kī nisbat síkheñ ?

10. Ham kin wasail se apne tálib ul ilm̃ ki aqlon ko qúwat den ?

11. Ham kyunkar un kī rihání aur aḳhláqí ḳhaslaton ko taraqqí den ?

CHAUTHA HISSA.

PAHLA BAB.

Naya Ahd-nama Masihi kalisiya ka izhar hai.

Masíhí Kalísiyá ke bunyádí usúl aur un kí táríkh jo nae ahd-náme men páí játí hai.

Masíhí Kalísiya iman lanewalon ki ek jamaat hai jo Masih men yaganagat aur iman aur muhabbat ke zarie se Khuda ki badshahat men sharakat rakhti hai.

Wuh Khudá kí taraf se zahúr men áí, aur us ká shurú muájizána taur se húá ; aur wuh zindagí jo kalísiyá men páí játí hai, Khuda kí Rúh ke wasíle se qáim aur sarsabz hotí hai. **Afsion 2 : 22.**

Aur yih kalísiyá ek kámil aur abadí jamáat yane Khudá ke Muqaddas shahr ke liye ek taiyárí hai. **Muk. 21 : 2.**

Aur **Yahudi kalisiya se mushabahat rakhti hai.**

Yahúdí kalísiyá ek gharáne men qáim húí aur ákhir tak us men rabí ; par Masíhí kalísiyá Yisú Masíh se qáim húí, aur har ek maḡhlúq ke liye hai. **Marqus 16 : 15.**

Wuh ek qaum men járí húí aur us hí qaum men rabí ; par Masíhí kalísiyá kisi ḡháss qaum ko nahín, balki sab qaumon ko shámil karná cháhtí hai. **Yuh. 18 : 36. Mati 28 : 19.**

Yahúdí kalísiyá men tarah tarah kí qurbánián thín aur bár bár guzrání játí thín. Masíhí kalísiyá men sirf ek hí qurbáni hai jo hamesha ke liye sab ke wáste ek hí dafa guzrání gaí. **Ibranion 10 : 11-14.**

Yahúdí kalísiyá men dáḡhil hone ke liye Yahúdí nasl kí zurúrat thí ; par Masíhí kalísiyá men dáḡhil hone ke liye naí rúhání paidáish zurúr hai.

Tau bhí Masíhí kalísiyá **Yahudi kalisiya men se hai.**

Masíhí kalísiyá kí rástbází ke usúl Yahúdí kalísiya men pahle sikhláe gae, aur us ká naqsha pahle usí men zábír húá, aur usí men se Masíhí kalísiyá ká bání niklá. Yahúdí kalísiyá men Masíhí kalísiyá ke ḡhiyalát adá hone ke liye ek muhawara ban gayá. Aur wuhí log apne báp dádon aur

apní tabíqaton aur talímát, aur apní ummed ke zaríe se is láiq the ki pahle Masíhí kalísiyá ko dunyá meñ záhír karen.

1. **Masihi kalisiya ke bunyadi usul** Yisu Masih ka **kamil farmanbardar hona**, aur is taur se us ko mánná ki wuh **Khudá ká zahúr aur insán ká naját-dihinda hai**.

1. Jaise Yahúdí qaum ke **nabi aur waqiat** Khudáwand Masíh kí nisbat **pesh-khabari dete the**. Wuh haqíqí báten jo Masíh meñ páí játí hain, Yahúdí kalísiyá meñ un ká aks páyá játá hai.

Aur we jinhon ne **Puráne Ahd-náme kí talím kí mukhálafat kí**, unhon ne Masíh kí mukhálafat kí **Mati 5 : 17-19**.

Wuh qadím kalísiyá meñ maujúd thá aur qadím kalísiyá ke Hádíon ke dilon meñ bhí thá. **Yuhan na 5 : 46 aur 8 : 56**.

Is kalísiyá ke usúl jin ko Masíh ne qáim kiyá, qadím kalísiyá meñ záhír kiye gae the, par logon ne un ko safái se na samjhá thá. **Galation 3 : 8**.

2. Jaise us kí **zindagi ke waqiat** Injilon meñ darj hain ki wuh ásmán se áyá aur **zamin par zindagi basar ká**; wuh **múá aur jí uthá**, aur **abad tak zinda hai**.

Yisú Masíh kí **zindagí ke wáqíat kí manádí kalísiyá meñ shámil hone ke buláwe kí manádí hai**. **Aamal 2 : 36, 38**. Aur jaise wuh is **zindagí meñ zábir húa** waise hí us ko qubúl karne se insán kalísiyá meñ shámil hone ke láiq hotá hai. **Aamal 16 : 31-33**.

3. Jaise Masíhí **waqiat ke nataij meñ bhi Rasulon kí talim ke zarie se zahir hua**. Is talím meñ rasúlon kí kull waqfiyat us **ummed kí shámil hai** jo Khudá kí rahnumái se logon ke dilon meñ Khudáwand Masíh kí ámad kí bábat paidá húi thí; aur us **khidmat** se jo zamin par húi, aur us **mel** se jo us kí maut ke zaríe se húa, aur us **kam** se jo kí **asman par** hamáre wáste kartá hai. Us **kam** se jo wuh hamáre wáste aur hamáre darmiyán **zamin par Pák Rúh** ke zaríe se kartá hai, yane is ilm se ki kis tarah ham ne us kí **zindagí ke zaríe se naját hásil kí**. **Rum. 5 : 10 aur Afsion 2 : 20**.

(Is sabaq ke sáth Aamál kí kitáb parho.)

II. Ruh i Pak jo Yisú Masíh apne shágirdon ko detá hai. **Aamal 2 : 33**.

1. **Rúh i Pák Masíh ke munkiron ko nahin bakhsha jata hai**.

Jab tak insán K̄hudá ke Kalám ko qubúl karne aur mánne se inkár kartá hai, wuh Rûh i Pák ko hásil nahín kar saktá hai. **Yuh. 14 : 17.**

2. Iman lanewalon men wuh rahta hai. Harek shakhs, jo Masíh par ímán látá hai, aur us kí farmánbardári karná cháhntá hai, us ko Rûh i Pák bakhshá játá hai. **1 Qur. 12 : 3** aur wuh Masíh men sharík hotá hai.

Ibr. 6 : 4. Aur us ímán lánewále kí badan Rûh i Pák kí haikal hai. **1 Qur 6 : 19.**

Wuh ímán lánewálon ko tarah tarah kí niāmaten bakhshtá hai. **1 Qur. 12 : 7-10.**

Aur un ke dil men K̄hudá kí muhabbat járí kartá hai. **Rum. 5 : 5.**

Aur duá men un kí madad kartá hai. **Rum. 8 : 26.** Aur un ko púrí naját tak pahúnchátá hai. **2 Tas. 2 : 13.**

3. Rûh i Pák kalísiyá men mel ka wasila aur yaganagat ka paiwand hai, Jo Masíh se iláqa rakhte hain, ek hí badan ban játe hain. **1 Qur. 12 : 12-27.** Us badan men Masíhion kí sharákat kí gawáhi Rûh i Pák hai, **Rum. 8 : 14.**

Sab sharík Rûh i Pák se baptisma páte hain. **1 Qur. 12 : 13.**

Aur wuh kalísiyá men rahtá hai. **1 Qur. 3 : 16.**

Wuh sab niāmato ko jo kalísiyá kí hukumat ke liye zurúr hain, bakhshtá hai. **1 Qur. 12 : 4-11.** Aur wuh kalísiyá ke afsaron ke chunne men rahnumái kartá hai. **1 Qur. 12 :**

28-30; Aamal-15 : 28. Aur wuh kalísiyá ke zariá se jahán ko Injil kí dawat detá hai. **Muk. 22 : 17.**

III. Ek ahd hai, jo ímán lánewále K̄hudá o Masíh ke sáth aur ek dúsre ke sáth rakhte hain. Nae Ahd-náme men baz maqámát men lafz kalísiyá ke mane hain ímán lánewálon kí jamáat jo kháss jagah men faráham hoti hai. **1 Qur. 14 : 23.**

Aur baz jamáat kí yaganagat se murád hai, jo kisi kháss bastí yá shahr ke Masíhion men hai. **1 Tas. 1 : 1.** Aur baz mauqa par sab log jo Masíh par ímán láte hain, shámil hain. **Afs 1 : 23.** (*Van Oosterzee's Theology of the New Testament page 115.*)

Ham is sabaq men kalísiyá ko ákhirí mane men istíāmál karte hain.

Yih ahd do rusúm se qáim hai,

1. **Baptisma.** Yih ímán lánewálon ká iqrár hai, ki ham Masíh par ímán láe hain.

Masíh apne shágirdon ko baptisma ke zariá se, is be-ímán dunyá se sháhida karná cháhata hai, aur Báp, Beṭe aur Rúh ul Quds ke iqrar se zarié se un se mel karná cháhata hai.

Mati 28 : 19 ; Marq. 16 : 16.

2. **Ashai Rabbani.** Masíh kí maut kí yádgári hai, jis maut se wáile se wuh hamáre wáste kafára hún. **1 Qur.**

11 : 23 26

Is rasm ke zarié se, wuh rifáqat jo Masíhí log Masíh ke sáth aur es dusre ke sáth rakhte hain, qáim hotí hai.

Mati 26 : 26-28 ; 1 Qur. 10 : 16, 17. Har Masíhí ko jab yih rasm adá kartá hai, lázim hai, ki wuh pahle apne dil ko jánche.

Aur Masíhíon ko lázim hai, ki pusht dar pusht jab tak kalisiyá dunyá mein qáim rahe, is farz ko ada karte rahen. We jo is tarah ke bharosá Yisú Masíh par rakhte hain, aur jinbon ne Rúh ul Quds ká baptisma páyá hai ; aur is ahd mein Masíh ke aur ek dústre ke sáth shámil ho gae hain ; we hí Masíh kí kalisiyá hain. Aur ham ko cháhiye, ki sab log jo us mein dákhil hain, unhí ko apne bhái samjhen. agarchi hamárá rae ke mutabiq un ke baz khi yálát o aamal mein kuchh kuchh ikhtiláf bhí ho.

Kalisiya ki Tawarikh jo Nae Ahdname men pai jati hai.

1. Masíhí kalisiyá auwal Yahudi kalisiya se bani aur us kí ibtida Pentikust ke dín se hai. (*Bernard Progress of Doctrine* page 115.) **Aamal 2 : 1-4.**

Sab se pahle ke Masíhí sab Yahudí the.

1. Masíhí kalisiyá kí bunyád mein pahlá amr yih thá, ki ímándaron ko **Ruh ul Quds bakhsha gaya**, jis ke bhejne ká wada Masíh ne apne urúj ke peshtar farmáyá thá, aur jis ke liye we Yarus lam mein thahre the. **Aamal 1 : 4, 5.**

Masíh ne khud yih bakhshish un par undelí, **Aamal 2 : 33.**

Us ke bakhshshe jáne ke záhiri nishán ág, aur mukhtalif zubánon ká istiamál, aur nubúwat karná, aur Injil par gawáhi dená hai. Imándaron kí aql ek bárgí sachái kí waqfiyat se roshan ho gai thí, jis se un ke jazbe khushí aur tājjub se bharak

uthe, aur Khudá ne is naí kalísiyá ke sharíkon ko roshní aur sargarmí bakhsí.

2. Dúsrá amr yih thá, ki **Yahudion ke samhne Masih ki najat pesh ki gai.** Patrus ne is taur se Injíl ko pesh kiyá, ki wuhí nubúwat ká púra honá aur us ahd ká bhí púra honá hai, jo un ke bápádáon se kiyá gayá thá. Us ne sunne-wálon se kahá, ki apne gunáhon se tauba karo, Yisú par jo Masíh hai, imán láo aur wuh tumháre gunáhon ko muáf kar saktá hai, aur tum ko gunáhon se ázád kar saktá hai, aur isí imán ká tum baptisma lo; aur yún záhírí taur se ek jamáat jo Masíh se mel rakhtí hai, ban jáoge. Us ne wáda kiyá ki imán ká natíja Rúh ul Quds kí bakhsish hogá, jis ke ajíb kám un ke samhne dikhláe gae. **Aamal 2 : 38-40 .**

3. Jo Yahúdí log Masíh par iman^{lae}, unhoṇ ne baptisma liya aur un kí ek khass jamaat ban gai. **Aamal 2 : 41.**

Un ke intizám kí bunyád is bát ke qubúl karne par thí, ki Yisú wuhí Masíh hai.

Jab auwal rafta rafta Rúh ul Quds kí roshní páne se Masíhí imán ke púre írfántak pahunch játe the, to Puráne Adh-náme ká wáda aur us kí talímát Masíh se mansúb karte the, ki wuh gunáh se riháí denewálá aur Khudá kí badsbáhat ká hákim hai, aur tamám umr us kí khidmat men rahná aur us kí shariát sab báton men mánná cháhiye.

4. Pahle Masíhí jamáat **gharane ke taur par** thí, aur is men bhárí kھیál yih thá, ki ham sab ek hí rifáqat aur mel men shámil ho gae hain, aur is kھیál se ek ajíb naí khushí paidá húi.

Roz-marra we Haikal yá apne gharánon kí chhoṭí chhoṭí jamáaton men ikatṭhe hoke naját kí talím par dars sunte, duá mángte, aur ek dústre ke sáth khána kháte the, aur khána kháne ke bad Masíh ke ákhirí kháne kí yádgárimen, aur barádarána ulfat ke nishán ke liye rotí aur mai taqsím kí játi thí. (*Neander Planting and Training of the Church* page 28) aur mauqe par apní tajribakárim aur Rúh ul Quds kí madad se apne wáste íbádat ke rusúmát, aur hukúmát ke qawánín banáto, aur afsaron ko muqarrar karte the, lekin ba-záhir Yahúdí rahte, aur Haikal aur dústre íbádat-khánon kí íbádat men sharík huá karte the, kyúñki Masíhí íbádat kisi qádr Yahúdion kí talím aur íbádat, aur rasúmát kí mánind thí.

Neander's Planting and Training of the Church, pp. 28.

5. Naí kalísiyá jald **Yahudi kalisiya se muqabala karne lagi**, aur Yisú Masíh jo murdon men se jí uṭha thá, wuh naí kalísiyá ke hádí ke taur par pesh kiyá gayá, aur us ke nám se muajize kiye gae. Is se **Saduqi logon ne mukhalafat ki** aur gusse se is wáste bhar gae, ki yih be-parhe logon ko talím dete hain, ki Yisú ke zaríe se murde jí uṭhenge, aur unhon ne Patrus aur Yúhanná ko giriftár kiyá. **Aamal 4 : 1-3.**

Tab Stafanus ne safáí se bayán kiyá, ki yih naí kalísiyá Yahúdí mazhab kí koí tabdíl-shuda shakl nahín hai, balki ek nayá intizám aur jadíd tartíb ká silsila hai aur yih ki Yisú Masíh Haikal ko barbád karegá aur jo rusúmát un ko Músá ne diye unheo tabdíl karegá, tab is bát par **Farision ke dilon men dushmani paida hui** aur **Istafanus** ko qatl kiyá.

Is par shágird Yasúsalam se bhágkar tamám mulk i Falastín men phail gae; aur rafta rafta safáí se yih bát un ke zihnon men á gai.

Tab se urhon ne manádí kí, ki Yahúdion ke záhirí rusúmát mauqúf honge aur us men se ek naí rúhání ibádat o kalisiyá niklegí, kyúnki Masíh ne peshíngoí kí thí, ki haikal barbád ho jáegí, aur yúo us kí ibádat o rusúmát jo Haikal se mutaalliq hain mauqúf ho jáengí.

Faqíh log talím dete the, ki Músá kí shariát ke zaríe se insán rástbáz ho saktá aur us ke wasíle se abadí zindagí kí mírás pá saktá hai. Par Masíh Yisú ke pairau sikháte the, ki shariát ke zaríe se yih nahín ho saktá, magar **Yisu ki maut ke wasile se insan abadi zindagi hasil kar sakta hai.** Yih bát Masíh ke jí uṭhne se járí hui, so ham Masíh par ímán láne se us ko hásil kar sakte hai. Jis qadr in do aqsám kí talím kí manádí hotí thí, usí qadr báham mukbálafat záhir hotí játí thí.—(*Bernards Progress of Doctrine* safha 143.)

2. **Kalisiyá sab qaumon men phail gai thi.** Yahúdion ne shágirdon ko ízá di, jis se we titar bitar ho gae aur us ká natíja yih hui, ki mulk i Falastín ke mutafarriq jagahon men Injíl kí manádí hui aur ákhirkár tamám dunyá men jo un logon ko málúm thí Injíl phail gai. **Aamal 8 : 4.**

1. **Samariya men khush-khabari sunai gai.**

Sámariya Yahúdiya se báhar pahle ek súba thá jis men Injíl maqbúl hui.

Jab Failbús ne wahán panáh pái, to barí maqbúliyat ke sáth us ne manádí kí, aur jab us kí kámyábí kí khabar Yarúsalam

ko pahunchí aur Patrus aur Yúhanná us ke pás gae, to misl Pantikust ke din ke un nae shágirdon ko Rúh ul Quds kí bakhshish milí aur ek dúsrí kalísiyá ban gaí, aur isí markaz se tamám súbe men Injíl phail gaí. **Aamal 8 : 25.**

Yún Masíhí mazhab ke phailáne kí qúwat ne ek aur díwár ko jo gair qaumon aur Yahúdion ke bích men thí girá diyá.

Sámari jo haqír samjhe játe the kalísiyá kí rifáqat o sharákat men maqbúl hue aur Masíhí Yahúdion ne kuchh muzáhamat o mukhálafat na kí. **Aamal 8 : 14-17.**

2. **Carnelius aur us ke khandan ki nai paidaish.** Patrus ne Khudá kí taraf se ek khash royat dekhi, jis ka natíja yih húa, ki **na-makhtun** Rómion ko us ne Injíl kí manadí kí aur unhon ne us ko qubúl kiya aur Rúh ul Quds kí bakhshish páí, aur **Yisu ke nam se baptisma liya.**

Phir Pantikust ke din aur niz Sámariya men Rúh i Pák ka názil hona Masíhí kalísiyá kí is jadid taraqqi par yane yih ki is nae ahd men sab qaumon ko Khudá kí kalísiyá men dákhil hone kí ijázat hai Rúh i Quds ke maqbúl hone ka nishán thá. **Aamal 10 : 34-35.**

Wuh Yahudí log jo Masíh par ímán láe, unhon ne dil o ján se is nai talím ko qubúl kiya, kyunki Khudá ne un ko sikhláya. **Aamal 11 : 18.** Yún Masíhí kalísiyá taiyar ho gaí thí, ki kull dunyá par gálib áwe.

3. **Gair qaumon men Injil ki manadi hui.**

(a.) **Antakiya men.** Patrus ne ek Rómí khandán ko kalísiyá men shámil kiya thá ; us waqt kalísiyá men Yahudí ziyáda the, aur unhin ka dhang thá. Us ízá-rasání ne jis ke báis Failbús Sámariya ko gaya thá ziyáda dúr jagahon men shágirdon ko bhejá. aur baz Yahudí jin ko Yúnání khiyál pasand the, Antakiyá men áe aur gair-qaumon men manadí kí. Khudá ne us kám par apní aisi qúwat o barakat názil kí, ki Yarúsalam kí kalísiyá tak us kí khabar pahunchí ; tab unho ne Barnabás ko bhejá, ki wuh un kí madad aur intizám kare. Us ne Sául ko madad ke liye buláya aur is bare rasúl ne yahán apná kám sab logon men shurú kiya. Is nai kalísiyá men bahut se aise log shámil the jo Yahudí na the balki aur qaumon men se the aur yahán pahle pahal shágirdon ko ek nayá nám diya gaya, aglab hai, ki gair qaumon ne yih nám diya (*Conybare aur Howson's Life St. Paul jild I safha 119 ; Neanders Planting and Training of the Church safha 68.*) we Isái kahláte the, **Aamal 11 : 26.**

Masihi kalisiya men gair qaumon ka shamil hona aur un ko Yahudion ke sath barabar haqq milna bará bhári inqiláb aur ek naí bát hai jo insán ke hálát men húi *Stalker's Life of St. Paul* safha 58.)

(b.) **Asia i Kochak mer**, Antákiya ke bháion ne hukm i Iláhi se Púlus aur Barnabás ko Mishanari kám ke liye makhsús kiyá, aur we donoñ is kám ke liye bheje gae, ki dunyá men Injil kí manadí karen. Pisidiyá ke Antákiya men unhon ne pahunch ke pahlí dafa ishtihár diyá, ki **gair-qaumon ko najat ki khabar** zamín kí hadd tak **pahunchana un ka kam** hai, **Aamal 13 : 46, 47** aur Asia i Kochak men kaí ek jagahon men manadí karne ke bad Súriya ke Antákiya ko wápas áe, **Aamal 14 : 26-28.**

Injil phailáne kí tabíyat jo ab kalisiyá kí khássiya tho gaí hai, kamál darje kí Púlus men thí, goyá is sifat ka wuh hádí hai aur us kí talím kí bunyád yih thí ki Masíh dunyá ke liye aur dunyá Masíh ke liye hai.

(c.) **Yarusalam ki kaunsil** men gair-qaumon kí kalisiyá ke shámel hone aur un kí kalisiyaon ki intizám karne se ek bhári suwál pesh áyá “Áyá gair-qaum ke log Khudá kí bádsháhat men bagair Yahúdí hone ke sharík ho sakte hain ?” Liházá us Kaunsil men jo shahr i Yarúsalam men húi kalisiyaon ke hádí ikatthe húc aur Rúh i Quds kí hidáyat se unhon ne faisala kiyá, ki “Gair-qaum ke log bagair adá i rusúmat i mazhab i Yahúd Masíhi ho sakte hain” **Aamal 15 : 1-36.**

(d.) **Yurap men**, Antákiya men kuchh der thaharne ke bad Púlus ka dúsrá दौरa shurú húa. Is safar men us ne ek rát ko roya dekhá, ki Yurap men buláyá gayá hún, aur wahán pahunch ke us ne shahr i Fillipiya men pahle Injil kí manadí kí.

Lidiyá us ka pahlá phal thí, aur us ke khándán ne us ke háth se baphtisma liyá. Is dúr o daráz safar ka anjám yih húa, ki bare shahron men un tahzíbyáfta logon ke darmiyán jo Itáliya kí púrab kí taraf ábád the kalisiyaon qáim hone lagín. Púlus ke is safar se Masíhi mazhab pachchim kí taraf phailne laga. Is safar ke bad us ne tísra safar kiyá, jis men us ne dúr-redaure ke kám ko taqwiyaat bakhshe aur ziyáda phailáyá.

(e.) **Yahudion ka akhiri inkar Injil se.** Jab Púlus Yarúsalam ko wápas áyá Yahúdíon kí ek barí jamáat ke sámhne us ne apne dil kí tabdíli, aur apne kámon ko bayán kiyá aur us ne qawá kiyá ki main áhd ke logon men **Israel** kí

ummed kí manádí karnewálá hún, aur us ne kahá, ki mujh ko gair-qaumon men Injíl kí manádí karne ká Khudá se hukm milá.

Jab us ne is bát ká ishtihár diyá, log us kí mukhálafat par ámáda ho gae, aur Yarúsalam ke logon ne us ká inkár kiyá, aur Haikal ke darwáze us ke aur us kí manádí ke liye band kiye gae, aur gair-qaumon ne us ko qaid kháne men dálá aur is taur par un Yahúdion se jinhon ne us ke qatl ká iráda kiyá thá bach gayá. Jab wuh Rómí sarkár ke háth men qaid húa, us kí zindagí kí khwáhish púrí hui aur wuh shahr í Róm ko jo dunyá men sab se bará dár-us-saltanat thá bhejá gayá. Yahán us ne Injíl kí manádí kí, jis ne aisí jar pakrí ki wahán se sab qaumon men phail gai, aur yúo yih nayá ímán o mazhab jis ne pahle sirf Yahúdion men jar pakrí thá kull Baní Ádam ká mazhab ho gayá. Is mazhab ká yih iláqa ki Yahudí qaum ká mazhab hai bilkull játá rahá, yane yih mazhab kull dunyá ká aur dunyá kí sab qaumon ká mazhab kahlayá. Akhirkár Yahúdion ke mazhab men se Masíhí mazhab misl arq ke khinch liyá gayá. Rasúlon ne us názuk o pechída iláqe men jo un donon mazhabon men thá aisí kárrawái kí, ki yih mazhab apní pahlí jagahon se misl jándár jar kí bandish ke bilá nuqsan ke uthá liya gayá, aur jo chízen sirf árzio jismání aur taiyári ke liye thin chhuṭ gai, aur haqíqat men Injíl kí talímát sáf ho gai aur ek shakl ban gai, aur wuh jhúṭí ámezish se apne sachehe usúlon ke sáth jo Puráne And-náme men us kí taiyári ke liye the, sáf hoke namúdar húa.— (*Bernard's Progress of Doctrine* safha 143.)

SUWALAT.

1. Masíhí kalísiyá kí taríf karo ?
2. Kin baton men us ká muqábala Yahudí kalísiyá se kiyá játá hai ?
3. Wuh Yahudí kalísiyá se kis tarah niklí ?
4. Us ke usúl kyá hain ?
5. Khudáwand Yisú Masíh jis par ham ko ímán láná cháhiye, Baibal men kis tarah se pesh kiyá játá hai ?
6. Masíhí kalísiyá men Róh ul Quds ká kám kyá hai ?
7. Imándáron ká áhd kin rusúm se muqarrar aur qáim rakh-tá hai ?

8. Kalísiyá kī tawárikh Nae Ahd-náme ke kin do zamánon se khusúsiyat rakhtí hai ?

9. Wuh kab shurú húi ?

10. Pable us men kaun log shámil the ?

11. Masíhí kalísiyá ke qáim karne men kyá kyá súraten darja ba darja pesh áin ?

12. Jab imándáron ko Rúh ul Quds bakhshá gayá, to kyá májará guzrá ?

13. Pantekust ke din Patrus ne Yahúdion ke sámhne Injíl kī kyá bāten pesh kīn ?

14. Pable kalísiyá ká intizám kis bunyád par thá ?

15. Us intizám men kḥáss sifat kyá thí, aur wuh sifat kab tak qáim rahí ?

16. Naí kalísiyá ne kis tarah Yahúdí talím kī mukḥálafat kī ?

17. Yahúdion ke kaun se firqe is naí kalísiyá kī talím se náráz the, aur kyún náráz the ?

18. Yahúdion ke bad kin logon men Masíhí kalísiyá qáim húi ?

19. Us ke bad phir kin logon ne Injíl ko qubúl kiyá ?

20. Masíhí kalísiyá ke Yahúdí log imándár námaḥtúnon ke shámil karne ke liye kyún razámmand the ?

21. Antákiya men kalísiyá ke intizám men kyá barí taraqqí húi ?

22. Pulus aur Barnábás ke Asia i Kochak ke kám men pable kaun sí bát safái se záhir kī gai ?

23. Yarusalam kī kalísiyá ne kis tarah se gair qaumon kī taraqqí ko qubúl kiyá ?

24. Is ke bad kaun sí jagabon men kalísiyá qáim kī gai ?

25. Qaum i Yahúd ne apne kis fiál se áḥhirkár Masíhí kalísiyá ká inkár kiyá ?

26. Pulus rasúl ne, jo gair-qaumon ká Wáiz thá, kis tarah apne kám ko kḥatm kiyá ?

Naya ahd-nama Masihi kalisiya ka izhar hai.

Nae Ahd-name men talimat ki taraqqi aur Aamal aur khutut ki talimat.

Talímát i Masíb Yisú shakl o tartíb aur asl men ná-támám thín, jaisá ki **Nae Ahd-name ki talim ki taraqqi se sáf záhir hai.**

Masíh kī talím hamesha zamána i áyinda kī taraf ishára kartí thí. Kḥudá kī bádsháhat nazdík hai. Wuh naját kī

ráh kholne ko áyá thá, aur naí paidáish us ká ek nayá k̄hiyál thá, aur usí ne zindagí o abadí zindagí ká matlab kholá, par wuh nae din ke áftáb ke tulú hone ke waqt nazron se chhip gayá, lekin wuh Rúh i Pák ke zaríe se phir záhir húa, táki shágirdon ke dilon men base, aur apní talím jis kí maná-dí un ke zaríe se hotí thí, un kí rahnumáí kare, aur taqwiyyat bakhshe, aur kalísiyá men jo us ke shágirdon se ban gai thí, sukúnat kare.

I. Libázá Nae Ahd-náme men zail ke **tin darje Injíl** kí talímát ke záhir karne men páe játe hain :—

1. **Injilon men.** Insán par Yisú **Masih ka zuhur.**

Is men ane-walí ruhání zindagí ke wáqiát aur halát ká bayán hai, jis par ham gaur kar chuke hain.

2. **Aamal ki kitab men.** Insán ke liye **Masih ki mana-dí**, jis men us ke zuhúr ke natáij ká khulása aur Rúh kí gawáhi ke sáth us kí manádí aur shágirdon ke banáne ká aur un ko kalísiyáon men ikatthá karne ká hál hai.

Sab dars jo Aamál kí kitáb men siwáe us mubáhase ke jo Yarusalam kí Kaunsil men húa, aur us hukm ke, jo ki Miletus ke buzurgon kí nisbat húa, páe játe hain; wuh sab dars gair-qaumon ke liye jo kalísiyá se báhar the, diye gae.

Yih manádí **Masih** ke zuhúr ke wáqiát ká khulása thí, ki wuh **Ruh ul Quds** se rihm men para, kunwari **Mariyam** se paida hua, aur **Pantus Pilatus** ki hukumat men dukh uthakar aur maslub hokar dafn hua. aur tisre din murdon men se ji utha. asman par uruj kiya, **Khuda Bap Qadir i Mutlaq** ke dahine hath par baitha aur wahan se wuh zindon aur murdon ka insaf karne awega.

Manádon ne bhí **Ruh ul Quds** kí quwat se manádí kí, aur jinhon ne un kí gawahi ko imán se qubúl kiyá, un ko bhí yih quwat bakhsí gai.

Unhon ne ek **pak alamgir** ámm kalísiyá banái, jis men sab qaumon ke ádmí jo **Masih** par imán láe, shámil húe. Yih kalísiyá aise logon se jo **Muqaddas** ban jane kí koshish karte, aur muhabbat aur mel se yagánagat rakhte hain, baní hai. Yih imándár log jánte hain, ki unhon ne **gunah ki muafi** **Masih Yisú** ke wasíle se páí hai, aur intizári karte hain, ki us ke wasíle se **ji uthenge**, aur **abad tak zinda rahenge**.

Yihí Rasúlon ká aqida kahlátá hai.

Agarchi unhon ne apne háth se is ko tartib nahín diyá táham is men un kí manádí ke usúl kí báten jo Aqámál kí kí-táb men marqúm haiñ, páí játí haiñ.

3. **Khutut men.** Wuh zindagi jo Masih men hai, aur jis ko imandar log hasil aur zahir karte haiñ, us ka bayán aur tamсилeñ, aur talím páí játí hai.

Jo log is naí zindagí men jo Masíh men hai. dákhil hue haiñ, un ke liye in **khutut** kí talím **munasib** hai.

Nabíon ne qaumon ko paigám sunáe, aur rasúlon ne apne bháíon ko khatt likhe.

Masíh kí kalisiyá ko Masíh kí talím pahuncháne ke liye yih **tartib** bahut **munasib** hai.

Har tarah se yih munásib malúm hotá hai, ki isí taríq se yahi khatt likhkar Masíhí kalisiyá ko síkháen.

Imándaron se rasúl is tarah khitáb kartá hai ki we Khudá se mel rakhte haiñ, aur Rúh i Pák se unhon ne baptisma páyá.

1 Yuh. 2 : 20

Jab yih zururi thá, to aisá dawá karte the, ki ham íkhtiyár rakhte, aur ilhám se likhte haiñ.

Lekin un khaton se já ba já yih zahir hota hai, ki likhne-wále jin ko likhte haiñ, un par apní vaqíní báton ke sábit karne ko Pák Nawishton se iqtibás karke likhte haiñ, aur sunnewalon kí samajh aur gaur ke liye isrár karte haiñ, aur is taur se na sirf un ko ágáh karte, balki Khudá kí marzí samajhne ke liye talím-yáfta banáte haiñ.

Rasúlon kí talímát aur Masíh kí talímát ke **usul ek** hí haiñ.

Rasúlon kí talímát se Masíh kí talímát ke matlab kí taraf tawajjuh **barh jati** hai, aur un se na sirf Masíh ke zuhúr ke wáqiát ka balki us ke natáij ka hál malúm hotá hai.

Us kí zindagí o chál o chalan aur báton se ham gunáh se khalásí aur mel aur naját jo us ke zuhúr ke natáij haiñ, páte haiñ. **Khutút** ke kholáse zail ke taur par likhe já sakte haiñ :—

Rumion ke khatt ka mazmún **rastbazi** aur us kí **zururat o asliyat** aur us ke **natáij** haiñ.

Wuh ek bunyadí suwál ka jawáb hai, ki “Insán Khudá ke sámhne kis tarah rástbáz thahre?”

Qurintion ke khutút dunyáwí mizáj ke muqábale men **Injil** ke **Ilahi ikhtiyar** ko jatáte haiñ, aur us dawé ko pesh karte haiñ, jis se insan kí aql us kí tabidar honi **chahiye**, aur **kalisiya** kí **zindagi** kí **rah-numai** ke liye nasihat karte haiñ.

Galation ke khatt un logon ko jo Yadúdí kalisiyá ke rasúmát kí gulámi se utár hojete the, yih talím detá hai, ki **Injil** ruhani azádegi bakhshiti hai.

Afsion, **Filemon**, aur **Qulussion** ke khattat **Khudá** ke abadi irade aur kalisiyá ki kamiliyat ko jo Masíh men hai, pesh karte hai.

Tassabun ke khatt **Masih** ki amad ki yaqini ummed kí talím dete hai.

Timtaus aur **Filemun** ke khatt **Khádím ud-dín** ke mi-zaj o usul aur kam ka bayan karte, aur un faraiz ko jo kalisiyá par hai, zahir karte hai.

Ibranion ke khatt se yih malúm hotá hai, ki **Purane** aur **Nae Ahd** men ek iláqa hai, aur yih kí iláqa i mazkur **Khudá** ke muqarrar kiye hue taríq ke muqábale men hai.

Yaqub ke khatt men jaisá **Pulus** rasúl kí talím men **iman** par zor hai, waisá hi is bát par bhi zor diya gaya hai, ki **Aamal** men rástbázi aur r hai. Jab wuh **Injil** par gaur kartá hai, to yih sochtá hai ki **Injil shariat** ká purá honá hai.

Patrus ke khatt ká kháss mazmún ummed hai.

Us ne **Masíh** ke **dukh** ká musháhada kiyá thá, aur yih intizár kartá thá ki **Masíh** ke **jalal** men sharík ho, jab wuh **Injil** par gaur kartá hai, ki **Injil nubuwat ka pura hona** hai.

Yuhanna ke khatt ki khássiyaat muhabbat hai. Jab wuh **Injil** par gaur kartá hai, to yih sochtá hai, ki **Injil Khudá** kedil ká zuhúr hai. Us ká paigám yih hai, ki **Khudá** ne pable ham ko piyár kiya, liházá ham ko cháhiye, ki **Khudá** aur bháion ko piyár karen.

(*Schaff History of the Church, jild 1, safha 551.*)

Yahuda ká khatt us **iman** kí jo **Muqaddason** ko bakhshá gayá, koshish karne ke liye targíb detá hai.

Mukashafat Nae Ahd ke nubúwat kí kitáb hai. **Muk. 1: 1** ; aur **22: 6**. Wuh **Yisú Masih** ke sab kam ke nataij o ikhtitam ko jo insán kí hálát se mutaalliq hai, bayan kartá hai. Us ká mazmún yih hai, ki "Main jald átá hún."

II. Talimat ki taraqqi ke usul.

1. **Yaganagat**. **Khudá** ke zuhúr kí taraqqí **Purane Ahd** náme men bá-áhistagí hui, jis ká pata chalaná mushkil hai. **Khudá** ne ibtidá men ap ko is taur se zahir kiyá, ki usúl jo insán kí liyáqat ke muwáfíq the, un ko batlae.

Saikarōn baras ke arse men yih usūl safāī se un ke sāmhnē pesh kiye gae, aur jis qadr un kī liyāyat barhtī gaī, usī qadr aur nae usūl diye gae. (*Progress of Doctrine safha 43.*)

Nae Ahd-nāme men Khudā jis ne agle zamāne men Nabīon ke wasīle Kalām kiyā, apne betē ke zarīe se bolā. **Ibr. 1: 1-2.**

Is waqt se barābar jald jald talīm kī taraqqī hotī gaī. Ek insān kī zindagī ke zamāne men hāl ke zamāne kī kull Injīl munkashif ho gaī, par khilqat kī paidāish ke ahwāl se rasūlon kī pukār tak “*Āmīn A*” “*Khudāwand Yisū ā*” sab bāten ek hī aql se jāri hūī, aur yih sab ek hī mazmūn hai, jis kī pesh-khabarī hūī, jo zuhūr men āyā, aur jis kā bayān hūā, aur jo insān ko milā, Yisū Masīh ke zarīe se zuhūr men āyā. Qadīm zamāne men Muqaddas logon ne jaise Rūh ul Quds ne hidāyat kī, waisī talīm dī. Yisū ne Rūh ul Quds kī quwat se sikhlāyā; aur wāda farmāyā, ki Mere shāgirdon kī talīm Rūh se hogī. **1 Qur. 12: 4-7.**

2. **Haqiqat.** Nae Ahd-nāme kī talīm mahz khiyālī o zihnī nahī hai, balki wāqīāt ke natāij hain. Jab pahle wāqīāt guzar chuke, tab un ke natāij kā bayān hūā. Kalām mujassim hūā. Khuda kā betā zinda rahā, dukh uṭhāyā, mūā, jī uṭhā āsmān par urūj farmāyā, tab jo talīm o najāt Masīhī chāl o chalan kī, un wāqīāt i guzashta par mabnī thī, pesh kī gaī. Masīhī talīm bagair us tārīkh ke, jis ke zarīe se wuh talīm dunyā meṃ pesh kī gaī, nahīo sikhlā sakte hain

3. **Zindagi.** Khudāwand Masīh kī talīmāt na sirf us kī zindagī aur maut aur jī uṭhne se ilāqa rakhtī thī, balki us ke shāgirdon kī zindagī meṃ us ke manē ziyāda sáf hūe, aur us kī na sirf manādī kī gaī, balki wuh logon ke tajribe meṃ āī, aur jitne ādmī un talīmāt ko ikhtiyār karte the, aur jinhon ne un ke mutābiq zindagī basar kī, aur us ke natāij kī gawāhī dī, utne hī us ke manē ziyāda sáf hūe. Jo Kalām Khudāwand ne insān se kahā thā, wuh Rūh i Pāk se insān ke dilon meṃ kahā gayā. Sachāī us ilāqe ke sabab se aur ziyāda zor-dār ho jātī hai, jo sachāī ke zāhir karnewālon ko Masīh meṃ paiwand kā ek sabab hai, aur jis meṃ wuh auron ko bhī shāmil karnā chāhte hain.

4. **Taraqqi** Chūnki wuh talīm ek hī aql ke zarīe se zāhir hūī, aur wāqīāt ke silsile par mabnī hai, aur insān kī tajribakārī se zuhūr meṃ āī, lihāzā aql chāhtī hai, ki ham ko

us men taraqqí ba-tadríj pái jae. Pahle Masíh kí khidmat jo us ne zamín par kí, samajhná cháhiye, tab us kí ásmání khidmat aur Rúh ul Quds ká kám samajh men áwegá. Pahle us ke kám aur fazl ko ján len, to píchhe ham un logon ke chál o chalan ke qawáid o talím ko samajh sakte hain, jo us ke shágird the. Agar ham bunyád kí báton ko na samajh len to Baibal ke ákhirí hisse samajh men nahín á sakte hain, lekin bunyádí usúlon men aksar aisí báten miltí hain, jo ákhirí báton se záhir hún. Ham ko lázim hai, ki dúsre ke sikháne ke liye is taraqqí kí tartíb par liház rakhen. Pahle un báton kí, jo Masíh se taalluq rakhtí hain, phir Khudá kí bádsháhat kí báton ko jo shágirdon men qáim hún, talím dená cháhiye. Pahle wuh báten jo maujúda aur guzashta zindagí kí nisbat hain, aur jo Masíh ke áne kí ráh taiyár kartí hain, batání cháhiyen. Phir Khudá kí bádsháhat kí ná-dídaní laráíon ke aur un ákhirí natíjon ke záhir karne kí koshish karní cháhiye, jo us waqt samajh men áenge, jab hál kí báten guzar jáengí, aur sab báten naí ho jáengí. Aur yih ánewálí báten un logon ke bhí, jo niháyat safáí se khabar diye gae the, hamesha un báton se kam samajh men áengí, jo maujúda o guzashta hálát se niháyat iláqa rakhtí hain. [Nae Ahd-náme men ham zail kí báten mundarij páte hain :—

(a.) **Masih ki zat**, aur us ká zuhúr jism men, aur us kí báten jin kí talím jism men hoke dí.

(b.) **Kalisiya**, jo us ká badan hai, aur Rúh ul Quds ká intizám, aur us kí báten, jo insán ke tajribe men áíq, jis se aisí zindagí ká zuhúr húa, jo ásmán se paiwasta aur Khudá men Masíh ke sáth poshída hai.

Nayá Ahd-náma Khudá ká wasíla hai, jis se dunyá men ek chuní húi qaum aur ek abadí jamáat, jo aur sab kí jagah men hogí, aur jis ká anjám yih hogá, ki Khudá kí kámil bádsháhat záhir hogí, taiyár hotí hai.

(c.) **Zamini waqiat ka ikhtitam**, dunyá ká ákhir murdon ká jí uṭhná, Khudáwand kí ámad, ákhirí ádalát, naí makhlúq aur abadí zindagí.

Is taraqqí ke asná men un wajúh se jo ba-ásání malúm honge, cháron Injíl kí talímát kí ba-nisbat nae Ahd-náme ke ákhirí hisse kí talímát kí tartíb kisi qadr aur hai. Masíh aur us ke wuh taalluqát jo wuh apní bádsháhat se rakhtá thá, safáí se záhir nahín ho sakte the, jab tak us ká kám zamín par púra na húa thá.

Ab ham taiyar hain, ki un talimat par gaur karen, jo Aamal aur khutut men pai jati hain, jis ko ham zail ki bárah taq-símon men ba-tartíb likhte hain :—

I. Yisu Masih. us kí talímát kí bunyád ká ma... Khudá kí bádshánat thá, aur Rasúlon kí talím kí bunyád ... mazmún Yisú Masih thá. We apne sunnewálon ko us kámil aur abadí jamáat kí taraf tawajjuh díáté the, jis ká Masih bádsháh thá. Masih ne bádsháhát kí manadí kí, us ke rasúlon ne bádsháh kí manadí kí. Rasulon kí talím kí máhiyat aur a-l Masih ká jism men aná aur Us kí quddusiyat o muhabbat aur sachái aur us kí qurbaní salíb par aur us ká jí uthná, aur urúj karna, aur us kí ásmání jaláli zindagí, aur us kí huzúrí shagirdon ke sáth, aur un men rahná, us kí ámad aur us kí bádsháhát.

Qul. 2 : 3. (*Progress of Doctrine safha 75.*)

Unhon ne ádmíon ko gunáh se gir jáne kí nisbat aur us garhe kí nisbat jo Khudá Báp aur un ke darmiyán thá, jis ke us taraf na we jáne cháhte the. aur na táqat jane kí rakhte the, talím dí : aur yih ki achchhá garariyá un ke dhúndhne aur barháne ke liye áyá hai, aur yih ki rástbáz ne na raston ke liye ap ko diyá, murdon men se jí uthá, ásmán par charh gayá, hamáre wáste sífárish kartá hai, aur yih ki wuh Khudá ke pás hamári rástbází ká báis hai, aur ham ko girne se mahfúz rakhtá hai, aur ham ko apne jalál men qubúl karegá.

Unhon ne Masih ko is taur se pesh kiyá, ki wuhí sab báton ká mákhz o markaz hai, aur usí ke liye sab kuchh paidá húa,

Qul. 1 : 16, 17, aur un rishton ká jo wuh Khudá se rakhtá thá, jis se ulúhiyat ká asl jalál záhir húa, **Ibr. 1 : 3 ; Qul. 2 : 9,** aur un iláqon ká jo wuh insán se rakhtá thá, jis se záhir húa, ki wuh un kí najat ka bani hai **1 Tas 5 : 9, 10 ; Yuh 4 : 14. Ruh ul Quds ka bakhshnewala** hai, **Aamal 2 : 33. Nai Paidaish ka bani,** **2 Qur 2 : 17. Zindagi ke Kalam ka sar-chashma** hai, muqawala karo, **Yuh. 1 : 1, 4 ; 1 Yuh. 1 : 1,** aur **5 : 20 se. Shagirdon ki zindagi hai,** **Qul. 3 : 4. Kalisya ka sar** hai, **Qul. 1 : 18 ; 1 Yuh. 5 : 12. Hamesha shagirdon ke liye fikr** aur un men sukunát kartá hai, **Ibr 13 : 5, 6. Khudá ke pás pahunchne ka wasila** hai. **Afs. 2 : 18. Sabhon ke ji uthne ke yaqin ka bais** hai, **1 Qur. 15 : 20-22. Akhiri munsif** hai, **2 Qur. 5 : 10. Kámil jamáat ká jo Khudá kí bádshahat** hai, abadí hakim hai. **Muk. 11 : 15.**

11. Najat ki rah. Masíh ne khud talím dí, ki naját mujh par bharosá rakhne aur gunáh se tauba karne aur mujh ko apní qurbání samajhkar qubúl karne se hotí hai.

Masíh kí maut ke bad rasúlon ne is talím kí nisbat hamáreí waqfiyat barháí.

1. Us kí **zarurat**. Sab log naját ke hájatmand hain, kyúñki sabhon ne gunáh kiyá, **Rum. 3 : 23.**

2. Us kí **haqiqat**. Yisú Masíh ke zari'e se naját ká intizám hai, **Galation 3 : 13 ; Afsion 1 : 7.**

3. Us kí **bunyaden**. Insán kí najat Masíh ke salíb par qurbán hone ke wasí'e se húi. Yih wáqia, yane maut, Khudá ke iráde ke mutábíq húi, **Aamal 2 : 23.** Insán ke gunáhon ke sabab húi, **1 Patrus 2 : 24 ; 1 Qur. 15 : 3.**

Yih maut ek aisi ráh kholne ke liye húi, jis se insán Khudá ke nazdík já sakte hain, **Ibr. 10 : 19, 20 ; 1 Patrus 3 : 18.** Koí aur ráh nahín hai, jis se insán naját hásil kar sake, **Aamal 4 : 12.** Yih intizám sabhon ke liye káfi hai, **1 Yuhanna, 2 : 2 .**

4. Us ke **wasail**. Gunáh se tauba karná, **Aamal 3 : 19.** Apne taín Masíh ke supurd karná, **Aamal 10 : 43.** Aur us kí farmán-bardáreí karne se naját hásil hotí hai. Imán o farmán-bardáreí-lázim o malzúm hain, kyúñki jo imán látá hai farmán-bardáreí kartá aur, aur jo koí tauba karke Masíh ko naját-dihinda aur Khudáwand mántá hai, imándár giná játá hai, aur ba-wasíle Masíh ke aur sab imándáron ke sáth Khudá tak pahunch saktá hai. **Aamal 15 : 9.**

5. **Najat**. Imán lánewále Khudá kí rahmat se aur imán ke zari'e se jo wuh Masíh mein rakhte hain rástbáz gine játe hain, yane Khudá ke fazl se jo un ke gunáhon ko muáf kartá aur Masíh kí rástbází un ko pahunchátá hai, **Rumion 3 : 24 ; aur Titus 3 : 7.**

Ham imán láke fazl ke sabab rástbáz gine játe hain, tau bhí imán akelá nahín, magar nek kámon se misl darakht ke hamesha phal se bárwar rahtá hai. (*Schaff, History of the Christian Church*, jild 1 safha 536.) Is rástbází ká natíja yih hai, ki hamára mel Khudá se ho játá hai, **Rum. 5 : 1.** Aur ummed rakhte hain, ki ham us ke abadí jalál mein sharík honge, **1 Patrus 5 : 10.** Yih ummed aisi qawí aur aisi bunyád par qáim hai, jo yaqíní hai, **Ibranon 6 : 19, 20.** Pas naját kí hájat sabhon ko hai, aur sabhon ke liye maujúd hai, aur sabhon ko Yisú Masíh kí qurbání ke zari'e se

milti hai, aur jo tauba karte aur us par imán late haiñ, wuh use hasil karte aur rástbázi K̲hudá muft men bakhshatá hai. Aur K̲hudá se mel aur abadí zindagí ká yaqín imándár ko usí naját se hasil hotá hai.

III. Ruh ul Quds kí nisbat K̲hudáwand Masíh ne talím dí, ki wuh ek aqnum hai, aur shágirdon ko fauq ul ádat qúwat bakhshatá hai, aur insán par sachái ká záhir karnewálá, aur imándáron ko Masíh ká dikhlánewálá hai. aur un men bastá hai.

Aamál aur k̲hutút men in usúl ká hál khúb tafsíl se páyá játá hai, aur un logon ko jo Yisú Masíh par imán late haiñ Rûh ul Quds bakhshá játá hai, **Aamal 2 : 33**. Masíh ko un par záhir kartá hai, **1 Qur. 12 : 3**. Aur un ko us naját tak jo Masíh men hai, pahunchátá hai, **Titus 3 : 5**. Aur batlátá hai, ki we K̲hudá ke farzand haiñ, **Rum. 8 : 16**. Aur yih bhí batátá hai, ki kyúñ us ke farzand haiñ. **Rum. 8 : 14**. Aur duá karná síkhátá hai, **Rum 8 : 26**. Aur un ke badanon ko K̲hudá kí Muqaddas Haikal banátá hai, **1 Qur. 6 : 19**. Aur K̲hudá ke wadon kí muhr un par lagátá hai, **Afsion 1 : 13**.

Is taur se un men bastá hai, ki goyá aalá darje kí tamíz i aqlí aur Iláhí rahnumá aur saláhkár un ká hai.

Rûh ul Quds Masíhí Kalísiyá ká bání hai, **Aamal 2 : 38, 41**; aur us men rahtá hai, **Afsion 2 : 22**. Aur us ke shari-kon ko wuh niámateñ detá hai jis se Masíh kí k̲hususíyat un men paidá ho játí hai. **1 Qur. 12 : 3-16**. Wuh Masíhí k̲húbíon kí jar hai, **Gal. 5 : 22**. Aur k̲hásskar ummed aur k̲hushí ká sotá hai, **Aamal 13 : 52 ; 1 Tas. 1 : 6**.

IV. Nai Paidaish. Rasúlon ne talím dí, ki naí paidáish K̲hudá ka ek fiál hai, jis se naí paidáish hasil karnewálá K̲hudá ká jalál Yisú Masíh men dekhtá hai, **2 Qur. 4 : 6 ; Gal. 1 : 16**. Aur Masíh kí bádsháhat men shámil ho játá hai. **Qulussion 1 : 13**. Wuh ek aisí tabdílí ká shurú hai, jis se wuh darja ba darja Masíh ke mizáj par Rûh ul Quds kí qúwat se hotá játá hai, **2 Qur. 3 : 18**.

K̲hutút men is tabdílí ká bayán zail ke muháwarát men páyá játá hai. "Gunáh men murda," "Rúhání zindagí," "Tárikí," "K̲hudáwand men roshní," **Afsion 5 : 8**.

Yih K̲hudá ká kám hai, **Afsion 2 : 8**. Aur safái se yih bayán páyá játá hai, ki har ek shakhs jo apne taín K̲hudá ke hawále kartá aur us ke fazl ke liye duá mángtá hai, K̲hudá kí bakhshish se naí paidáish hasil karegá. **Aamal 16 : 31**.

V. Zindagi ka Kalam. Muhabbat kí shariát jis kí talím Masíh ne dí us meñ hai. Rís loñ ne is shariát ko un logon kí roz-marra kí zindagi ká qonún thahrayá jo is gunáb álúda dunyá me: Masíhí hokar ek दूसरे ke sath rahte the.

Yisú Masíh ne farmáya thá, kí Puraná Ahdnáma sachchá aur Nawishta e lláhi thá. **Mati 5 : 17, 18, Yuhanna 10 : 35.** Aur yih kí merá Kalám Khudá ká Kalám hai, **Yuhanna 8 : 28, 12 : 49, 14 : 24,** aur yih kí rasúl Rúh ul Quds ke sikhláne se Masíhí talím insán ko denge, **Yuhanna 14 : 26, 15 : 26, 27; 16 : 13.**

Rasúlon ne kahá, kí Masíh kí samajh ham meñ hai, **1 Qur. 2 : 16.** Aur yih kí Khudá kí Rúh ham ne hásil kí, taki ham Khudá kí báton ko samjheq, aur yih kí ham un báton ko Rúh ul Quds kí hidayat se sikhláte haiq, **1 Qur. 2 : 12, 13.** Aur yih kalám jo ham sikháte haiq, insán ká kalam nahín balki Khudá ká Kalam hai, jo qudrat ke sáth imándaron meñ tásir karta hai, **1 Tas. 2 : 13.** Unhon ne sikhlayá, kí ba-wasíle zindagi ke kalám ke insán náí paidáish hásil karte haiq, **1 Pat. 1 : 23 ; Yaqub 1 : 18.** Iman us ke wasíle se paidá hota hai, **Rum. 10 : 17.** Wuh sab imándaron meñ bahutayat se rahegá, **Qul. 3 : 16.** Wuh Rúhání khurák hai, **1 Tim. 4 : 16; 1 Pat. 2 : 2.** Wuh imándaron ko har ek nek kám ke liye taiyár karta hai, **2 Tim. 3 : 16, 17.** Aur Rúhání qudrat bakhshta hai, **1 Yuh. 2 : 14.** Lihazá Khudá ke Kalám par gaur karná, us ko khurák samajhná aur us par amal karná zurúrí amr hai.

VI. Masih men hoke zindagi.

Har shakhs jo Masíh ká shágird hai, ap meñ zindagi kí ek nai asl rakhtá hai. **Pat. 1 : 23 ;** jis ká bání Masíh hai, **Yuh. 6 : 68.** Us zindagi kí ek khássiyyat **Ruhani** hai, **Rum. 8 : 6.** Wuh abadí hai, **1 Yuh. 5 : 11, 12.** Aur jis Rúh ne Masíh ko murdon meñ se jiláya wuh ab imándaron meñ rahtí, un ko náí tahrík detí hai aur un ke badanon ko jo zindagi kí nai asl se asar páe hue haiq, zinda karegi, **Rum. 8 : 9, 11.** Khutút meñ Khudá kí bádshahat ká har sharik aisá ní tasawwur kiyá jatá hai, aur wuh khutút ham ko nae álam í khíyál kí taraf khíochte haiq. Imándar log “Masíh meñ” tasawwur kiye játe haiq. We Masíh ke sab aamál meñ jo kuchh wuh karta hai yá rakhtá hai, sharik haiq. We usí ke sáth mar gae aur us ke sáth hí jí uthe, aur us ke sáth rante haiq, aur muntazir rahte haiq, kí us ke sáth hukúmat karenge. Masíh bhí “Un meñ” hai,

un ke aqzā Masih ke azw hain, us kī rūh un men, aur un sab k̄hiyālāt men aur sab kāmōn men aur irādōn men aur sab guftogū men hai, aur un kī zindagī ko aisā tabdīl kartī hai, ki we Masih men rahte, aur Masih un men rahtā hai. (*Progress of Doctrine* safha 182.)

Un par yih hukm hai, ki pākīzagi ke qawānīn ke mutābiq apne badan ko pāk rakhen, kyunki un men Rūh i Pāk rahtī hai. **1 Qurintion 6: 19 ; 1 Yuh. 3 : 3.** Chūnki we yih naī zindagī jī ut mawle Masih men basar karne lage, Khudā hukm detā hai, ki usī ke mutābiq zindagī basar karen aur ki we us kī nisbat k̄hiyāl karen, aur uchīzōn kī jastojū men lagerahen, jo Masih se jalāl ke sāth zāhir hotī hain, **Qul. 3 : 1, 4.**

VII. Masihi kalisiya ; ek aisā intizam jamaat ka hai, jis men we log shāmil hain jo Masih men naī zindagi basar karte hain, aur usī se mel rakhte hain, jo kalisiyā kī rah-unmāī aur zindagī hai, **Rumion 12 : 4, 5 ; 1 Qur, 12 : 12, 27.** Is jamāat ke intizām kā anjām yih hogā, ki sab jo Masih par imān late hain, yāne jo zamīn aur āsmān par hain, us jamāat men shāmil hongē, **Afsion 1 : 10 ; Ibr. 12 : 22 24.**

VIII. Intizam i Ilahi, Khudawand Masih ne talīm di, ki Khudā hamara Bāp hai, jo hamesha apne farzandōn ko piyār kartā hai, aur un kī khabar letā hai, aur jo bachchōn kī mānind us par bharosā karte aur us ko piyār karte hain Usko pasand āte hain. Rasuloṅ ne sikhlāyā, ki dunyā ke paidā karne men Khudā kā irāda yih thā, ki un ko jo Masih kī sūrat men phir nae ho jāen k̄hilqat kī sab se bihtar chīzen de, **2 Qur. 4 : 14, 15 , 1 Qur. 3 : 21-23,** aur yih ki sab chīzen Khudā ke intizam se milne un ko jo use piyār karte hain fāida pahunchatī hain, **Rum. 8 : 28.** Wuh qudrat jis ne Masih ko mardon men se jilava un par jo us ko piyār karte hain, barakat kī tāsīr hai. **Afsion 1 : 18-23.** Maujūda chīzen Khudā ke farzandōn ke istiqmal ke liye hain, tāki un ko **kamaliyat tak pahuncha dewen** **1 Qur. 3 : 21-23 ; 2 Qur. 4 : 5.**

IX. Dua. Rasū'ōn ne unhīn batōn par ziyāda zor diyā, jo Masih ne duā kī nisbat talīm kī thīn, k̄hāsskar is bāt par ki Masih kā sā mizaj rakhkar aur us ke nām se bhī duā karnā chāhiye, aur yih ki Masih kā zafāra jo hamāre gunāhōn ke liye huā, us ke zarfē se insān Khudā tak pahunch saktā hai, **Ibranion 10 : 19-22** aur yih bhī ki nit duā māngte rahnā chāhiye, **Afsion 6 : 18 ; 1 Tas. 5 : 17** aur yih ki duā Khudā ke sāmhnē barī tāsīr kartī hai, **Yaqub 5 : 16.**

X. Ji uthna. Masíh ne apne shágiñdon se kahá thá ki Main khud murdon men se jí uthúngá, aur dúson ko jiláúngá, Rasúl kháss isí bát kí gawahí dete haiñ, ki wuh dar-haqíqat jí uthá, yihí un ká kháss kám thá, **Aamal 1 : 22 ; 4 : 33, Rumion 1 : 4.** Masíh ká jí uthná hí ek aisí bunyád hai, jis par ímándáron kí ummed qáim hai, Masíh ne un ko talím dí ki mere zinda hone ke sabab se tum bhí zinda rahoge, aur Rasúlon ne manádi kí, ki **Masih imandaron ke dilon men rahne ke sabab se jalal ki ummed hai. 2 Qur. 4 : 14 ; Qul. 1 : 27 ; 1 Pat. 1 : 3-5.** Masíh murdon men se jí uthá, liházá sab jí uthenge, **1 Qur. 15 : 22 ; Rum. 5 : 17** aur jo badan ímándáron ko jí uthne ke bad milegá wuh ruhani **1 Qur. 15 : 42-44** aur abadi hogá, **2 Qur. 5 : 1.** Yihí sirf ímándáron kí ummed hai aur isí khiyál se farmán-bardári aur khidmat ká shauq paidá hotá hai, **1 Qur. 15 : 58 ; Filippion 3 : 10, 11.**

XI. Akhiri adalat. Masíh ne talím dí, ki ek adálat zamána íhál men ho rahí hai aur ek zamána íáyinda men muqarrara waqt men hogí aur main khud munsif húngá. Rasúlon ne khásskar in do ákhirí báton par zor diyá, aur kahá ki Khudá ne adálat ká din muqarrar kiyá hai, aur isí muqaddame ko pesh karke unhon ne isrár ke sáth tauba karne kí manádi kí, **Aamal 17 : 31 ; Rum. 2 : 16.** Unhon ne batáyá, ki **Masih munsif hogá,** aur is wajb se ki Murdon men se jí uthá yaqín karte the, ki wuh is kám ke liye muqarrar hai, **Aamal 17 : 31** aur kull murda aur zinda insán us ke sámhne adálat ke liye házir honge, **Rum. 14 : 10 ; 2 Tim. 4 : 1** aur insáf khásskar logon ke un aamál ke muwáfíq hogá jo unhon ne is dunyá men kiye, **2 Qur. 5 : 10** aur yihí ki har ek ká insáf alag alag hogá, **Rum. 14 : 12** aur yihí ki har shakhs ke kámon kí yád-dásht us din mulábaza hogí, **Muk. 20 : 11-13** aur har shakhs thík thík, wáqiát ke mutábíq gawáhí degá, **1 Qur. 3 : 13** aur is ákhirí adálat ke din khiqat men yane ajsám i máddí men bhári inqilábát honge, **2 Pat. 3 : 7-13.** Un logon par jinhon ne burái kí hai sazá ká hukm ho chuká, magar bá qáida us waqt tamíl hogí, **Yahudah 16 ayat ; 2 Pat. 3 : 4-9.** aur jin logon ne burái kí hai sazá aur jin logon ne bhalái kí hai badlá páwenge, **Rum 2 : 5-11.** Usí din sab ádmíon ká khwáh unhon ne Injíl ko suná ho yá na suná ho insáf hogá. **Rum. 2 : 12-16.** aur agar Injíl un ko nahín pahunchí hai to un kí tamíz i aqlí ke mutábíq un ká insáf

hogá ; aur jo log shariát ko nahín jánte the to un ká bhí hisáb un kí tamíz iʿaqlí kí pairawí ke mutabiq hogá, **Rum. 2 : 14, 15.** We jo shariát se wáqif the wuh us wáqfiyat ke sabab se rástbáz na thahrenge, kyúnci shariát ke zarié se unhon ne sirf gunáh ko pahchaná **Rum. 3 : 19, 20.**

Par jinhon ne ap ko mujrim jáná, aur gunáh ká iqrár karke Masíh ko apná Naját-dihinda aur Khudáwand qubúl kiyá, un par sazá ká hukm nahín rahá. **Rum 8 : 1-4.** We Yisú Masíh par ímán lāne ke zarié se jise Khudá ne pesh kiyá, ki gunahon ke liye kafāra ho, rástbáz thahrae jāenge, **Rum 3 : 25 ; 5 : 1 ; 2 Qur. 5 : 21.** Adálat ke din un logon ko jinhon ne apní zindagi Masíh ko somp dí aur us kí kbid nat kí hai jalá lí ímán milegá, **2 Tim 4 : 8.**

Jo adálat ke din rástbáz thahrenge wuh maqbúl hongē, aur un ke natáij yih hongē, ki wuh abadí salámatí aur mubáarak-bádí meñ dākhl hongē, aur is salámatí o barakat se murád Masíh kí mánind honá hai, **1 Yuh. 3 : 2.** Aur us kí jalá lí mírás meñ sharík hongē, **Rum. 8 : 17, 18.** Is jalá lí mírás kí khúbí o raunaq aisi hogí jo bayán se báhar hai, kyúnci na ham ne usko kabhí dekhá aur na kabhí suná aur na jis kí nisbat kisi chíz se tashbíh de sakte hain, **1 Qur. 2 : 9.** Lekin Khudá ke wadoñ meñ is ká ishára payá jātá hai, ki kharíde hūe logon ko jalál ke táj milenge, **1 Pat. 5 : 4;** aur Khudá-wand Masíh ke sáth us ke takht par baiṭhege aur abad tak Khudá ke shahr yāne nae Yarusalam meñ shahrí hokar rahege, **Muk 3 : 12.** Sharíron ko adálat ke din do qism ke natíje milege; pahle gunáh ke qudratí natáij yāne un kí wuh liyáqat jis se pák khushí hásil kar sakte the nest ho jāegí, दूसरे wuh sazá jo Masíh kí taraf se hogí. Masíh ne sikhláyá, ki adálat ke bad rástbáz aur sharíron kí hálát, abadí hogí, **Mati 25 : 46.** Adálat ke bad jo hálát sharíron kí hogí, wuh Masíh kí talím se malúm hotí hai, aur Rasúlon ne us kí nisbat aur kuchh naí báteñ apní taraf se zāhir na kíñ. Unhon ne yihí talím dí, ki abadí sazá yih hogí ki we Masíh kí buzúrí se kharíj kiye jāenge, **2 Tas. 1 : 9,** aur jo tamsílát Masíh ne bayán kíñ unhiñ kí do-bára talím unhon ne dí, muqábala karo, **Mati 25 : 41 ; Marqus 9 : 43, 44, 46 ko Muk. 20 : 15 ; 21 : 8 se ;** un ke kbiyálát hamesha ásmání roshní jo un par chamaktí thí, us par rahte the, magar unhoñ ne jahannam ká hál nahín kholá.

XII. Khuda ka shahr. Rasúl K̄hudá kī bādsháhāt ke jalál aur us ke kamál kī taraf jo áyinda zamáne meḡ hogá, ishára karte haiṅ, jis ká ágáz isí zindagí ke zamáne meṅ hotá hai, aur jis meṅ Masíhí kalísiyá hálāt i maujúda se nikalkar kamál husn ke sáth jalwagar hogí. **Afsion 5 : 27.** Us kī k̄hushí ruhání aur wahan ke bāshindon kī k̄hwābish ke mutábiq hogí, **Rum. 14 : 17 ; 1 Qur. 15 : 50.** K̄hudá ke farzandon ko yaqín hai, ki us meḡ rahne ká baiqna un ke pás hai, par ab tak us kī púrí raunaq un par zāhir nahín húi, **1 Yuh. 3 : 2.** Naí Firdaus ba-nisbat purání Firdaus ke badarja i gáyāt k̄hush-numá aur raunaqdār hogí, **Muk. 2 : 7 ; 22 : 2-5.** Nayá Yarúsalam Muqaddason ke rahne kī abadí jagah hai, **Muk. 3 : 12.** Us ká jalál us shakhs ká jalál hai, jo ham ko k̄harídne ke liye maslúb húa, aur hamesha tak muhabbat ke sáth us par hukúmat karegá, **Muk. 21 : 22, 23,** jo us meṅ dákhil hongē, un kī mubáarak hálāt bayán se báhar hai, **Muk. 22 : 14,** aur we mubáarak hongē jo K̄hudá ke beṭe kī mánind aur aur logon ko bhí us ke phátak ke andar pahuncháte haiṅ, **Yaqub 5 : 19, 20.** Logon ke sámhne Masíh ko is taur se pesh karná chahiye, ki we us ko pahchanen aur mánen ki wuh K̄hudá ke shahr ká abadí bādsháh hai, jis ne dákhil honewálon ko apne k̄hún se k̄haríd liyá hai. Yih k̄hidmat aalá darje ká haqq hai jo insán ko baḡhshá gayá hai, “Jis kī k̄habar dekar ham har ek ádmí ko nasíhat karte aur har ek shakhs ko kamál dánái se sikhláte haiṅ, táki ham har ek ádmí ko Masíh Yisú meṅ kámil karke házir kareḡ” **Qul. 1 : 28.**

SUWALAT.

1. Nae Ahd-náme meṅ Injíl kī talím ke zāhir karne ke liye kaun se tén darje haiṅ ?
2. K̄hutút aur Kutub i Ambiyá ke taríqa e talím meṅ kyá farq hai ?
3. Rasúlon ne Masíh kī talím ká asl matlab jo chāreḡ Injíl meṅ páyá jātá hai, us ke kholne ke liye kyá kyá báten aur baḡháí haiṅ ?
4. Har ek k̄hatt ká aur Kitáb i Mukáshafát ká mazmún batláo ?
5. Wuh chār usúl kyá haiṅ, jin se talímát meṅ darja badarja taraqqí húi hai ?

6. Auron ko talim dene men ham kis tarah se in usul par lihaz rakhen ?

7. Nae Ahdname ke tin mazmun tartibwar batlao ?

8. Barah talimat jo Aamal aur khutut men batai gai hai, bayan karo ?

9. Rasulon ki aur Masih ki talim ke khas mazmun men kyá farq tha ?

10. Rasulon ne apni talim men Masih ki zat ko kis tariq se pesh kiya ?

11. Tariq i najat ki nisbat kaun si panj baton Rasulon ne sikhlai ?

12. Yih batao, ki iman lanevalon ke dilon men Ruh ul Quds kyá tasir kartá hai ?

13. Aur kalisiya meo Ruh i Pak ki tasir kyá hai ?

14. Rasulon ne kis tariq se nai paidaish ki talim di ?

15. Rasulon ne muhabbat ki shariat ko kis tarah se istiamal kiya, aur karaya ?

16. Unhon ne zindagi ka kalam kis tarah bayan kiya ?

17. Unhon ne us ilaqe ki nisbat jo darmiyan Masih aur iman lanevalon ke hai, kyá bayan kiya ?

18. Unhon ne Masih ki kalisiya ki nisbat kyá talim di ?

19. Rasulon ne apne is yaqin ka ki “ Khuda apne logon ki hifazat aur rahnumai kartá hai, kyá sabab batlaya ?

20. Rasulon ne dua ki nisbat kyá talim di ?

21. Unhon ne iman lanevalon ki ummed kis bunyad par dali ?

22. Unhon ne har ek insani ruh ki nisbat ki akhiri adalat men unka kaisa hal hoga, kyá talim di ?

23. Khuda ke huzur gunahgar kis taur se راستباز ho saktá hai ?

24. Wo jo راستبazi hasil karte hai, akhiri adalat men unka kyá anjam hoga ?

25. Aur sharon ka kyá anjam hoga ?

26. Jab sab chizon ka khatima hoga, to akhiri o mustaqil intizam Nae Ahdname ki talim ke mutabiq kyá hoga ?

27. Wazir ka sab se bhari kam kyá hai ?

T A T I M M A .

PAHLA HISSA:

PAHLA BAB.

KHUDÁ ne jo talím pahle pahal Baní Adam ko dí thí, us par ham ne is sabaq men nazar i sání kí hai. Khudá ká iráda is se yih thá, ki pahle muhtadion ko aur un ke wasíle se tamám dunyá ko naját ká matlab batáe, aur jis tarah se is ibtidáí jamáat ko is mazhab i Iláhí kí talím o talqín us ne kí hai us se bhárí usúl sachchí talím ke ham ko malúm hote hai.

1. Khudá ne faqat **usul ki sídhí sádí baten muhtadion ko síkhlaín**. Is se us kí garaz hamesha yihí thí, ki admíon ko naját ká hál batáe aur naját un ke liye muqarrar kare. Niháyat sídhí sádí baten janne se daqíq baton ke samajhne ke láiq ho gae.

Ham ko cháhiye ki hamáre shágirdon kí ruhání istiadád jaisí ho usí ke muwáfíq unhen talím den, aur hamesha yih kھیál rakhen, ki jin baton ká samajhná unhen ziyáda mushkil ho, un ke samajhne aur qabúl karne ke láiq ho jáen. Pahle waqiat ká samajhná cháhiye phir un se jo **natije** nikalte hai aur phir wuh **qanun aur qaide** jo hamáre **Khuda Bap ki nisbat** hai síkhána cháhiyen, Baibal se talím ká taríq yihí nikaltá hai.

2. Khudá ne jo baten batáin **rafta rafta batain**. Is ke kaí sabab hai, (1) Yih kí síkhnewalon men aisi istiadád nahín thí. (2) Áspás ke hálát achchhí tarah malúm nahín the. (3) Gunáh ke 'sabab se. (4) Insání ustádon men aisi liyáqat aur dánáí nahín thí. Talím ke liye waqt cháhiye. Dekhiye Khudá e Taála ne kitní muddat lagáí, ki log is qábil ho páe ki Khudá ne unhen das ahkám diye. Kitáb i Paidáish men kam se kam 25 sau baras ká ahwál hai. Aisá koí muallim nahín hai, ki jitní cbáhtá hai utní talím de sake. Lekin sachchá ustád apná kám Khudá kí madad se kartá hai, aur Khudá logon kí istiadád ko aur un kí zurúraton ko aur jo bát síkhání cháhiye, use khúb jántá hai. Is wáste us ká amal is maqúla par hotá hai, ki **mutahammil mizaj aur sabit qadam**, aur **dua mangnewale** raho.

3. Khudá ne **sachai** kí talím insán ke **tajribe ke muwafiq** dí hai. Maslan, Pahle us ne insán ko yih talím

dí, ki Sabt ká din kis matlab se muqarrar kiyá gayá. Yih nahín húa, ki chauthá hukm de diyá, balki kḥáss apne kám aur namúne se árám ke liye ek waqt muaiyan kiyá. Jab logon ne ján liyá ki Sabt ke din árám karne se badan aur rúh donoṅ ko yih fáida pahunchtá hai, aur wáqi meṅ us kí hájat hai to phir píchhekar Kḥudá ne patthar kí takhtí par yih hukm likhá ki “Tú Sabt ká din pák rakhne ke liye yád kar.” Pahlí talím Sabt ke mutaalliq árám aur pákízagi kí hai. Jab Kḥudá ke logon kí rúhání tabíateṅ ziyáda dūrust ho gain to us ne batáyá, ki Sabt ke muqarrar karne se yih matlab thá ki log merí bandagí karen, aur rúhání kḥushí aur naját hásil karen, aur do bára zinda ho kar baqá meṅ pahunchen, lekin bahut muddaten guzar gain to log in aqlá matálib ke qubúl karne ke láiq ho páe. Us ká dūsrá sabaq insán ke ghar bár ke ahwál meṅ hai. 7weṅ aur 5weṅ hukm se nahín shurú kiyá, balki is tarah shurú kiyá, ki ek mard aur ek aurat ko Bág i Adan meṅ rakhá aur unheṅ ráhat aur árám aur kár o bár diye, ki jis meṅ we donoṅ sharík hon, phir un ke ázmáish aur ranj weṅ parne ká zikr hai. Phir un kí aulád ká ahwál hai. Jab insán kí nasl barhí aur us ne quwwat pakrí, to Kḥudá ne unheṅ in tajribon ke zarié se yih sikháyá ki unheṅ ápas meṅ ek dūstre se aur Kḥudá Báp se kyá taalluqát hain, yane muhabbat aur muáf karne kí tabíat aur hifázat aur izzat, aur kalísiyá aur Kḥudá ke shahr bibisht ke halát batáe. Isí tarah darja ba-darja tajriba se tamíz i aqlí ko barháyá, chál chalan durust kiyá aur ádateṅ sambhálin,

Ham ko lázim hai, ki pahle wuh báten sikháen jo tajriba-kárí se iláqa rakhtí hain, aur ab shágirdon ke tajribon meṅ ánewálí hain. Ham ko is bát se himmat hár dená yá náráz honá nahín cháhiye, ki shágirdon ko un rúhání báton ká, jin meṅ ham bilkull mahw ho gae hain, shauq nahín hai, na un ko na jánne ke sabab se ilzám dená cháhiye. Aisí báton se talím ká zor aur ustád ká asar ghaṭ játa hai, apne shágirdon ke hál par gaur karke ham ko daryáft karná cháhiye, ki kis qism kí rúhání báten un kí istiádád ke munásib hain, aur wuh kin báton ke qubúl karne ko taiyár hain, aur jaisí un kí istiádád hai us ke muwáfiq ham ko talím dená cháhiye. Faqat ustád hí apne darje ke sabaq tartíbwár qáim kar saktá hai, aur un kí istiádád ke mutábíq unheṅ batá saktá hai.

4. Kḥudá ne logon ko aksar **misalon** se talím dí hai.

Nekí aur badí kí pahchán ká darakht, karobíon ká chamakt

húí talwár ke sáth honá, mazhabí rasmon, aur Káhin aur k̄hai ma, aur sandúq, yih sab báten súde sáde wáqíat the aur bahut log un ke asl matlab se wáqif na the. Lekin yih sab báten K̄hudá ne síkhlái thín, aur in se matlab yih thá, ki jis qadr shágirdon kí samajh barhtí jáe aur rúháníyat meṁ taraqqí karte jáen, usí qadr rúhání báton kí taraf yih talímát dalalat karen.

Talím aísí do jis se fáida pahunche aur aísí daqíq báten aur báríkían us meṁ mat nikálo jo shágird samajh nahín sakte hon. Injil ke asl wáqíat batáo aur jab munásib malúm ho jitná tum jánte ho us meṁ bhí kamí kar do. K̄hwáh ma k̄hwáh ap ko is kash-ma-kash meṁ mat dálo ki hadd se ziyáda rúhání daqíq chhoṭe bachchon ko síkhláne lago.

5. K̄hudá ne logon ko talím ke liye mazámín ke **khulason ka istiamal** bahut kiyá. Baibal kí pahlí páñch kitáben us Iláhí mazhab ke nawishte hain, jo pahle pahl insán ko atá hue the. Lekin 5wíg kitáb Istisná k̄hásskar k̄hulása i mazmún yá tafsílwar nazar i síní un mazámín kí hai jo pahle bayán ho chuke the, aur talib ilmon kí hálát tabdíl-shuda ke munásib hain. Agarchi Baibal k̄hud chhoṭí kitáb hai, lekin K̄hudá ne is Istisná meṁ chár kitábon ke k̄hulása i mazámín darj kiye hain. Injil kí sab báten jin kí talím dí jáe hamesha zihn meṁ rakho. Un ke aksar dafa parhne se mat daro aur sabaq ko aísá samjho, ki दूसरे sabaq ke liye ek sírhí hai.

SUWALAT.

1. Baibal kí taraqqí i talím ká qáida kyá hai ?
2. Rúhání sachái síkháne meṁ k̄háss k̄háss dushwárián kyá hain, aur unhen kis tarah dúr karná cháhiye ?
3. Sachái ko achchhí tarah se shágirdon ke dilon meṁ kyónkar biṭhá sakte hain ?
4. Rúhání talím ke sáth misálen dene se kyá fáida hotá hai ?
5. Sachái ko k̄húb pukhtagí ke sáth dil meṁ jamáne ká qáida i Iláhí kyá hai ? _____

PAHLA HISSA.

DUSRA BAB.

MAZHAB i Iláhí ke darja ba-darja taraqqí karne se ustádon kí hidáyat ke wáste bahut mufíd qáide nikalte hain.

1. **Khudá** ne apní talím kí bunyád is k̄hiyál par rakhí hai, ki mere tamam log mujh se mel rakhte hain. Yih bát hukúmat i Iláhí se saf zāhir hotí hai, aur Haikal ke, aur us kí ibádat ke muqarrar hone se aur bádsnāhío asírí ke wáqiāt se aur kháss kar Zabúron aur peshíngoíon se is kí tákíd páí jātí hai, aur us barguzída qaum par jo jo inqlábát guzre un se ziyáda l̄hul gayí, ki Baibal men Baibal ke Ilhám ká zikr maqsúd nahín, balki Ilhámí logon ke hálát ká zikr kháss-kar maqsúd hai.

Muqarrarí wasílon se tamam Baní Isráel **Khudá** tak pahunch sakte the, aur haqíqatan sárí qaum ke log **Khudá** ke huzúr barábar ká darja rakhte the.

Ustád kí kámyábí isí ke mutábíq chalne par munhasir hai. Us ká asl matlab yih honá chāhiye, ki har shágird aur **Khudá** ke darmiyán kámil mel qáim kare, aur isí kháss matlab ke liye har bát ko jo Baibal men likhí hai, kám men láe. Ustád táríkh se aur tajribe se aur manádí aur peshíngoí se ham ko dikhá detá hai, ki **Khudá** tumbará Munjí aur **Khudá** hokar hamesha házir hai, aur is tarah **Khudá** aur insán ke darmiyán rifáqat o mel barhtá hai, aur yih hí us ká kháss maqsad hotá hai.

2. **Khudá** ne apne logon men ibádat o bandagi ka k̄hiyál kaí taur se dālá. **Yad** ke zaríe se use qáim rakhá, jin báton kí unhon ne talím páí thí us ká bayán o izhár taríf ke kalimon se milá hotá thá. Dabúra ke aur Músá ke gít aur Zabúr aur peshíngoíon ke bahut se maqámát ba-gaur parho. Ibrání talím kí yihí kháss sifāt hai. Un kí qaum ke tamam hálát i zindagí se **Khudá**-parastí un men aisí jagah pakar gáí thí, ki mauqa o waqt par us ká zuhúr barí shán o shankat se húa. **Ummed** ke wasíle se **Khudá** ne ibádat ke k̄hiyál ko ján o tázagí bak̄hshí. Yih log hamesha **Khudá** kí taraf se barí barí báton ke muntazir rahte the. Dekho **Zabur 72 ; Yas. 61 ; Mikah 4**. **Khudá** ne is ibádat ke k̄hiyál ko **ta-sawwur** ke zaríe se quwwat bak̄hshí. Aur **Khudá** ap hamesha bhed kí tarah poshída phir bhí niháyat qaríb rahá. Unben pákhtarín makán ke andar jáne kí kabhí ijázat nahín thí. Lekin Haikal ke andar bhí bagair jánne is amr ke, ki us ke andar pákhtarín makán hai, nahín já sakte the. Hamesha aise sāmán pesh áte aur aise umúr zuhúr-pizír hote, ki **Khudá** kí qudrat i gaibí zāhir ho jātí thí, agarchi wuh un sāmánon ko achchhí tarah nahín samajh sakte the. Un ke as pas jo

kuchh hota tha us se k̄hiyál i mazkúr ko K̄hudá e Taálá qúwat o zor detá thá; tarah tarah ke gít jo ikat̄the hokar gáthe, aur shájrána kalám aur tarah tarah ke báje, K̄hudá is k̄hiyál ko taqwiyaṭ dene ke liye kám men láyá. Qurbáníon se aur Haikal ke maḥsús karne se aur kafára ke din se K̄hudá ne un logon meṅ darja ba-darja asardál diyá thá. Ham ko lázim hai, ki talím dene meṅ K̄hudá kí pairawí iḥtiyár karen. Aur jistarah rafta rafta K̄hudá kí saltanat ban gai use achchhí tarah shágirdon ke dilon par baithá den, aur jo báteḅ achchhí tarah samajh men nahín átí hain, jaise K̄hudá ká Qádir i Mutlaq aur Alim-ul-gaib aur pák honá goyá us kí súrat banákar rakh den. K̄hudá ke waḍon ko bár bár bayán karke ummed barháte raho. Aur us ke sáth wuh tamám maḥsús chizen jin se sachái ko taqwiyaṭ o zor pahunchtá ho dánáf se istiamál men láo. Yád rakho, ki ibádat ká k̄hiyál ek bahut bará wasiá muámala hai, lekin is meṅ shakk nahín ki wuh ázádí aur k̄hushí kí bát hai. Ibádat ke Zabaron meṅ sáf sáf yih páyá jata hai, ki un ká musannif k̄hushí ke josh meṅ likhtá hai.

3. K̄hudá ne apne shágirdon kí **yad** se bahut kám liyá. Qaum i Isráel ke awáil zamánon meṅ niri báten hí nahín batáin, us ne kám bhí kiya. Logon ko asíri se rihái baḥshí aur yih sikháyá, ki main ne un ke liye kyá kyá kám kiye hain, us ne kahá yád rakho, ki tumhare báp Dáúd ke sáth K̄hudá ne kyá kiya. Yih báten apne bachchon ko sikhláo. Agle waqton meṅ jo kám us ne kiye the unheṅ bayán karo. **(Ist. 5 : 6-9 ; Zabur 78 : 4-6 Zabur 102 : 18.)**

Ibárat bar zuban yád karne ke liye tafúliyaṭ ká zamána sab se achchhá hai. Lekin K̄hudá ke kám jaise Baibal meṅ aur Táriḅh meṅ aur k̄hud un logon ke hálát i zindagí meṅ páe játe hain, wuh har zamáne meṅ is liye sikhláne cháhiyen, ki log unheṅ bayán karte rahen. Is bát kí shahádaten ki K̄hudá e Taálá Parwardigár hai, aur yih ki wuh apní maḥklúq kí k̄habargírí kartá hai, aur yih kí rahm o gussa aur muhabbat us meṅ hai, unheṅ dete rahen. Aur yih bhí apne shágirdon ko batáo, ki tanháí meṅ kis tarah aur gharáne meṅ kis tarah aur kalísiya meṅ kis tarah duá mángná cháhiye.

Ustádon ko lázim hai, ki apne shágirdon ko is tarah sikháweṅ ki K̄hudá kí sanaton aur kárigáron ko sochne se us ke wujúd ká k̄hiyál un ke dilon meṅ paidá ho aur us ká shauq barhe.

4. **Khudá ne idhar udhar se talím ká kám bahut liyá.**

(a) **Mazhabi baton se.** Maslan Haikal aur Sabt aur duá ke auqát aur qurbáníon aur Idon aur pák sarishton aur inti-zám se Khudá ne logon ko sikháyá, ki in kámon men rūpaya aur waqt aur mihnát sarf karen. In chízon ká hásil honá aisí chízon ká hásil karná thá, jo Khudá se nisbat rakhtí hín. Hameñ cháhiye ki ibádat ke maqámon aur pák dinon ke aur jo chizen pák kámon ke wáste alag karke rakhí gai hain, un ke pák hone kí talím den.

Khudá kí chízon ke zimmedár hone ke sabab se hamáre shágird shudá shudá yih pahchánenge, ki khud wuh bhí Khudá ke qabze men hain.

(b) **Dunyawi baton se.** Idhar udhar kí háton se kár o bár men aur khushí men logon ke hálát i zindagí par bará asar partá thá. Aur Khudá ne aisá kiyá, ki un ke tajribe, kaháwaton aur zarb-ul-masl hokar mahfúz chale áte hain, aur un kahawaton ká matlab hamáre shágirdon kí tajribakárí se roshan hotá jatá hai. Ham ko cháhiye, ki in kaháwaton ko apne chál chalan kí rahnumái ke liye qáidon ke taur par qarár den.

(c) **Khilqat ke ahwal se.** Khilqat ke ahwál se Khudá ke shágirdon par us ká hál mun ashif ho jáegá. Tamám asbáb i sánia men yane Khudá kí tamám masnúát o maḥlúqát men us ká zuhúr barí roshní se chamaktá hai. Baibal men bádal us kí sawárián hain, aur garaj us kí áwáz hai, aur zalzale us ká chalná hai. Jab ham Khudá ká zikr karen to is tarah karná cháhiye ki goyá Khudá e Taálá khilqat ke kull kár o bár men maujúd o záhir hai.

SUWÁLAT.

1. Ustád kí garaz jaisá kuchh talím i Iláhi se malúm hotá hai kyá honá cháhiye ?

2. Khudá ne apne logon men dindárí kí rawish kis tarah paidá kí ?

3. Dindárí kí kháss sifat Baibal men kyá hai ?

4. Baibal ke sikháne men yád se kám lená kis tarah cháhiye ?

5. Khudá ne is haqíqat ko apne logon ko idhar udhar se kyúnkar sikháyá ?

6. Zindagí ke ámm wáqiát aur khilqat ke ahwál se ham ko Khudá kí huzúrí o qudrat ká ahwál kis tarah sikhána cháhiye ?

DUSRA HISSA.

PAHLÁ BĀB.

1. QURBÁNÍON aur tashbíhát se aisi baten zāhir kí gáí thín, aur jin tarkíbon se zāhir kí gáín, wuh shágirdon kí **liyaqaton ke muwafiq** thín. Abhí tak waqt púra nahín ho chuká thá, aur wuh log us ek kámil qurbání ke liye taiyár nahín the, jo ustád i aazam zāhir karná chāhtá thá, aur yih talímát jo logon ke taiyár karne ke liye thín, us waqt men bahut mufíd aur niháyat zurúr thín. Kháme kí íbádat ke rusúm, jin ko adá karte karte ádmí thak játá thá, aur roz-marra kí qurbáníán jo ánewálí bihtar báton ká namúna thín, aur jo qurbáníán karnewálon ko kámil nahín kar saktí thín, yih aisi chizen nahín thín, jin ke sikháne se bahut khushí ho.

“Soḡhtaní qurbáníon aur khatá kí qurbáníon se to rází na húá.” **Ibr. 10 : 6.** Lekin shágirdon kí istiádád o liyáqat ke niháyat munasib thín. Khudá apne síkhnewálon ko khúb jántá thá, ki jis bát ke wuh niháyat hájat-mand hai, wuh un ko kis tarah síkhána chāhiye. Khudá e Taálá hamesha un kí hidáyat is tarah kiyá kartá thá, ki maḡlúm se ná-maḡlúm ko ján lete the, aur fání chizen jo dekhne men átí hai, un se gaib kí azalí báton ko daryáft kar lete the.

Ham ko chāhiye, ki apne shágirdon kí istiádádon aur liyáqaton ko achchhí tarah jánch liyá karen, aur wuh báten batáwen, aur aisi tarkíbon se batáwen, ki ba-khúbí samajh sake, aur apní istiádád barhá sake, aur sirf aisi talím der, jo un ke liye niháyat mufíd ho, na wuh jo hamáre dil ko achchhí lage.

Do báten hamesha madd i nazar rakho. Ek to yih ki kis istiádád ká talib i ilm hai. Dústre yih ki jo liyáqat ham chāhte hai, us men wuh kaise hogí. “Har ek shakhs ko kámil dánái síkháte hai, táki ham har ek ádmí ko Masíh Yisú men kámil karke házir karen.” **Qul. 1 : 28.**

2. Khudá ne aisé kiyá, ki roz-marra ke hálát i zindagí se logon ke kḡiyálat **asl matlab ki taraf ruju** hue. Qurbáníon se aur tashbíhát se un kí talásh o justojú ko harakat húi aur kḡauf aur ummed paidá húi. Yih rusúm un báton par dalálat kartí thín, jin kí unhen hájat thí, lekin púre taur se un báton ko nahín batátí thín. Na sirf nabíon yá ustádon ne balki talib ilmion ne bhí barí ján-fishání se us naját kí bábat talásh o tahqíq kí, jo un ko milnewálí thí. **1 Pat. 1 : 10**

11. Khudá ne mahsús talámaton se aise k̄hiyálát un ke dilon men dāl diye, jo sacháí ká tukhm ho gae, aur us ne unhen aisi talím dí, ki jis se unhon ne us kī talím ko pasand kiya. Unhon ne aur ziyáda jánná cháhá. Kámil **tawajjuh** aur k̄hiyál se matlab kī justojú ká shauq barh jātá hai.

Kisí ke k̄hiyál o dil ko mahkúm to kar nahín sakte, is wáste apná tarafdár kar lená cháhiye. Khób súrat chizon ká pesh i nazar honá aur achchhí áwazon ká kánon tak pahunchná munásib wasíle aur tadbíren hai. Takhte par yá naqshe par apne k̄hiyál kī súrat khíncho, aur tálib ilmon ko munasib hai, ki jo báten unhen batái jáen, un ko gáen. Dil o zihn tar o táza rakhná cháhiye, táki báten achchhí tarah baith jáen.

Aur apne dilí shauq se apne mazmún aur apne tálib ilmon men ummed aur k̄hauf aur mubabbat o intizár ke k̄hiyálát o jazbát paidá karo. Taswír ká shísha masála lagá húa taiyár ho, to fauran aks baith jáegá. Isí tarah zúf fahm ádmí misál o taswír se bát ko bahut jald samajh legá, lekin jyú jyú un kī istiádád barhtí jáe, is tarah síkháe, ki un ke dil tumhári talím kī taraf k̄hushi se masrúf hon. Tamsíl o tauzih kī hájat usí qadr ghattí jáegí, jis qadr k̄hauz o fikr kī ádaten síkhte jáenge.

3. Khudá ne apne logon ko bahut kuchh **tasawwur bandhne ki quwwat** ke zaríe se síkháya. Us ne hamesha un ke sámhne namune pesh kiye. Us kī bádsháhat ba-taur ek namúne ke hai, aur us bádsháhat ke bádsháh ká chál o chalan rástbází aur sacháí aur muhabbat ka namúna hai. Khudá ke sáth sáth chalne ko us ke namúne ke mutábíq chalná kahte hai, jo chál o chalan use pasand hai, wuh sáf sáf batá diya gayá hai, phir bhí hamesha rasáí se báhar hai. **Zab. 1 ; Zab. 15.** Us ke zátí ausáf jo us ke logon se iláqa rakhte hai, is tarah us ne batáe hai, ki ek bachcha bhí samajh letá hai, agarchi kámil taur par ek bhí nahín samajh saktá. **Zab. 23.**

Jo kuchh unhen pahle se malúm thá, us se shurú karke aur Masíhí zindagi jaisí kuchh yahán aur bad-azín honá cháhiye, aur bil-fiál maujúd hai, us ke namúne un ke sámhne bayán karke un ke **tasawwur bandhne ki quwwat ko Khuda ne barhaya.** Hमारá kám yih hai, ki misálen aur namúne dil ke sámhne pesh karke tasawwur kī quwwat ko taraqqí de, lekin ham ko yih cháhiye, ki wuh ilm jis se hamáre shágird namúne kī misálen qáim karte hai, us ko hadd se ziyáda na samjhén. Ham

ko chāhiye, ki baṛī hoṣhyārī se un ke tasawwur kī rahnumāī is tarah karen, ki Ilāhī qawānīn ke mutābiq barhtā jāe. Jo chāl chalan pāk dil chāhtā hai, us ke wādē aur ummeden ham ko denā aur khud bhī apne shāgirdon ke sāmhnē usī qism kā chāl o chalan rakhnā chāhiyē. Ham ko sachāī kī tālīm is tarah denī chāhiye, ki tasawwur khud ba khud thīk taur par un natījon ko jān le jo achēhhā yā burā chāl chalan ikhtiyār karne se paidā honge.

4. Khudā e Taālā ne apne barguzīda logon ko talīm dene men yih kām kiyā, ki un ke dilon men **ham-dardi** o muhabbat paidā kī, aur jo kuchh dil-chaspi un kī nisbat dikhāī, wuh az rāh i muhabbat thī. Yih ham-dardī aql aur josh i tabīat donon se ilāqa rakhtī hai. Us kī talīm apne āp ko de dālne aur waqf kar dene kī hai. Us ne unhen wuh fāide sikhāe, jo un ke aur Khudā ke darmiyān mushtarik the. Khudā kī bādshāhat un kī bādshāhat thī. Āyinda ko jo kuchh un men zuhūr honewālā thā, us ko muwāfiq Khudā ne sāmān dāl diye, aur un kā kām chalāyā. Is se un kī aqlon ko harakat, aur fiālon ko ishtiālāk hūī. Jab Khudā ne nabīon ke wasīle se talīm dī, to kaisī kaisī bahsen paidā hūī, aur kaise shauq se logon ne apne darmiyān us talīm kī nisbat lahs o guftogū kī aur kis tarah tanhāī men us kī nisbat unhon ne gaur o fikr kiyā. Ham ko wuh bāten talāsh karnī chāhiyē, jo hamāre aur hamāre shāgirdon ke fāide kī hon. Ham ko un ke dilon ke muwāfiq kām karnā, aur un ke khyālāt men sharīk honā chāhiye. Aur yih bāt ham ko dil o zubān donon se zāhir karnā chāhiye.

5. Khudā ne apne shāgirdon ke **quwa i aqliya**, ko un kī istiādādōn ke muwāfiq **barhaya**, yāne jaisī Ilāhī talīm wuh hāsīl kar sakte the, usī ke mutābiq Khudā ne un kī aqlen roshan kar dī, is tarah se kī :—

(a) Apnī hukūmat ke qāide unhen batāe. Jab in qāidon ko apne tajribon se unhon ne āzmī liyā, to Khudā ne ba-lihāz wāqīāt i maujūda ke apne nabīon se unhīn bāton ko logon ke liye ba-taur intizāmī qāidon ke thahrā kar zāhir kar diyā. Maslan jab but-parastī halākat kā bāis hūī, tab us ne batāyā, ki is kā anjām kaisā kharāb hai. Aur aise hī jab tauba karne se phir achēhhe hāl par ho gae, to Khudā ne zāhir kiyā, ki tauba kā anjām kaisā achēhhā hai.

(b) Nasīhat o iḥrat ke hālāt sunāe. Khāss khāss wāqīāt aur shakhson ke zarīe se Khudā ne apne tarīq i āmal aur qawā-

nín sikháe. Ham ko cháhíye, ki apne shágirdon ko is tarah par talím den, ki logon ke hálát i zindagí aur qaumon ke tajribon se Kḥudá ke qawánín ko daryáft karen.

Amrika, Inglistán yá Hindustán yá koí amaldarí kyún na ho, thík Yahúdion kí tarah hukúmat i Iláhi ká anjám-kár málúm ho játá hai. Is zamáne ke wáqiát ká kḥáss mailán jo hai, us ke mutábíq logon ke dilon men haqíqaton aur intizám i Iláhi ke qáidon ko qáim karná cháhíye.

SUWALAT.

1. Kḥudá ne jo báten apne shágirdon ko sikháin, wuh un kí liyáqaton aur istiádádon ke munásibkaise kar din ?

2. Wuh kaun sí do báten hain, jo talím dete waqt ham ko hamesha madd i nazar rakhná cháhíyen ?

3. Kḥudá ne apne shágirdon ká dhiyán aur dil apní tarah kis tarah máil kiyá ?

4. Ham ko kyá karná cháhíye, ki jis se hamáre shágirdon men dhiyán dene kí liyáqat barh jae ?

5. Kḥudá apne logon ke tasawwur karne kí táqat kis tarah kám men láyá ?

6. Ham apne logon ke tasawwur ko thík taur par kyúnkar chala sakte hain ?

7. Ustád o shágirū ke darmiyán kis qism kí ham-dardí honá cháhíye ?

8. Kḥudá ne apne shágirdon ke qúwa i aqliya ko kis tarah barháyá ?

Lc-u-A 664

LIBRARY OF CONGRESS



0 007 922 366 9

